

14340/A/2  
Medical

F. x1

18/6


Plate wanting

25/



991592  
Adam room

Irene Osgood.











HERMANNI BOERHAAVE

*Phil. & Med. D. Inst. Collegii Praest. Bot. & Chem. Prof.*

*in Acad. Lugd. Bat. Praes. Coll. Chir. Soc. Reg. Scient.*

*Lond. & Acad. Reg. Scient. Paris. Sod.*

D E

MORBIS OCULORVM

PRAELECTIONES PVBLICAE

EX CODICIBVS AVDITORVM

EDITAE.

EDITIO GOTTINGENSIS ALTERA

QVINTA PARTE AVCTIOR ET

EMENDATA.

---

*Cum Privilegio Regis Poloniae & Electoris Saxoniae.*

---

G O T T I N G A E,

IN OFFICINA VANDENHOECKIANA.

MDCCL



Cataractæ veram sedem inter  
primos recepit Boerhaavius  
cum has prælectiones anno  
1708 habuerit.

x+d sin

Aperiri præstare canalem lacrymarum  
ipsum, quam novum parare, dudum  
vidit præceptor, veramque naturam  
fistulae lacrymalis in obstructis  
ductibus ante Anellium docuit.

Hemeralopiam & Nyctalopiam,  
Presbyopiam, et Myopiam erit  
explicita et multa proposita  
quæ nunc pro novis habentur





# *Editor Lectori*

S.

**C**um hunc codicem magni  
BOERHAAVII videam non abs-  
que culpa esse, neque vellem inde  
famae Tanti Viri quidquam detra-  
ctum, haec est praefari visum.

Codicem Praelectionum de  
morbis oculorum anno 1708. pu-  
blice habitarum possidet Vir hu-  
manissimus & doctissimus IOHAN-  
NES RVDOLPHVS ZWINGERS  
Basileensis Praxeos Professor. Ejus  
codicis, satis, quantum recor-  
dabar, nitidi, copiam mihi pro  
sua comitate fecerat. Has sche-  
das

## P R A E F A T I O.

das roganti dederam bibliopolae. Videbam equidem passim vitio-  
las esse, & plenas repetitionibus,  
& ordine non optimo, & dictione,  
quae non responderet masculo,  
& laconico BOERHAAVIANO ser-  
moni. Sperabam tamen, neque  
sic codicem displiciturum esse,  
dum mundiozem paulum, & com-  
tiores meo labore efficerem. Cum  
autem ad partem magis mathema-  
ticam libelli operae accederent,  
ita turpem inveni, & maculosum,  
& ab omni geometrico ordine,  
more, sermone, remotum codi-  
cem, ut quod nunc agendum mihi  
supereffet, haererem dubius.  
Aliquot enim plagulae absolutae  
erant, quas, si abjicere juberem  
bibliopolam, vix spes erat consen-  
surum. Ergo effeci rogando, da-  
taque fide, ut codicem ZWIN-  
GERI



## P R A E F A T I O.

GERI optimi mihi mitteret EMANUEL KOENIGIVS, pene a viginti annis amicus noster, & collega ZWINGERI conjunctissimus. Advenit libellus, sed praeter omnem spem meam perinde maculosus, manu hominis omnium mathematicum ignari procul dubio scriptus. Haec ita dicta volo, ut nihil inde humanitati ZWINGERI decedat, qui libellum incerta manu scriptum, non sua, nihilo minus propensa voluntate commodavit, quam si optimum misisset & emendatissimum. In has angustias deductus, quantum per alios meos labores licebat, correxi vitia iconum & sermonis, & minus certe malum reddidi libellum, etsi meliorem edere non ob meam solum, sed ob ROERHAAVII imprimis existimationem impense mavissem.

## P R A E F A T I O.

luissem. Infanabilibus locis praefixi asteriscum. Dictionem, orthographiam, demonstrationes, ubique correxi, ut tamen, quantum possem, sententiam magni Viri incorruptam servarem. Ita ingenuitatem certe meam & fidem aequi iudices non desiderabunt. Neque majorem laborem impendere me sivit, aut meorum studiorum ratio, quae vix mihi ullam vacuum horulam relinquunt, aut religio, quae vetabat nimium mutare, ne ipse auctor fierem libelli, qui fuerat BOERHAAVII. Dedi in Georgia Augusta die 21 Februarii 1746.



# PRÆFATIO

AD EDITIONEM SECVNDAM.

**H**aec priori editioni præfatus sum, nunc hanc alteram aliis verbis oportet commendare. Vir ILL. LAVRENTIVS HEISTERVS, pro sua publice bene merendi cupidine, misit ad me codicem propria manu scriptum harum scholarum, quas apud BOERHAAVIUM ad-

PRAEFATIO AD EDIT. SECVND.

fiduus frequentaverat. Am-  
plus codex est, triplo hoc  
nostro plenior. Sed cum  
pleraque ad Physica & Opti-  
ca spectent, & magna vis fi-  
gurarum desideraretur, quas  
non erat facile ubique satis  
emendate imitari, satis futu-  
rum credidi, si partem medi-  
cam praelectionum ex eo co-  
dice ditarem. Id onus in se  
suscepit, me tot aliis labori-  
bus districto, Vir Exp. amicus  
noster olimque discipulus, D.  
CHRISTIANVS LVDOVICVS  
WILLICH, Northeimensis  
Phy-



PRAEFATIO AD EDIT. SECVND.

Physicus, atque ex HEISTERIANA penu nostrum libellum locupletavit & ornavit, ex quo factum est, ut quinta parte nunc auctior prodeat. Ego vero totum opus relegi, recensui, & passim emendavi, icones etiam plufculas aut fculptoris vitio, aut anonymi delineatoris corruptas, correxī. Itaque hanc editionem adgnosco, ut meae certe fidei demandatam, etsi hiatus & menda etiam nunc superesse videam. Sed plura non sivit praestare vitae meae genus,

PRAEFATIO AD EDIT. SECVND.  
nus, qui raptim & per minima  
tempuscula haec ipsa pro-  
curavi, quae hic accipis AMI-  
CE LECTOR. Editiones vero  
priorēs Parisinas Venetamque  
tuto poteris seponere, qua-  
rum latinae ad Gottingensem  
priorem fictae sunt, gallica  
vero versio satis negligenter  
scripta est. Dedi Gottingae d.  
20. August 1750.

ALBERTVS HALLERVS.

PRAE-





# H. BOERHAAVE

## PRAELECTIONES PVBLICAE DE MORBIS OCVLORVM.

I. **E**xponam hic tantum morbos visus proprios. Visus enim morbi vel proprii sunt vel communes. Communes dicimus, quorum natura, cognitio & curatio ubique eadem sunt, sive in oculo sive in alia parte corporis existant. Proprios autem vocamus eos, qui non solum ipsam oculi functionem, hoc est, visum laedunt, sed & peculiarem curam requirunt.

II. Hi morbi eodem ordine recenseri debent, quo partes ab anatomicis recenseri solent, itaque de partium externarum adfectibus primo loco agendum erit.

### CAP. I. DE HORDEOLO.

III. In oculis tria morborum genera occurrunt. Sunt enim ibi glandulae, sebaceae seu ceratae dictae, in margine palpebrarum positaе, quarum emissaria exigua ubique hiant eo loco quo palpebrae se invicem contingunt, quod quilibet in se ipso videre potest ad speculum. Hisque accidit morbus frequentissimus & curatu saepe difficillimus.

IV. Verum si ullibi confusi sunt scriptores in nominibus morborum, sane in nominibus morborum oculi hoc reperimus vitium, quod ex AEGINETA abunde adparet. Is enim & AETIVS optime inter veteres de morbis oculorum scripserunt. Quippe quorum prior melior fuit chirurgus & practicus quam theoreticus; posterior autem est Pandectista optimus veterum, qui omnia collegit & pandectas quasi medicas scripsit. Hinc eidem morbo diversa saepe nomina, & diversis morbis idem non raro datum esse nomen videmus. Vt ideo NOS ab hoc vitio expediamus, adpellabimus morbos ex situ partium & ex earum nominibus.

V. In glandulis ergo istis, ad margines palpebrarum positis, occurrit morbus ubi incipiunt 1) leviter tumere 2) si quidem hoc pergit, undique rubere, 3) acumen foras spectans producere incipiunt 4) quod contactum dolet. Si tunc invertitur palpebra, adparet species exigui quasi ciceris, vel durum flavumque ut plurimum tuberculum, quod interius etiam magis adparet quam extus, quia membrana interior est tenuior. Extrinsecus saepe nullus est tumor, quia ob cutim densiorem non ita translucere potest. Si pergit hoc malum vel in inflammationem & supurationem transit, & cito evanescit.

VI. Si vero lentior est materia, nec tanta



ta vis humorum adfluentium, durescit, lentescit, in speciem scirrhi, & saepe in cancerum abit, seu Lippitudinein palpebrarum.

VII. Ex hoc morbo secundus fieri potest. Margo enim palpebrarum est cartilagineus, cui tenuissima membrana adfigitur, quae sic facile laeditur, hinc fit Excoriatio palpebrarum, seu perichondrium illud corroditur.

VIII Tumor iste comprimens in limbo palpebrarum ab aliis vocatur *hordeolum*, ab aliis *grando*, alii alia dederunt nomina, sive ad canthum majorem sive ad minorem proveniat, & ubique idem fit morbus.

IX. Praedictio facilis est, quippe quae pro inflammationis exitu variat, in subpurationem nempe aut scirrhum. Si cito ea progreditur, subpurefcit; Si lente procedit, in scirrhum abit. Alias non magni est momenti.

X. Curatio omnis morbi petitur primo ex cognita causa morbi, & secundo ex consideratione loci & partium vicinarum. Si ergo hic morbus in aliis locis haereret, facilis esset curatu, & facile eximeretur; sed in oculi morbo non omnia remedia adplicare possumus, magis enim locus, quam causa proxima respicienda est.

XI. Haec itaque cura triplici modo absolvitur. 1) Si videmus lentio rem materiam,

A 2 quae

quae resolvi nequeat, nec in subpurationem vergat, tunc prima indicatio est emollitio, sequenti remedio egregie absolvenda. *Rx* Florum verbasci, meliloti, sambuci aa.  $\mathfrak{z}\beta$ . Seminis lini recentis  $\mathfrak{z}\text{vj}$ . Coque sec. artem in quantitate suffic. aquae pluvialis, & sub finem addatur saponis veneti  $\mathfrak{z}\text{j}$  vel  $\mathfrak{z}\text{ij}$ . Huius decocti  $\mathfrak{z}\text{ix}$  servantur in usum. Hoc fottu humectantur lintea, & oculus fovetur per viginti quatuor horas. Tenera sic fit cutis palpebrarum, ut facile aperiatur tuberculum. In oculi morbis ubi emolliendum est & leniter resolvendum, egregium est dictum medicamentum.

XII. Hoc facto sequitur secunda indicatio, ut eschara producatu eamque excipiens subpuratio. Ergo ad punctum hordeoli emnens paucissimum spiritus salis ammoniaci prudentissime adplicetur, quod fit penicillo tenuissimo pictorum: sic per tempus, quo triginta vel quinquaginta numeramus, locus erit inflammatus, & inflammatio transibit in subpurationem. Si vero inflammatio non pergit, tunc de novo adplicatur ille spiritus eodem modo, sicque hordeolum reducitur in illum statum ut subpurari possit. Sic plurima talia mala curantur. Si forte nimia inflammatio oriatur ab hoc spiritu, praecedens fottus iterum adplicatur, sicque intra limites continetur. Qui spiritum salis ammoniaci  
non



non amat, lapide infernali acuminato uti potest.

XIII. Tertia indicatio. Postquam eschara illa exigua excidit, tunc adplicamus emplastrum exiguum exsiccans pro defendenda parte, ut emplastrum diapompholygos. Alii hoc hordeolum enucleare solent, sed hoc nimis est dolorosum.

XIV. Hac ratione tolluntur mala cutanea similia oculo adcreta, ut verrucae, atheromata &c. Quae, nisi his auscultant remediis, sunt curatu difficillima.

## CAP. II.

### INFLAMMATIO EXCORIATORIA MARGINIS PALPEBRARVM.

XV. Secundus morbus palpebris proprius est marginis inflammatio excoriatoria. Videmus nempe multos homines, quibus hi margines tument, rubent & ichorem stilant. Hic morbus in infinitos divisus est ab auctoribus.

XVI. *Prognosis*: Nulla pars corporis externa exesa est, quae difficilius curatur, quam margo palpebrarum. Ratio est, quod reliquae partes omnes rugosae sint, haec vero adeo stricta, tensa & polita, ut contrahi nequeat, in primis in limbo, ubi vera cartilago cum perichondrio suo haeret. Inter

omnes enim membranas nulla difficilius curatur, quam ea quae tensa est, & in primis ea quae pauca vasa substrata habet, aut parti immobili est superextensa. Simulac ibi erosum est vas, contrahitur, & labia vulneris a se invicem discedunt. Labia haec ob cartilagineum rursus comprimi nequeunt, & motus denique perpetuus palpebrae impedit consolidationem. Si quiescunt palpebrae conglutinantur statim; si vi adhibita denuo aperiantur, denuo excoriantur, & perichondrium laceratur.

XVII. Si membrana haec tenuissima, periosio similis, quae tarsum investit, inflammatur, oritur 1) rubor, 2) dolor 3) calor perpetuus 4) tensio maxima, quam sequuntur immobilitas partis & siccitas. Hac inflammatione orta, necesse est occludi vascula sebacea seu excretoria illarum glandularum minima, quae ceratum unguentum solebant premere in nictatione.

XVIII. Causae hujus inflammationis in universum eadem sunt, cum aliis inflammationum generibus. Primaria tamen hic est inspissatio nimia sebi palpebrarum, quae provenit & glandulis sebaceis, & sic ejus excretio per sua emissaria prohibita, aut succi lacrumalis impedita excretio.

XIX. Effectus est ut incipiant tumere extrema palpebrarum, ut in priori casu, mox vero



vero rubebunt. Si his continuo adplicantur emollientia, curantur, & praecavetur morbi incrementum. Alias, si morbus iam factus est, & limbus jam incepit rubere, mox inflammatio fit, & hac inflammatione facta in his tenuissimis vasculis excretoriis, illa subpurantur, & loco benigni feri, liquor acris seu ichor per totam vitam inde exit. Hoc morbo posito, malo nempe in subpurationem deducto, curatio difficillime succedit, oritur nempe exulceratio faeda rubra, per totos margines, & si pergit tota palpebra tumens convertitur, unde fit clausura oculi & concretio, pessimum malum. Morbi hi qui a continuo ploratu oriuntur, facile curantur, & communes sunt, hic vero agnus de morbo ab obstructione, ut diximus, orto.

XX. Si ergo ab ista causa oritur, Curatio duplex est, vel inflammationis vel subpurationis. 1) Quando prima signa inflammationis oriuntur, tunc talibus medicamentis curam adgredimur, quae possunt resolvere, nec tamen subito movere. In eo nimirum opus haeret, si relinquis materiam, inflammatio pergit in subpurationem, & si nimis resolvis, indurescit. Hinc ut compactum resolvatur, modus servandus est intermedius. Si externe vel in aliis externis locis haereret, inflammaremus locum, & sic facile curari posset. Sed quia in interna parte est, oculi

lo contigua, haec medela locum non habet. Si enim has partes inflammare vellemus, emissaria destruerentur, & inidonea fierent per totam vitam. Difficulter autem ibi medicamenta adplicantur. Medicamentum vero optimum & expertum est sequens. *Rec.* Bulborum liliorum alborum ℥℥ [habet vim allii & humectantem] Florum meliloti vel sambuci ℥j Croci optimi ℥j [℥j]. Coque s. a. in s. q. aquae vase clauso, tunc adde farinae filigineae q. s. [haec facilius acescit quam aliae, magis vero resistit inflammationi] & olei trifolii odorati ℥℥ vel ℥ij. & salis ammoniaci gr. vj. vel viij. Debemus emollire & tamen non inflammare, hinc emplastica & nimis acria nocent. In hoc autem medicamentum nihil ingreditur, nisi quod scopum suum habet, & abesse nequit. Tali cataplasmate, inter lintea involuto, & bis in die tepide renovato, utatur aeger, donec fibrillae palpebrarum fiant laxiores & rugosae. Hoc facto videbimus tumores subsidere, hincque novimus canales factos esse liberiores, humores vero ita adtenuatos, ut diffiliari possint & dissipari. Solutio ergo succedet. Sed eo fine consequuto desistendum est, ne nimia fiat laxitas, aliusque morbus, quo stillicidium viscosum per totam vitam intestat.

XXI. Pergendum autem ad remedium parum adstringens vel roborans, quod sequens colly-

collyrium praestat. *Rec.* Florum rosarum rubrarum ℥j granatorum ℥j Foliorum agrimoniae manipulum unum. Coque in vino rubro austero. Decocti ℥viij adde Mellis rosarum ℥ss. Hocce fotu cum linteis adplicato rugositas abit. Hoc praestat in ophthalmia, aliisque talibus morbis ubi adstringendum est. Si neque lacrumae neque tumor oriatur, in bono statu est.

XXII. Sic tollimus plerumque inflammationem illam magnam. Remanet tamen saepe rubedo & inflammatio obstinatissima ad eas partes, inque hoc casu nobile est remedium sequens, collyrium nempe siccans, roborans, antiphlogisticum in inflammationibus externis. *Rec.* Sacchari saturni ℥j Cerussae albae ℥iss [℥iv.] Camphorae gr. vj. Cum paucis guttulis Olei infusi rosarum diu exactissime terantur. Tandem adde Unguenti rosacei simplicis & Unguenti diapompholygos aa. ℥ss. M. f. unguentum, quo obliniantur margines. Hujus medicaminis pinguedo non officit corneae, & egregii est usus, si eo saepius inungantur margines palpebrarum, in primis mane & vespere, oculis clausis, absorbet, constringit, lenit. Saccharum saturni nunquam tollit inflammationem per se, quia acre est ab aceto, sed mixtum cum cerussa acre ejus demulcetur & roborans fit, omnia enim acria, quae lacrimas excitant, vitanda sunt,



sunt, alias nihil perficimus. Cerussa quoque sola hoc non faceret, nimis enim iners est, sed mixta, efficax fit medicamentum.

XXIII. 2) Si jam diu duravit morbus, & perichondrium jam laesum, sive laceratum vel exulceratum, tunc difficilis est curatio, imo vix unquam curatur, & quidem ob nocturnam coalitionem palpebrarum, quare omni mane novum fit vulnus. Nuper tamen in annoso homine remedium reperi, quod optime profuit. Nihil ferre, nihil interponi poterat. Animadverti enim gluten in oculo naturaliter constituto adesse, ad hoc perichondrium obliniendum, eoque destructo illud mox erodi, quod in hoc homine ita evenerat. Cogitavi ergo, quid substituerem huic glutini, & inveni oleum sequens: *Rec.* Cerae albae ℥℥ Olei stillatitii & rectificati cerae ℥j Butyri recentis & ab omni acido adhaerente loti ℥ij M. f. Ungu. quo saepe de die inter vigilias palpebrae lenissime obliniantur. Noctu vero linteam eodem unguento oblitum adplicabatur toto margini. Sic effeci ut partes non amplius concreverent, nec inflammarentur.

### CAP. III.

#### DE SUBPURATIONE MARGINIS PALPEBRARUM.

XXIV. Tertius morbus est subpuratio marginum palpebrarum, orta ex obstructione & vitio

vitio subpuratorio glandularum sebacearum, earumque emissariorum.

XXV. *Prognosis.* Hoc malum difficile est curatu, ob duas causas, 1) ob perpetuum adtritum, dum oculus aperitur 2) ob perpetuam concretionem, quando oculus in somno clauditur. Hinc videmus multos homines faedissimo adspectu. Difficultas curationis magis patet considerantibus suboleosum gluten a glandulis sebaceis expressum, in margines palpebrarum transfudare eosque illinire, ne concrecant palpebrae, eo autem destructo plus dolere oculos. Oculus autem eo plus nictat, quo plus dolet; quo plus nictat, eo plus excoriatur. Si quiescunt sive clauduntur, concrecant, nam nihil interponi potest, quia nictatione & a musculo orbiculari statim exprimitur. Si divelluntur, iterum lacerantur, & de novo excoriantur. Patet ergo difficultas curationis.

XXVI. Summa omnium in hoc casu est ut indicationes habeamus sequentes 1) Tota inflammationis historia, primis capitibus absoluta, repetatur. Quo facto, quando videmus materiam incipere expurgari vel fecerui, vasa laxari, & tumorem emolliri, tunc 2) roborandum sequenti medicamento, quod optimum in hunc finem reperi. *Rec.* Aloës & Myrrhae purissimae aa. gr. vij. Mercurii dulcis (sine quo curatio non fit) ter quaterve publi-

sublimati, ut acidum salis marini integre cum mercurio jungatur gr. v. Mellis rosarum ℥β. Diutissime trita jungantur optime. Tunc tepefacto hoc medicamento saepius de die illinantur palpebrae, noctu vero linteolum mundissimum vel plumaceolum hoc medicamento madidum, inponatur. In senibus vix aliquando iuvat, nisi plus de mercurio addatur, & sic eo magis resolvat, nimis enim pertinax est malum.

XXVII. Si his praesidiis materia correcta est, margines iterum elasticae factae, & vala iterum robur accipiunt, tunc hoc medicamento abstinemus, & illud adhibemus, quod locum hujus sebi naturalis subplet, & in laesione perichondrii (n. XXIII.) traditum est. Illud enim oblinat & tunc viscida conveniunt.

#### CAP. IV.

### DE FISTVLA LACRVMALI A PALPEBRARVM VITIO, SEV OCVLO LACRVMANTE.

XXVIII. Primam speciem fistulae lacrumalis huc revocamus, quoniam malum jam exponendum a palpebris oritur. Immutari autem debet ratione curationis vulgo descriptae. Nonnulli fistulam lacrumalem tantum vocant, excretionem puris ex oculo cum labiis callosis. Verum fistula lacrumalis est omnis ille morbus, cujus vitio naturalis vel  
prae-



praeternaturalis lymphæ lacrumosa non per sacculum lacrumalem secundum carunculam in nasum transfluit, sed ex oculis seu palpebrarum aperturis quavis de causâ in genas elabitur.

XXIX. Prima ergo species est, si apertura in folliculo vel monticulo illo, ad finem palpebrae cartilagineae in angulo majori oculi ita laeditur, ut lacrimas recipere & ad nasum transferre nequeat, per canalem & sacculum lacrumalem. Morbus est frequentissimus, sed praetervisus.

XXX. Causa plerumque est inflammatio palpebrarum. Inflammatio autem palpebrarum, ut in ceteris, est tumor. Tumor semper comprimit loca vicina. Si ergo ibi nascitur tumor, comprimet illam carunculam seu valvulam: clauduntur ita puncta lacrumalia, hinc lacrimae ingredi nequeunt, tunc oculi plorant continuo, dolor inflammatorius perpetuo stimulat, muscoli orbiculares stimulatî ad contractionem comprimunt oculi bulbum, quo factò glandula lacrumalis major comprimitur, unde tumet. Hinc plus lacrumarum secernitur, & cum ibi recipi nequeant, cadunt ex oculis, earumque continuum fit stillicidium. Aliquando etiam illa pars palpebrae exulceratur, quae fuit inflammata, unde apertura postea ibi manet, cum oculus fuerit clausus. Per totam vitam stillicidi-

lacidium adest, quia pars ibi clausa impedit fluxum ad saccum lacrumalem. Aliquando etiam ille locus comprimitur a tumore seroso. Denique ex grandinibus in palpebra aliquando oritur, vel ab alius cujusdam partis inflammatione.

XXXI. Curatio ejus instar corollarii fluit ex praecedentibus. Si vero fit a concretione, tunc apertura aperiri nequit, & curatio est impossibilis, quis enim ferro hoc tentare vellet? Quando tunc pertundunt nasum, duplicem fistulam faciunt, morbumque non sanant.

XXXII. Secunda species fistulae lacrumalis a palpebris ortae, fit, quando figura ipsius palpebrae inepta est lacrimas determinare ad canthum majorem. Palpebrae enim margine suo ita sunt positaе, & ad se mutuo ita respondent, ut exacte determinent omne liquidem versus angulum majorem. Deinde alter musculus orbicularis, cum claudit palpebras, insuper plus comprimit partes externas, ab his clausis fit ne lacrumae involuntarie fluant, sed redigantur in canthum majorem. Si haec vis perit, oritur species fistulae lacrumalis. Si palpebra retorrída fit, Ectropium vocant, quod saepe fit post inflammationem diuturnam, vel post suppurationem, quae destruit structuram marginis palpebrarum ejusque figuram, tunc fit stillicidium,

& videmus etiam in illis hominibus in medio palpebrae plerumque partem aliquam inversam esse vel exesam, ut margo non aequalis sit, unde etiam aequaliter premi non potest, & exesa palpebrae pars recipit lacrimas & destillare finit per genas.

XXXIII. Curatio est difficilis, quoniam vix aequabilis restituitur figura, & in primis, quia fibrae orbicularis musculi tam tenues sunt, ut si semel exesae fuerint, vix restitui eum in modum queant, ut exacte postea claudatur palpebra. Cura tamen optima fit, si locus ille possit lapide infernali adtingi, caute tamen & levissime tantum ac superficialiter, cavendo ne nictitando altera palpebra tangatur. Hac enim ratione fit ut cicatrix pulcherrima redeat, & dura. Primo emollimus locum per ea, quae dicta sunt in inflammatione palpebrarum (n. XX.). Postea leniter attingimus locum lapide praedicto, post cujus tertiam vel quartam repetitionem ille margo cicatricem relinquit duram, quo facto collyrium adplicatur corroborans ex cerussa & saccharo saturni, datum in inflammatione palpebrarum (n. XXII.) Si hoc non curatur, incurabile est malum. Si vero exesio ad musculi orbicularis fibras perrexit, ejusque partem consumsit, tunc impossibilis est cura, & pars erit pendula.



## CAP. V.

DE LAPSV PALPEBRAE  
SVPERIORIS.

XXXIV. Lapsus palpebrae superioris dicitur, quando illa eo usque laxata, & adeo elongata est, ut actione musculi elevantis palpebram ita elevari non possit, uti alterius oculi palpebra, neque totus oculus nunc detegatur, unde vel vilus vel pulchritudo laeditur, imo aliquando integra caecitas fit, nisi palpebra manu continuo elevetur. Vitium hocce pendet plerumque non a paralyfi musculi elevatoris palpebrarum, nam potest moveri, sed a fibrarum laxitate.

XXXV. Magnalis fuit inter R V Y S C H I - V M & R A V I V M de instrumento pro hoc morbo sanando invento. Curatio fit modo sequenti. Sumatur mensura utriusque palpebrae, dum homo respicit objectum horizontaliter positum, tumque videatur quanto minus adtollatur una palpebra, quam altera. Id postquam observatum est, fiat ruga in una palpebra, donec videamus rugam eousque elevare illam palpebram, ac in altero oculo elevatur. Hoc facto sumimus instrumentum confectum ex duabus tabulis ligneis vel cupreis, & inter illas rugam istam, quae pars palpebrae superflua est, continemus, ne pars fibrarum simul abscindatur sed tantum sola cutis,

cutis, trochleisque claudimus. Cute sic firmiter prehensa inter dicti instrumenti duas laminas, partem ex instrumento eminentem abscindimus. In tabulis aliqua sunt foramina, per quae acus ope fila trajiciuntur, & ligantur. Hac ratione vulnus conficitur, quo sanato palpebra brevior fit, qualis esse debuit. Sunt, qui scribant, palpebram per hanc curationem retroflecti, quod falsum est. Nam licet pars exterior trahatur, non tamen retorrida fit, quia pars illa satis laxa est; & oculus iterum videndi vim recuperat. Amstelodami multa sunt curatorum exempla.

## CAP. VI.

### DE FISTULA LACRVMALI.

XXXVI. Definitio ejus data est, cum ejus causam a palpebrae vitio ortam diximus (Cap. IV.) Dicitur nempe fistula lacrumalis omnis morbus, cujus vitio lacruma vel naturalis vel praeternaturalis cadit in genas, via in nasum impedita. Causa ergo est omne malum, quod impedit derivationem vel transgressum lacrumarum in cavum narium. Causae haec definitio sumitur, quia fieri potest, ut ob solum vitium in naribus positum oria-  
 tur fistula lacrumalis, sacco lacrumali & reliquis bene se habentibus. Fit autem fistula  
 B lacru-

lacrumalis pro diversitate loci a diversis causis.

XXXVII. 1.) Fit vitio aperturae vel clausurae valvulae in oculi cantho majori positae. 2) Ex mutata figura limbi cartilaginei palpebrarum. 3) A vitio obstructi canalis, qui liquidum in saccum lacrumalem deducere debet. 4) Fit, si ipse sacculus ineptus fuerit redditus lacrumis recipiendis: tunc licet reliqua bona sint, tamen mox iterum rejiciuntur lacrumae. Haec est illa species, quam vulgo credunt oriri ex carunculae lacrumalis vitio. 5) Fit vitio lamellae membranaceae pendulae intra nares ad finem canalis ossei. Ibi enim intra nares apertura est, quae non valvulam praefectam habet, sed speciem papillae pendulae, per quam possint decidere liquida ex sacco lacrumali in narium caveam. Facile stilum admittit haec apertura. Quando ergo illa lingula non aperitur, tunc lacrumae specie sternutationis ex oculo cadunt. In eo malo aegri putant lacrumas in canali lacrumali haerere, verum sternutatione, quae fit vellicatione membranae narium, repelluntur. 6) Fit ab impedita collectione lacrumarum, a caruncula ipsa lacrumali dicta, laesa.

XXXVIII. Male haecenus instituerunt curationem, urendo aut pertundendo os unguis, cum tamen hoc modo boni quid fieri nequeat. Primas duas species, a palpebrarum vitiis

pen-



pendentes, diximus (cap. IV.). Tertia fistulae lacrumalis species fit, quando omnibus organis lacrimas determinantibus bene constitutis, ipse canaliculus, qui ducit a valvula canalis lacrumalis in saccum lacrumalem obstructus est. Hic canalis est fere trium linearum longitudine. Cognoscitur hic morbus ex eo, quod lacrumae ex oculi cantho majori tantum exstillent & non alibi, & quod extrema valvula videatur bene se habere. Causa datur duplex: 1) a materia in canali haerente; 2) ab obstructione seu compressione externa, tunc vero curatio petenda est ex curatione hordeolorum, seu grandinum, vel inflammationis. Si autem malum a causa intus haerente oritur, cognoscitur, quando externe palpebram reflexam circa valvulam ad lucem inspicimus, videmus enim canalem quasi concretum esse. Tunc statim navanda est opera, ut resolvatur id quod haeret. Hoc fit validissime resolventibus, nec tamen inflammationem inducentibus, ita ut lacrumae resolvantur, & viscidum tollatur, alias a vi plastica fit inflammatio. Medicamentum fidissimum est sequens, quod in omni oculi morbo, ubi resolvendum, optimum est. *Rec.* Gummi galbani electi & depuratissimi sine aceto ℥ij Vitelli ovorum recentis 3j. Tepefacto gummi sensim admisce vitellum ut lenissime dissolvatur. Tollitur

litur sic viscositas gummi, quod ideo necessarium est, cum alias illa pars emplastica oculum inflammaret. Sic bene soluto gummi adde Ceparum sub cineribus assatarum ℥ss Croci triti ℥j. Fiat cataplasma, cujus pauxillum continuo adplicetur oculi cantho majori, ut obstructio, si fieri potest, resolvatur. Si autem canalis concreverit, nullum datur remedium, nam naturalem aperturam nunquam restituemus, neque pertusione, remedio omnino desperato, quis enim priorem ductum accurate inveniret. Ductu autem obstructo, canalis quoque lacrumalis sensim concrevit. Vulgo quidem jubent os unguis perforare ad carunculam in nares & sanare, ut maneat fistula in naribus; sed & haec operatio irrita est, quia lacrumae per hunc canalem non determinantur, sed ante illum per valvulam seu carunculam, hinc non impedit terebratio, quin stillent lacrumae. Et nisi malum curatur, postea & ipsa glandula lacrumalis obstructione occupatur, nam omne adhuc, quod adfluit, haeret tantum inter glandulam & saccum.

XXXIX. Quarta species fistulae lacrumalis oritur ab ossei canalis, saccus lacrumalis dicti, obstructione in naribus facta. Constat nempe ex anatomicis, sub caruncula ex concursu ossis unguis excavati & apophyseos ossis maxillaris superioris fieri cavitatem satis

am-

amplam, quae in canalis ossei speciem continuatur, & intus membrana obducta est. Si nunc omnia, quae ad secretionem lacrumarum requiruntur, bene se habent, verum saccus seu canalis osseus obstruitur eo loco ubi angustior fit, oritur hic morbus, in quo lacrumae in hoc sacco colliguntur, unde nassus intumescit, ibi ubi saccus angustior fit, ita ut tumor adpareat externe sub caruncula anguli majoris, & si morbus per aliquot tempus duravit, membrana hunc saccum tegens ab humore ibi stagnante tandem exeditur. Prius vero, quam eo usque procedit morbus, liquor lacrumalis, quando homo sternutat, vel quando locus ille tumefactus premitur, retrogreditur & per genas delabitur. Postquam vero tam diu in sacco stagnavit, ut acris factus fuerit, tunc partes, quae hoc liquido ablui solebant, dum legitime fluebat, jam inflammantur, corrumpuntur, eroduntur, ut foramen fiat, ex quo similiter materia per genas destillat. Tandem caries in eo loco accedit. Solent inde hunc morbum vulgo tractare ut ossis cariem, quae tamen plerumque magis est effectus quam causa, exceptis casibus nonnullis.

*Causa.* Circa medium nasi juxta altitudinem oculorum haeret os spongiosum superius, cujus operculum seu apophysis est os unguis, cum ossiculo plano, pariete laterali



maxillae superioris, & cute, quae ad parietem ossis superioris maxillae haeret, cavum efformans. Eo nunc loco, si ibi tumor enatus fuerit inflammatorius, verruca, polypos, &c. tunc comprimitur orificium sacculi, ut nihil transire possit. Idem morbus in lue venerea fit, nempe exostosis hujus ossis, unde similis compressio. Sic vario modo fistula fieri potest ex causis corrodentibus, scirrhosis, inflammantibus, verrucis & omnibus, quae claudunt hunc laccum in naribus, unde lacrumae se evacuare nequeunt, nisi per palpebras.

*Curatio.* Indicatio est, efficere, ut liquor collectus per nares iterum exeat, seu ut lacrumae per nares iterum descendant. Si enim hoc efficimus, cura peracta est, quae enim medicamenta alio modo agunt, nihil perficiunt. Obstructio ergo tollenda est, siue externe siue interne haereat. Si vitium externe haeret, tunc perforandum est osfaci lacrumalis. Si vero interne in naribus est obstructio, quae comprimendo claudit canaliculum, tunc per nares adplicanda sunt potentissima resolventia, quae tamen particulis suis acrioribus partem non inflammant. Adplicatio autem illa fit, dum vel aëre ista resolventia adtrahimus, vel spongiarum ope adhibemus, quae emolliendo simul viam laxant. Olim per turundas haec medicamenta ad-

adplicabantur, v. g. *Rec.* Florum meliloti, chamaemeli, sambuci aa. Miß. Coque in Aqua destillata sambuci q. s. (acria enim omnia vitari debent). Exprimantur fortiter. Tunc vel ope turundae adplicatur, vel ex vola manus saepius liquor in nares adtrahitur. Si hoc non juvat, videndum an perforari possit saccus lacrumalis, ut jam dictum est, quoniam haeret in cavo ab osse unguis & maxilla superiori facto, sub glandula seu caruncula lacrumali, quod in cranio videre potestis. Palpebris apertis & caruncula paululum detracta, praecise ad locum adtendendo, stilo ferreo inmisso fiat apertura, usque in cavum narium. Haec apertura postea callosa seu fistulosa est reddenda, & praecavendum ne iterum concreascit. Si hoc obtinemus, tunc curatio peracta est. Sed difficile est impedire ne iterum concreascant partes. Ut vero hoc fiat, parvum filum immittatur ope canaliculi per aperturam, idque per nares reducatur, ibique aliquot diebus retineatur, donec nempe callus generatus fuerit, sic enim lacrumae per nares non per genas stillabunt. Hinc autem videmus, quam difficilis sit curatio, si enim in ea operatione ossa spongiosa laeduntur, inflammantur, subpurant & excidunt, unde pessimum oritur malum. Cavendum autem quamdiu filum inest, ne lacrumae exeant superius, hinc

adplicanda ea, quae externe crustam inducunt, ut lacrumae versus nares determinentur. Id autem fit, quando continuo iarcocollam, thus, succinum, mastichen, gallas, cerussam, colophonium &c. inspergimus & crustam non nisi post tres dies iterum tollimus, tunc plerumque malum sanatum erit.

XL. Quinta species fistulae lacrumalis oritur a vitio membranae narium internae ita laesae, ut saccus se evacuare nequeat, hinc eadem fiunt, quae a vitio canalis. Oritur enim malum inde, quod illa membrana aperturam in nares claudat, unde lacrumae regurgitant. Accidit vero hoc malum frequenter iis, qui refrigerati sunt & coryza laborant. Iis enim membrana narium pituitaria dicta facile inflammatur, unde quoque frequens oritur sternutatio. Deinde, dum hi homines dormiunt, clauduntur quasi nares, ut per os animam ducere cogantur, tumet enim membrana pituitaria ab ista inflammatione, ut lacrumae transire nequeant, hinc eae non stillant per nares, sed per genas, quod in omnibus refrigeratis observatur. Hinc etiam species ophthalmiae fit a lacrumis retropulsis. Si vero lacrumae concreverunt, crusta fit & exulceratio circa hanc membranam, imo ossium spongiosorum caries, tunc manet vitium per totam vitam. Hinc post coryzam sive gravedinem summam manet



net saepe fistula lacramalis incurabilis. Curatio in initio morbi facillima est. Fit enim fotu lactis tepidi, vaporibus ejus tepidis intra nares admissis. Quando autem excoarctatio jam adest, raro vel plane non sanatur. Perterebratio, ut in praecedente casu, hic nihil juvat, quia instrumentum tam exacte ad membranam inpedientem adigi nequit. Et si caries orta est, exfoliatio pene frustra suscipitur, nam ob cavernositatem & porositatem horum ossium, aegri in majora mala conjiciuntur.

XLI. Sexta fistulae lacrumalis species a vicio carunculae oritur. Lacrumae secretae, ad carunculam glandularem in oculi cantho interno haerentem depulsae, sistuntur ibi ab hac ipsa caruncula, & repelluntur. Cavum enim ea caruncula efformando colligit lacrumas, & determinat eas in puncta lacrumalia, unde porro in saccum fluunt. Haec caruncula, quando tumet, adsurgit adeo, ut palpebrae eo loco exacte claudi nequeant, lacrumas ergo determinare nunc non potest, hinc per rimam natam effluunt. Haec species valde vulgaris est, si a quacunque causa ibi excresecientia fiat. Hac etiam caruncula plane deficiente, idem hic oritur morbus, cujus autem ratio patet ex ejus usu.

*Curatio:* Si malum a prima causa ortum fuerit, cura adeo difficilis non erit, sensim

enim tunc inminui potest. Quod fit adstringentibus & absorbentibus, qualia sunt alcohol vini, galla, cerussa, rubia, repetitis aliquot vicibus adplicanda. Si autem a tumore interno vel infarctu oritur magnitudo carunculae, adplicentur aperientia, resolventia, ut tinctura aloës cum aqua diluta. Si a caruncula nimis parva aut exesa fit, morbus incurabilis est, nihil enim addere possumus.

## CAP. VII.

### DE INFLAMMATIONE ET SVB- PURATIONE GLANDULAE LACRIMALIS.

XLII. Glandula, quae apophysi ossis frontis ad orbitam inhaeret, dicitur glandula lacrumalis. Magna est, lympham excernit ad ignem non concrescibilem, & emissaria habet admodum exigua, quae per membranam palpebrae superioris internam excurrunt, & oculo contigua sunt. Derivant liquidum ad palpebras, hinc facile inflammantur.

XLIII. Inflammatio hujus glandulae saepe oritur ab inflammatione oculorum seu ab ophthalmia, in qua fere semper palpebrae ob contiguitatem simul inflammantur, hinc ab eadem inflammatione & tumore glandulae hujus emissaria conprimuntur & occluduntur, ut se exonerare nequeant. Quando  
haec

haec emissaria diu ita conprimuntur, facile concreſcunt, ut nihil nunc excernere poſſint, hinc glandula inflammatur & tumet. Quin imo ſaepe ita intumuit, ut, niſi perforatio facta fuiſſet, proptofis oculi ſubſequuta eſſet. Sed etiam per alias cauſas, oculo ſalvo exiſtente, glandula ipſa ſaepe inflammatur, unde diri multi ſequuntur morbi. Si inflammatur, tumebit, dolebit, calebit, pulſabit, imo putreſcet, & ſaepe faciet, ut totus corruat oculus. Dum enim tumet, in bulbo oculi omnia conprimet, pinguedinem & vaſa, eorumque putrefactionem producet. Imo lacrumae ipſae ob vim ſuam abſterſivam innatam acres, a ſtagnatione etiam majorem induunt acrimoniam, unde corruptio totius oculi fieri poteſt. Hanc inflammationem glandulae ſi ſubpuratio ſequitur, etiam ipſius oculi arteriae putreſcunt, quae per ſcleroticam & uveam tunicam omnem ſanguinem dant oculo, & ex hac etiam cauſa totus oculus deſtruitur. Vaſa enim arteriola proxima ſunt iis, quae oculo ſe inferunt, unde plexus arterioſus fit, ex quo humores oculorum ſecernuntur. Quando haec vaſa deſtruuntur, neceſſario & humores in oculo, & totus oculus internus brevi peribit, ſimulque pinguedo, cujus magna adeſt copia, brevi putreſcet.



XLIV. Si haec glandula inflammata scirrhescit, fiunt horrendi morbi, qui quidem chirurgice sed non theoretice descripti sunt. Vid. H. ab A Q V A P E N D E N T E & H I L D A N I *prima observatio*, *Centuria I.* Si cancrefcit, miserandum & priori etiam pejus malum est, major enim solito fit, & in inmenfum augetur, ut vidi in femina delphenfi. Haec mala ab initio, uti facile curari possunt, ita postea aegros in maxima pericula conjiciunt. Signa ejus morbi sunt dolor profundus internus inflammatorius topicus in orbita oculi. Cum autem hoc phaenomenon saepius adpareat, vix cogitatur de parte hac adfecta, imo a pluribus causa ignoratur. Cognoscitur ergo praeter ea a magna siccitate oculi, emissaria enim glandulae lacrumalis obstructa sunt, hinc fiunt oculi arenulosi, pulverulenti, quales HIPPOCRATES descripsit, & noctu concrefcunt. Tunc praevidentur omnia illa mala. Quando haec glandula subpuratur, malum longe facilius cognoscitur, totus enim oculus scintillat continuo, ut solet fieri, quando alapa infligitur. Id phaenomenon oritur a continua pullatione in eo loco, quae pulsatio communicatur a vasis oculi; tandemque cognitio praegressae inflammationis cum temporis duratione subpurationem indicat. Semper autem in praxi est attendendum animo, an dolor

lor profundus circa locum glandulae sentia-  
tur, nam post tertium vel quartum diem ni-  
mis sero venimus auxilium adlaturi. Scirr-  
hus vero & cancer hic sunt incurabiles.

XLV. *Curatio*: In praxi in omnibus  
morbis oculi inquirendum, an ille dolor  
internus supra oculum adsit? Citissime ergo  
& omni ope haec inflammatio tolli debet,  
alias plurima mala fiunt. Hinc statim inci-  
denda vena jugularis adfecti lateris, ut vult  
M. AVRELIVS SEVERINVS, idque  
non semel aut bis, sed saepius, parum simul  
extrahendo, repetendum est, donec videamus  
oculum in ea parte exanguem fieri &  
palescere. Vel loco jugularis incidenda  
frontis vena, in quam pariter rami venarum  
oculi se exonerant. Hoc facto externe me-  
dicamenta resolventia laxantia sine exsiccan-  
tibus & calefacientibus adplicanda sunt, ex-  
siccantia enim partes reddunt emarcidas. Ta-  
lia sunt emollientia, & inprimis sequens  
mollissimum cataplasma *Rec.* Ceparum sub  
cineribus assatarum, & Farinae lini ana q. s.  
Coquantur cum butyro & aceto rosaceo, ac  
probe subigantur. Hoc cataplasma saepius  
adplicandum est, ut oculus continuo mades-  
cat, & fomento simili utendum, omnes-  
que violentae purgationes per inferiora cito  
in usum vocandae sunt.

XLVI. Si subpuratio jam facta est, cognoscitur ea ab aliquali proptosi oculi, seu specie excreſcentiae, nam cum pure collecto in ea glandula semper adest tumor in palpebra superiori, & ubique pars oedematosa fit. Tunc cito palpebras aperire oportet, per-  
tundendo eas acu adpropriata, eo in loco, ubi sclerotica orbitae adnata est, quia illuc materia colligitur & inclinatur. Sub pertusione autem oculus ad inferiora paululum deprimi debet. Si pus diu relinquitur, corrumpit partes vicinas, & si ad plexum arteriosum pervenit, oculus consumetur. Pure autem quantocyus effuso, ulcus citissime depurandum est, & vasa consolidanda & roboranda sunt, quod fit sequenti medicamento. *Rec.* Mellis rosati ℥j Elixirii proprietatis vel Alcoholis ℥ij Aquae fabarum ℥vj F. linimentum. Hoc omnia externa exacte laventur, in talibus enim glandulosis subpurationibus optime convenit, quia roborat, nec tamen nimis adstringit. Foramini vero inmittatur turunda, ut depuratio fieri possit, & ab inferiori parte incipiat consolidatio. Cavendum vero ne nova fiat inflammatio & subpuratio.

XLVII. Scirrhus & Cancer excindendi sunt. Rationem id faciendi optime descripserunt HILDANVS *Obs. 1. L. I.* nec non SEVERINVS qui in ultima editione



ei adjunctus est, item FABRICIUS AB AQUALAPENDENTE. Hic morbus pessimus est, cum non advertentibus aegris, vel dolorem negligentibus, saepe subito exulceretur glandula, & oculum corrumpat, uti in Anglo quodam Leidae contigit, qui ophthalmiam levem passus hanc neglexit, unde semper attendendum in ophthalmia ad locum illum, an nempe tumeat & doleat.

## CAP. VIII. DE OPHTHALMIA.

XLVIII. Hic morbus parum methodicè haëtenus descriptus est. Nomen a Graecis accepit, qui inflammationem certae cujusdam partis denotaturi, vocem illius partis per particulas *IA* vel *ITIS* terminant. Oculus vero diversas habet partes, hic pro externae membranae inflammatione sumitur. Ophthalmia ergo est inflammatio vera tunicae adnatae & corneae in oculo conspicua. Dico veram, quod scilicet sit cruoris rubri arteriosi inprimis in vasis ultimis stagnatio, cum motu a tergo aucto & ampliatiōe vasorum. Hinc sequitur partis dolor, rubor, calor, ampliatio vasorum, tumor, & tandem transitus vasorum in destructionem. Haec autem terminatur vel in subpurationem, vel in gangraenam vel in scirrhum. Eodem tempore, quo inflammatur adnata, simul etiam

etiam membrana interior palpebrarum inflammatur, & si paulo saevior morbus est, vera inflammatio fit vasorum arteriosorum internorum. Sedes, materies, causa, hujus mali exorti vel orituri jam nobis investiganda restant.

XLIX. Locus quin sit tunica adnata dicta, nemo dubitat. Omne nimirum, quod antea adparebat album in apertura palpebrarum, nunc interne rubescit, tunica autem adnata naturaliter semper albescit, ea scilicet parte, qua aëri exponitur. Ea autem parte, qua aëri non exponitur, sive ea, qua palpebris tegitur, naturaliter non semper alba est. Quando nempe palpebra elevatur, tunica adnata rubra adparet. In inflammatione autem undique tota rubescit excepta iride. Iris enim non adeo cito inflammatur, quam tunica adnata. Hinc aliqui Anatomici scribunt, adnatam finiri prope corneam sive iridem, & ab ea distingui suosque habere limites, ut ibi, ubi iris incipiat, ibi inflammationis terminum plerumque videamus. Ex anatomia comparata in bobus, vitulis &c. notum est, adnatam a cornea separabilem eam ambire, exterioremque lamellam constituere. Verum in homine tam fortiter circa iridem ipsi adcrescit, ut quasi unicam tunicam faciat. Si ergo iris inflammatur, quod tandem fit, quo-

quoties inflammatio diu duravit, maxime metuendum est malum.

L. Vasa & materies, quae ophthalmiam suscipiunt & producant. Tunica adnata, quando microscopio inspicitur, pauca quidem rubra vasa ostendit, lymphatica plurima. In inflammatione vero pleraque vasa & aliquando omnia sanguinem ruberrimum continent. Hinc, cum microscopia demonstrent vasa, quae antea sanguinem non continebant, nunc vero continent, concludimus, inflammationem jamdum haerere non tantum in arteriis proprie dictis, sed etiam in vasis, quae oriuntur ex lateribus & ultimis arteriarum proprie dictarum finibus, qui antea adeo arcti erant, ut sanguinem rubrum recipere non possent, sed liquidum tantum album transparens sive serum, ab alluente sanguine, per venas refluyente, transmiserant, ea vero vasa nunc dilatata recipiunt rubrum sanguinem, & conspicua fiunt, cum antea non apparerent. Omne enim quod videre volumus, semper debet esse opacum. Aerem serenum videre non possumus, & quidquid videmus, sub aliquo colore videmus; color autem ruber valde opacus est, quod optime norunt astronomi, qui quando solem inspicere volunt, vitro rubro utuntur.

LI. Simulac aliqua causa facit, ut vascula lateralia plus dilatentur, quam in statu naturali,



jam recipiunt sanguinem rubrum, sed trans-  
mittere non possunt, & microscopiis adhi-  
bitis observamus, in ophthalmia vaso illa  
crispari a rigiditate, quam induunt. Unde  
adparet, ultimos arteriarum fines ita arctos  
esse ut nihil transmittant. Adparet quoque  
simul, morbum esse aliquando gravissimum,  
& nullis saepe remediis sanari posse. Ut au-  
tem probetur hoc theorema de inflammatio-  
ne oculi, ad experientiam confugiamus.  
Quando sereno caelo proprium aut amici cu-  
jusdam oculum inspicitis, sive nudo oculo  
sive lentis interpositae ope, videbitis in eo  
oculo omnia alba. Si autem collare per ali-  
quot tempus strictius ligetur, ut venae jugu-  
lares paululum constringantur, continuo tu-  
nica adnata rubebit, & si constrictio diutius  
continuetur, ejus fiet inflammatio, ob san-  
guinis ad cor impeditum descensum, hinc  
sanguis premens sua vasa arteriosa eaque di-  
latans oicula vasorum lateralium pariter am-  
pliat, ut sanguis illa quidem intrare possit,  
sed non transire. Fit ergo titillatio, quae  
nictare nos cogit aut oculos fricare, nobis  
ne quidem cogitantibus, sic vasa se constri-  
gunt, & sanguinem in truncum majorem  
repellunt, ut ita hujusmodi inflammatio per  
vim vasorum & motum palpebrarum brevi  
dissipetur, si modo causa premens sive collare  
iterum tollatur. Materies itaque inflamma-  
tionis

tionis est sanguinis pars tam crassa, quae vasis lymphaticis inacta per ea transire nequit. Haec pars sanguinis rubra est, quod per microscopia certo adparet, quae tamen, si motus a tergo non nimius est & vasa simul laxantur, ut globuli non nimis comprimantur, transit in lympham, id est globuli rubri resolvuntur in minores, & ii ipsi sunt, quos vocant materiem benignam. In arteriis ultimis sanguis ex duabus constat partibus, & in duas etiam dividitur, partem nempe lymphaticam albam & partem rubram. Pars rubra constat moleculis, quarum quaelibet componitur ex sex globulis, qui, si laxentur ut solvi a se invicem queant, fit inde serum, & sic fit materia solubilis, quae antea solubilis non erat. Alba pars in vasa capillaria transit, rubra vero per venas redit. Crassities autem illa sanguinis sive concretio est a sanguine absolute inflammato, id est compacto, tuncque est coloris ruberrimi, quae mala sunt a quacunque causa, quae pressionem particularum sanguinis auget, sive quae violenter circumagat sanguinem, & globulos validissime ad se invicem adprimit, unde quasi interveniente glutine cohaerent. Corpora enim non firmitus possumus compingere, quam si ab omni puncto versus se invicem comprimantur, haec vero compactio facit dispositionem ad lentorem & inflammatio-

nem. Accedit praeterea insignis vasorum actio. Et saepe haec omnia eousque augmentur ut non facile malum curetur. Idque praesertim fit, quando multi sales sanguini admixti sunt, quod si contingit, oculus saepe cito destruitur, ut in scorbuto vel lue venerea.

LI. Causa efficiens hujus morbi est omnis, quae facit ut vasa lateralialia in oculo dilatentur. Dilatantur vero semper, quando arteriae, ex quibus oriuntur, ipsae dilatantur. Istae a causa interna dilatantur, quae saepe est liquor distendens in arteriis contentus, qui libere transire nequit, & etiam facit, ut sanguis in vasis lateralibus subsistat, & obstructionem faciat. Haec nunc obstructio ad vasa capillaria facit ophthalmiam. Remote vero motus nimius, nixus in elevandis ponderibus, facit inflammationem. Idem morbus ab omni causa, quae incrassat, vel quae impedit transfluxum sanguinis per vasa ultima, oriri potest. Talis causa est acrimonia interna vel externa, vasa in contractionem vel convulsionem agens. Sic e. g. fumus ligni oculo adpulsus, producit ibi inflammationem, hoc est, ophthalmiam. Efficit enim, ut ob acrimoniam fumus oculi muscoli orbiculares convellantur, palpebrae & vasa oculi comprimantur, unde in ejus vas



sis & aliquando etiam in vasis corneae resistantiam auget, ut sanguis ibi subsistat.

LII. *Prognosis.* Patet hinc, quare hic morbus tam difficilis sit curatu. Non aliter certe tuto potest curari nisi resolutione, quae fit duplici modo, vel repellendo sanguinem infarctum ex angusto in latius vas arteriosum, contra legem circulationis, vel materiam impactam ita adtenuando, ut transire possit per canales laterales. Alias oritur subpuratio. Effectus autem hujus morbi, qui semper ante curationem enumerandi sunt, ut ea recte instituatur, si probe semper considerassent medici, multi certe homines recte viderent, qui nunc, magno suo cum damno, occaecati sunt. Hinc eos ante curationem enarrare & explicare necessarium duxi. Primus ergo effectus est obscuratio visus, omnes enim, qui ophthalmia laborare incipiunt, conqueruntur primo, se objecta non ita distincte videre, ut antea videbant. Secundus effectus est obscuratio corneae. In primo statu, ubi visus obscuratus est, paululum tamen videt aeger. Verum in hoc statu, vasa, quae liquorem pellucidum continebant, replentur liquore opaco, hinc pelluciditas inimitabilis abest, quae alias in oculo nitet, & oculi vivacitas perit. Plures autem haec corneae obscuratio gradus admittit. Primo inaequalitas adest, dein rugosa

porro subfusca fit, & tandem cineritia, pallida & alba, & sic visus perditus est. Tercio. Compressis vasculis saepe oritur concretio partium inter se, alba. Ipse sanguis in vasculo potest concrelescere, si hoc fit, fit corpus callosum. Corpora enim, quae antea erant disjuncta & distincta in unum aliquando coalescunt, quod in vasis umbilicalibus videmus, ubi ea vasa post nativitatem ita concrelescunt, ac si una esset substantia. Idem fit in oculo inflammato, quando nimirum stagnant humores, exhalat pars subtilissima & liquidissima, reliqua pars crassior in vase compingitur, & cum eo concreescit, ita ut partes diversae jam unum corpus constituent, & circulatio per illud corpus fieri nunc nequeat. Hoc autem nunquam contingit, nisi praegressa & male curata inflammatione, & nunquam fit, quando inflammatio bene curatur. Haec concretio seu incrassamentum saepe fit in variolis, ubi cornea quasi in coriaceum tuberculum adscendit. Quinqué autem hujus incrassamenti species numerantur. Primum *Unguis* dicitur, quando vasa ita concrelescunt super corneam & iridem, ut maculam albam callosam constituent. Secundum est *Hypersarcosis*, quae oritur a vasis non solum concretis, sed etiam dilatatis & extensis, ut sit caro quasi excrescens. Tertium *Perla* vocatur,

quae

quae concrefcit in ipfo centro iridis, eſtque veriffima unguis ſpecies, nec ab eo differt, niſi quod figuram rotundam habeat, vafa enim tunc in acumen concrefcunt. Quartum eſt *Cicatrix*, quando membranae inflammatae ſuperiores in medio exeduntur, ſed rurus coaleſcunt, tunc enim laterales margines ſe retrahunt, albescunt, conſolidantur & in medio foveolam relinquunt. Quintam *Panniculus* audit, quando tota oculi ſubſtantia exterior, ſeu membrana oculi externa, a vaſorum concrectione in ſubſtantiam calloſam mutatur. Hic callus ita aliquando induratur ut *Cartilago* fiat. Nam ſicut omnis nervus valde compreſſus fit callus, ita callus tandem fit cartilago. Quartus nunc effectus eſt ſubpuratio partium externarum, ubi vafa re vera rumpuntur, & rupta ſaepe concreſcunt. Ultimo fit *Excoriatio*, id eſt, totus oculi ambitus undiquaque ſuis integumentis orbatur, & plorat undique liquida. Haec nunc omnia, adeo difficilia, ex una ſimplici cauſa oriri poſſunt.

LII. Ophthalmia fere ſemper una quoque adſcit membranam internam palpebrarum, quae oculum adtingit, unde multa ſymptomata explicari poſſunt. Quo modo nempe fiat, ut tantus dolor ſit in his partibus, &



unde tanta puris separatio in subpuratione harum partium.

LIII. Ex multiplici quoque experientia constat, nunquam fere occurrere ophthalmiam paullo severiorem, nisi simul arteriae internae oculi inflammentur, quod verum esse, ex sequentibus patet. 1) ex inspectione iridis, quae tunc simul rubra fit, & ob hunc etiam colorem insipientibus adparet, facile distinguendum a rubro colore corneae. Illa enim pars, quae colorem iridis antea depingebat, nunc colore rubro inflammato est. 2) ex dolore intolerabili oculi ad minimam lucem, ex qua nota ipsam iridem inflammata esse discimus, naturaliter enim pupilla ad maiorem lucem contrahitur. Si nunc in hoc casu, ubi oculus inflammatus est, dolor in eo oritur, nusquam is dolor esse potest, nisi in iride & uvea, hujus enim musculi orbiculares convelluntur, & se contrahunt, sed eo ipso, dum se contrahunt, simul dolent, uti aliae partes inflammatae, in motu, quem ad claudendam pupillam moliuntur, in tenebris vero nullum dolorem sentiunt. Quando vero in aegro hic dolor non adest, & lucis actionem perferre potest, quamvis externe ruber adparet oculus, uvea non inflammata est, & hi aegri facilius curantur, quia inflammatio externe haeret, ubi medicamenta inmediate adplicari possunt. 3) Omnibus homi-

hominibus, ophthalmia laborantibus, ea vehementia, ut oculus diu clausus manere debeat, gravissima accidunt mala, totus nempe oculus depravatur, accedunt suffusiones, cataractae, amauroses &c. Quando scripta auctorum legi, cogitavi, inflammationem oculi semper in externis partibus unice haerere, sed ipsi operi accedens, facile didici, partes quoque internas plerumque inflammatas esse. Nam a nimio calore externo solo non mutari possunt interiora oculi, ut visus vehementer depravetur vel plane pereat. Quoties ergo ista mala in hoc numero recensita adsunt, non tantum partes externae, sed etiam internae inflammatione laesae fuerunt. Ratio hinc patet, quare tali aegro impossibile sit sine magno dolore lucem adspicere, non quod externa superficies adnatae, cornea, vel etiam palpebrarum membrana interna laesae fuerint, sed quod uvea & vasa ad ingressum nervi optici aliaeque internae partes sint inflammatae. Hinc maximum ophthalmiae periculum indicatur, cum sequentia saepe inde oriantur vitia.

*Primo.* Humor crystallinus oculi, ejus est indolis, ut fatus majori calore, quam naturaliter in corpore adest, inspilletur, obscuratur atque concreascit, quod ex brutis & in primis oculo piscis cocto facile ostenditur, continuo enim amittit pelluciditatem suam,

& instar ungulae inspissatur, eamque partem, qua se aperit pupilla, nigrum scilicet illud punctum, obscurat. Si pergit ille calor, concre-  
 scunt omnia, & fit hypochyma, seu suffusio, vel  
 cataracta levior. *Secundo*, exsiccatio magnum  
 hic malum est. Quo magis enim oculus calet,  
 eo magis diffilatur liquor, eo autem diffilato vasa  
 concresecunt. Quo major haec contractio  
 est, eo minus fecernitur, & minus liquidi  
 accedit, hinc exsiccantur tunicae oculorum,  
 quo facto nitor & pelluciditas corneae perit,  
 vel certe ita inminuitur, ut inepta sit rece-  
 ptioni luminis. *Tertio*. Defectu subplemen-  
 ti exeuntis liquidi turbantur humores. Multos  
 aegros curavi, & animum adcurate attendi,  
 vidi, oculum vehementer inflammatum, saepe  
 magis protuberare quam alias, sed sedata  
 inflammatione, tumorem subsidere, & oculum  
 pristinam figuram recipere, tumque  
 paululum obscurius videbant aegri, sed re-  
 stituto nitore & pelluciditate, redibat visus.  
 Notum enim est ex anatomia, humorem aqueum  
 ex oculo emissum, intra tres vel quatuor dies  
 restitui. Hujusmodi experimenta in brutis  
 animalibus facta sunt, quibus liquor iste per  
 vulnus fuit emissus. Adsunt hic vasa resorbentia,  
 sed ab inflammatione compressa. Hinc nihil  
 hujus liquidi it vel redit, sed stagnat, & inde  
 acre fit, eodemque tempore etiam magis vasa  
 resorbentia comprimit,



ut nihil plane recipere possint. Per arterias vero saepe adhuc adfluit humor, hinc copia liquidi augetur, unde tumor & protuberantia oculi, & depravatio humorum oculi, a stagnantibus & acribus humoribus accidit brevissimo tempore, quamvis in initio ophthalmia levissima visa fuerit. Restitutis vas, denuo fluit & effluit liquor aqueus, & hinc visus serenitas redit. Medici plerumque horum non habent rationem, respicientes in curatione ad externa tantum resolventia, cum tamen malum interne haerens raro externis medicamentis cedat. Oculus enim in gravissima inflammatione, cum neque interne neque externe resolvi potest, necessario & externe & interne subpurabitur. Si interne abit in subpurationem, totus corrumpitur oculus. Si vero in externis partibus, curatur sequentibus medicamentis, mox uberius enarrandis.

LIV. *Curatio.* Veterum Aegyptiorum mos erat, ut fere cujuslibet disciplinae pars seorsim habita fuerit & exercitata. Sic proprios habebant medicos ophthalmicos, qui unice oculi morbis medendis incumbabant. Et ob difficultatem horum morborum etiam hodie quasi extra medicinam tractatur ophthalmiae curatio a medicis qui ideo ocularii vulgo *Oculisten* seu ophthalmiatri vocantur. Et cum horum morborum curatio saepe male  
succe-

succedat, putant vulgo homines, morbos oculorum peculiarem requirere medicinam. Sed quo usque hoc verum sit, ex sequentibus patebit.

LIV. Difficultas autem curationis in eo est, quod nulla in oculo vera sanatio sit, nisi resolutio, & omne quod inflammationem non tollit absque subpuratione, perdat oculum. Reliquae curationes, quales interdum ferri possunt in reliquis corporis partibus, ut subpuratio, scirrhus, gangraena &c. in quas transit inflammatio, in oculo semper malae sunt, nam vel turbant vel perdunt visum. Sed ipsa resolutio hic valde difficilis est. Oculo enim vere inflammato, non solum arteriosum genus in venas tendens, sed etiam arteriosum lymphaticum obstructum est sanguine rubro, quem quidem admisit, sed transmittere nequit. Hoc fit impedita libera circulatione, per vasorum cruentorum fines, unde vasorum lymphaticorum ora dilatata fuerunt. Si ceram in arteriam subcutaneam injeceris, & rite vasa repleveris, abluta epidermide in spiritu vini vel aqua vitae, omnia cera repleta esse videbis, & erit inflammatio artificialis in his partibus. Sed idem fit in inflammatione morbosa cujusque partis. Duplex ergo curatio nobis remanet, absque vasorum jactura. Prima indicatio est, reducere materiam in latiores arte-

arteriae partes, ut ibi resolvantur. Secunda, efficere ut materia resolvatur in loco affecto. Non mirandum ergo difficilem esse curationem, & aliquando omnia frustra institui. Inducta enim subpuratione, saepe cornea destructa fuit, & cicatrix, pustula, macula, obscuratio &c. facta.

LV. Ad primam indicationem requiritur, ut materia in truncum latiore ex angustiori repellatur, h. e. truncus latior arteriosus, ex quo derivatur lymphaticum vas, ita rursus evacuetur, ut sanguis in pactus vasi lymphatico, ex hoc in rubrum retro cedere queat, id est, debemus sanguinem reddere arteriis. Ad secundam requiritur, ut sanguis in eam redigatur tenuitatem, qua per fines lymphaticarum transire possit, id est, efficere, ut sanguis ruber fiat lymphaticus: id autem impossibile est, quam diu compacta sunt omnia, nec summa laxitas vasis inducta. Licet ergo haec curatio adeo difficilis sit, obtinebitur tamen solventibus & laxantibus, tuncque convertitur cruor in lympham longe tenuiorem h. e. resolvitur, sive globuli rubri fiunt albi. Ut autem hoc fiat, necesse est, ut a pressione liberentur, & in loco laxiore haereant, sic partes a se invicem recedunt & cruor in lympham seu serum mutatur. Videmus hoc in sanguine e vasis emissio, qui primo concrevit in crustam, sed quae suspensa in lym-



lympham mox abit, restituantibus paucis membranulis. Patet ergo duo esse agenda, resolvere scilicet seu relaxare, & evacuare. Et adcuratissima meditatione deprehendi, his duobus absolvi posse curationem inflammationis summae & externae & internae, dico autem inflammationis summae, inde enim inflammationis levioris curatio facile concipitur.

LVI. Primum vero auxilium ophthalmiae est missio sanguinis largiori copia facta & repetita, ut non parcatur sanguini. Nam ab initio sanguis mittendus est, cum id postea fieri non possit, inflammatione enim ad subpurationem nunc disposita, oculus jam perditus est. Oculus quidem ad vitam nihil facit, sed ad beatam vitam nulla pars facit magis. Ergo vena secetur, sive infans fuerit aeger, sive senex, idque fiat largiter, & certo tempore ac certa quantitate repetatur, prout plethora major vel minor est, & prout malum majus vel minus est. Si in alium minuitur, minor venae sectio adhibetur. Eodem modo, ut in pleuriticis hic procedendum, quibus dolores laterum quarto vel quinto die abeunt in subpurationem, sed quae absolute praecavetur missione sanguinis ad uncias sexaginta ad summum repetitis vicibus emissas. In ophthalmia ergo primo statim die mittantur decem ad usque duodecim unciae sanguinis,

nis, qui tunc pleuriticorum similis erit, quo facto, si levior fiat inflammatio, desistendum est. Si ea vero sequente die iterum augetur, tunc, uti in pleuriticis, sanguis de novo mittendus est, & missio pro necessitate repetenda, ad quintam usque vel septimam vicem, donec inflammatio substiterit. Eam autem subsistere cognoscimus, quando oculus & facies post venae sectionem pallent vel animi deliquium accedit. Sed aliquando prima jam vice, post largam sanguinis missionem, omnis subpurationis metus aufertur. Si post venae sectiones repetitas oculus nihilominus rubet, indicium est, inflammationem vix posse repelli, quod omnino malum est. In Hispania mittitur sanguis ex arteria aliqua, ut ex temporali, & certe ex circulatione Harvejana facile adparet, quantum faciat haec sanguinis missio. Evacuata enim integre arteria, & reliquis agentibus in locum obstructum, repellitur sanguis ex vasis lymphaticis (semper enim refluit sanguis propter contractionem vasis) idem etiam fit in vasis ex lymphaticis oriundis, & haec perinde humorem retropellunt. Hinc si per injectiones nosceremus tantum directe locum, illum petentem <sup>2</sup> multos curaremus. Vide M. AVRILIVM SEVERINVM. Non autem putandum est, in omni etiam levi ophthalmia his auxiliis opus esse. In leviori enim

enim loco repetitae saepius scarificationes & hirudinum adplicatio sufficiunt. In majori autem inflammatione, quando rubor & dolor ingens urget, differendae non sunt sanguinis missiones. Quando enim primis tribus vel quatuor diebus negliguntur, subpuratio supervenit, & actum est de oculo. Eadem ratione, uti de pleuriticis bene dicit HIPPOCRATES, subpuratione jam praesente, nihil amplius prodesse venae sectionem.

LVII. Alterum auxilium est purgatio alvi fortissima, sed praemissa prius sanguinis missione. Subducitur autem alvus per acria sanguinem solventia, non per stimulantia calida, ut SYDENHAMIVS monet, alias morbus augetur. A purgantibus enim sanguis saepe movetur & febricula excitatur. Purgatio autem debet esse satis violenta, idque si fieri possit ad initium levis animi deliquii, quod oritur, quando tantus stimulus ad mesenterium adest, ut omnia liquida cum inpetu eo adfluant, & circa intestina moveantur, superiores autem partes ita liquantur, ut sufficiens sanguis in cerebrum non prematur, ut spiritus inde in satis magna copia secerni possint. Oritur tunc simul oculorum pallor, quem in hoc morbo tanti facit HIPPOCRATES. Lenia autem debent esse hydragoga, quae nempe serum adtenuant,



ant, & ex vasis meſeraicis educunt, non nimis acria ut Euphorbium &c. Sed debilio-  
ra, inter quae princeps eſt dacrydium & ja-  
lappa, admixto mercurio dulci. Adhibenda  
autem ſunt purgantia una vel altera hora poſt  
venae ſectionem, eodem adhuc die. Hinc  
pro robuſto homine *Rec.* Dacrydii gr. xvij.  
cum Aqua cichorei ſ. a. fiat emulſio, cujus a  
ſaecibus ſeparatae ℥j adde ſyr. roſarum ſolu-  
tivi cum fenna ℥j Mercurii dulcis tenuiſſime  
triti gr. xvj. m. ſ. hauſtus. Quando hoc me-  
dicamentum operationem ſuam abſolvit,  
plerumque remittit morbus, & metus ſub-  
purationis ceſſat. Idem medicamentum in  
forma pulveris dari poteſt e. g. *Rec.* Scam-  
monei puriſſimi gr. XIV. Mercurii dulcis gr.  
IX. m. ſ. pulvis, qui facile hauritur, & iſtis  
infantibus in minori doſi dari poteſt. v. g.  
*Rec.* Dacrydii gr. V. Mercurii dulcis gr. ij  
vel iij. Ex eodem pulvere fieri quoque poſ-  
ſunt pilulae v. g. ſi addatur electuarium ali-  
quod, aut ſyrupus ut roſarum ſolutivus. Po-  
ſtea ſummum arcanum eſt, ut veſperi detur  
granum unum opii, ſi homo robuſtus eſt,  
vel ſyrupi de meconio ℥j, vel ſi aegrotus  
debilior fuerit, opii granum ſemis aut ejus  
quarta pars, & ſyrupi de meconio ℥ſſ. Ca-  
vendum autem eſt ne detur opium cum cali-  
dis. Scopus in uſu opiatorum eſt, circula-  
tionem turbatam reſtituere, & blandum  
D ſomnum

somnum producere. Hoc facto plerumque oculus restituitur, & morbus tam saevus una vice sistitur. Signum autem morbi superati est dolor valde imminutus, imprimis quando aeger lucem adspicere valet. Quando vero dolor ad lucem nondum imminuitur, morbo nondum est fidendum, sed modo dicta sunt repetenda, nam adhuc adest inflammatio. Omnia ergo eo tendere debent, ut subpuratio vel scirrhus praecaveatur.

- LVIII. *Tertium.* Derivantia quoque & omnium maxime hic requiruntur; omnis enim cura hujus morbi, quod saepius jam diximus, consistit in eo ut subpuratio impediatur, ea autem impeditur, quando motus imminuitur, & inpetus sanguinis infringitur, eum aliorum derivando. Debent ergo adplicari, omni loco, ubi vasa nuda sunt, ad axillas, inguina, poplites, plantas pedum, &c. emplastra tenacia, ut ex galbano in aceto soluto, & Emplastro de meliloto ana mistis. Sic excitatur continuo sudor sub hoc emplastro. Si haec non satis trahant, attamen violentius agendum est, nec cutis laceranda, tunc sequens conducit *Rec.* Alliorum contusorum ℥j Fermenti pistorii q. s. Redige in cataplasma & calide adplica locis vasculosis. Hoc eo usque trahit, ut cutim leviter inflammet. Omnes fere medici hic adplicant vesicatoria, ex cantharidibus confecta, verum dubii e-

ventus

ventus sunt. Quatenus locum exulcerant, juvant egregie, & si statim hoc fit, tunc aegrum sanare possunt. Sed quatenus partes sanguini intermiscendo agunt, inflammationem & ideo malum oculorum augent. conf. de vi cantharidum B A G L I V. HIPPOCRATIS medicamenta erant balnea vaporis, in quibus aegroti corpori inferiori nudato subponitur aqua fervida, cujus vapor stragulis coërcendus. Haec balnea mane & vesperi per horam repetenda sunt, sic laxae redduntur partes inferiores, sanguis rarefit, & melius per inferiores artus circumit, inferius calorem sentimus, superius frigus. Sic fit, quod per pediluvium olim fiebat, a quo hoc habetur incommodi, quod pondere suo seu nimia aquae pressione circulationem impediat, & calore suo motum sanguinis nimis augeat.

LIX. Interne quoque solent commendare medicamenta, specificè in oculos agentia. Sed velim, ut vera dent experimenta, nam frustra plerumque adhibentur. Tale medicamentum dicunt esse succum millepedum recentè expressum, de quo asserunt, eum inflammationem resolvere, si haustus adsumatur. Millepedes acre sunt medicamenti generis, cantharidibus paululum leniores, similiter tamen inflammantes. Conducere ergo possunt, ubi causa est a lentore sanguinis;



nocent autem, ubi sanguis acris est, nimis-  
 usque sanguinis motus, qui ad vasa premit.  
 Non ergo sunt medicamentum specificum,  
 sed in quibusdam tantum conducunt, in aliis  
 nocent. Alterum quod hic, & in primis  
**HILDANVS**, commendant, est Euphra-  
 sia, quam tamen similiter sine successu ad-  
 hibitam vidi. Vulgo quidem solamen ocu-  
 lorum dicitur, nescio cur, cum plurimi,  
 non obstante ejus usu, visum perdant. Si  
 gustatur, saporem habet subamarum, unde  
 vis aperitiva consequitur. Nocet autem in  
 inflammatione a causa calida. In adfectibus  
 tamen oculorum frigidis, a pituita oriundis,  
 ubi vascula materia lenta infarcta sunt, no-  
 cet. Idem **LOBELIVS** observat in *her-  
 bario*, fallax nempe esse medicamentum.  
 Eadem sententia de foeniculo & similibus  
 esto. Nitrum potius & mixturae antiphlogi-  
 sticae prodesse possunt, ptisanæ item hor-  
 deatae &c.

**LX.** Externa curatio nunc sequitur. Ex-  
 terne nempe ad locum adfectum adplicanda  
 sunt topica, ut malum ibi haerens corrigatur.  
 Plurima hic praescribuntur medicamenta,  
 sed paucissima sunt, quae spei satisfaciunt,  
 & praeter ea maxima prudentia in eorum usu  
 opus est. Inter illa autem, quae optima re-  
 peri in oculo vehementer inflammato, sunt  
 medicamenta anodyna, quae scilicet dolo-  
 rem

rem tollunt, non sopiendo sensum & interceptiendo, sed tollendo causam doloris, quae tanta est fibrarum tensio, ut rapturam minetur. Adest ergo status fibrarum dilacerationi proximus, & si a causa interna sit, adest tensio ipsius partis aegrae. In omni dolore semper tensionem adesse novimus. Reperi enim omne medicamentum dolorem excitans in oculo inflammato pessimum esse, dolorem enim facientia, subpurationis causam augent, & quae dolorem tollunt, praecavent subpurationem, & causam doloris siue tensionem tollunt. Facile hinc colligimus, anodynum esse id, quod nerveam fibram ex statu tensionis seu lacerationi proximo reducit in statum non tensionis, seu non compressum. Hinc medicamenta illa dolorem tollunt, quae laxant partem aegram & extensilem reddunt, vel quae causam internam extendentem tollunt. Agunt ergo duplici modo 1) si causa manente eadem emolliat vas, ut si chorda musica, quae sicca facile rumpitur, quando in eo statu tenditur oleo quodam inungitur, magis enim tunc extendi potest, sine lacerationis metu. Idem hic in oculo fieri debet, adplicando ea quae emolliunt & laxant 2) agunt materiam incompactam meabilem reddendo, i. e. restitunt eum statum, ut materia antea incompacta denuo fluat per omnia vasa. Haec ergo anodyna

sunt, diluentia, resolventia, roborantia. Horum selectissima recensebo, experientia multiplici mihi comprobata. Sumsi nempe Florum althaeae, malvae, cyani, sambuci aa. P. j. Fol. althaeae, malvae aa. Mj. Caput papaveris albi sine seminibus ℥ij. Coque cum aqua in cataplasma. Sub finem adde Farinae seminis lini q. s. Aceti rosacei parum v. g. ℥ij Olei rosarum ℥ij Sacchari saturni ℥j m. f. cataplasma, omni quadrihorio renovandum, & laxe adplicandum toti orbitae, quod summas inflammationes curavit. Acetum rosaceum (licet contradicat opinioni vulgari) parva copia addimus, quia in omni inflammatione nihil plus resolvit quam acetum, parva copia resolventibus emollientibus additum, quod veterum summum fuit medicamentum, sed hodie ab HELMONTIO ejusque sequacibus chemicis inmerito rejectum est, quoniam crediderunt acidum coagulare sanguinem instar ignis, quod tamen exprimentis chemicis omnino repugnat; spiritus enim aceti optimum resolvens est. Sed non nimis magna dosi addi oportet, alias acrimonia sua laedit & vasa rodit. Hoc solum sufficit, ne sequatur suppuratio. Et laxitas etiam internis vasis restitui potest, adplicatis tantum externis medicamentis. Licet enim oculus clausus sit, tamen juvant. Cum, si externe omnia laxa sunt,

sunt,



sunt, etiam interno malo spatium procuretur, ut facile fluere queat.

LXI. Sequuntur nunc collyria, five medicamenta, quae oculo instillata, quatenus possunt vasa attingere, materiam egregie resolvunt. Sunt autem omnia, quae tepida vascula laxantia, in pacta leniter diluentia, vel suavissimo sale dissolventia, adplicari possunt. Varia hujusmodi proponuntur. Formula, quae sequitur, probatissima est. *Rec.* Sem. cydoniorum gr. vj. Opii purissimi gr. IV. Sacchari saturni gr. ij vel iij. Cum s. q. Aquae destillatae rosarum, in mortario non cupreo, sed vitreo vel alabastrino, fiat emulsio, cujus ℥ij. vel iij adde Tincturae croci cum spiritu vini rectificato factae ℥j. Hujus collyrii guttula una oculo subinde instilletur & marginibus oculorum inungatur, post instillationem autem claudatur oculus. Haec formula optima est, & sufficere potest. Saepe profuit in statu inflammationis, & experti laudabitis per eventum. Semen cydoniorum addimus, quia arcanum summum est apud multos in collyriis. Et ob eandem quoque rationem adjicimus opium, quod ob amaritiam mirifice dissolvit & aperit, ut patet ex Amantio ☿, & etiam sopit. In diuturnioribus ophthalmiis Mercurius praecipitatus ruber mira saepe praestat, sequentem in modum adhibitus. *Rec.* Butyri non saliti

D 4

℥ij.

℥ij. Cerae albae ℥j Mercurii praecipitati rubri ℥ss Opii gr. ij. vel iij. M. super leni igne in mortario vitreo vel alabastrino. Includatur linteo raro, conservetur in aqua rosarum in loco calido, quater vel quinquies de die premitur super oculum, ut ejus particula oculum ingrediatur, quod certe remedium inveteratas saepe ophthalmias curavit. In diaeta autem caveat aeger a fumo, acribus, splendore solis, luce quacunque, fermentatis, lectione, scriptione &c.

LXII. Si autem caruncula, sacculo lacrumali super inposita, simul inflammata fuerit, sequitur vehemens ophthalmia, haec enim caruncula saepe tumida videtur; & arenulis quasi conspersa. In hoc casu aliud requiritur medicamentum, ubi sequens optimum reperi *Rec.* Sacchari saturni ℥ss. Unguenti populei ℥j Aceti rosacei cum lithargyrio cocti ℥ij. Cerussae gr. iij. (gr. XXX. *Cod. H.*) Camphorae gr. ij. M. Hoc medicamentum coactus fui invenire, ut haec inflammatio resolvatur. Ejus pauxillum continuo carunculae inungatur, sed diu prius conterantur simul, ut oleum & acetum probe subigantur & medicamentum fiat, quod Arabes vocant *Sief* seu laxans & emolliens. Sic ope aceti fit medicamentum emolliens absque vi emplastica, quam destruit in unguento

guento populeo, ne major inde fiat inflammatio.

LXIII. Hisce curari debet ophthalmia curabilis, quia alias pervenit in statum subpurationis. Cedit autem plerumque, si in tempore advocamur. Si vero vasa nimia inflammatione adtrita jam incipiunt subpurari, quis tunc juvabit? Et omnia, quae veteres tam fufe de his scripserunt, ad pauca haec medicamenta referri possunt.

LXIV. *Observanda in curatione. Primo.* In curatione in primis adtendendum est, ut canales vel vasa maneant pellucida, quod in aliis inflammationibus susque deque habetur. Verum hic maximopere adtendendum est, an medicamenta adplicanda vasa opaca reddant. Requiritur ergo, ut canales in ea consistentia, ut antea, & liquida simul pellucida maneant. Hoc obtinetur cavendo a nimio calore, nimiaque siccitate. Calor enim nimius coagulat, partes tenuiores dissipando, vasaque contrahit & exsiccat, ut nihil nunc adfluere possit. Hinc adtendendum est, num oculus forte nimis caleat, & si hoc fit, refrigerari debet, quod fit oculum tepidis fovendo, ne exsiccet, & continuo aqueis calidis humectando. Interne quoque adsumat continuo potum diluentem aquosum. Quando ea a primo morbi initio observantur, vasa saepe pellucida manent. *Secundo.* Curan-



dum est, ut dolor a luce productus, toto curationis tempore caveatur. Si post adplicationem medicamentorum percipimus aegrum melius lucem ferre vesperi, quam mane, & hodie melius quam heri, certi sumus haec medicamenta sufficere & visum recuperari; sin vero minus, sed potius idem dolor ad lucem manet, aut etiam augetur, certi sumus medicamenta non juvare, eaque esse augenda. *Tertio.* Hinc semper monendi sunt amici, raro curari gravem inflammationem, quin diu vel aliquando per totam vitam remaneat obscuritas seu opacitas, hoc est, cum vasorum & liquidi interni destructio adest. Simulac ergo talia signa adsunt, monendi sunt, haec mala esse timenda, ne infamiam incurramus. Si ergo haec medicamenta non juvant, vel si opacitas post curationem adsit, monendi sunt, fortissima medicamenta esse adhibenda, Venae sectiones nempe ad animi deliquium usque, & copiosae purgationes ex mercurio, ut semper fere & continuo alvus fluat. Ita saepe oculi jam tum turbati, pelluciditatem recipiunt. Curavi aliquando hoc modo nobilem virginem, cui quotidie dedi Resinae jalappae & Mercurii dulcis aa. gr. X. Post horam autem vel semihoram, quando illa medicamenta sanguini misceri incipiebant, dabamus clyisma, ut vis mercurii ad inferiora derivare-

rivaretur, vespere autem semper dabamus opium. Sic obscuratam corneam restitui in hac virgine. Evacuationes magnas derivatorias instituendas esse diximus, postea purgantia, quae non inflammant, sed hydragoga sint simul; talia sunt mercurius, jalappa, scammonium, quae data post evacuationes magnas mirifice eum durum morbum sanant. Et in praxi videbitis, quam irrita sint saepe reliqua medicamenta, hisce neglectis. Si vero inflammatio adeo magna non fuerit, ita ut oculus apertus teneri queat, tunc inter alia aeger continuo respiciat per vitrum viridissimum planum.

LXV. Duo nunc effectus inflammationis praegressae considerandi restant. Et quidem 1) subpuratio oculi externa, nam interna incurabilis est. 2) Obscuratio corneae.

## CAP. IX.

### DE SUPPURATIONE TUNICAE ADNATAE ET CORNEAE.

LXVI. Omnis inflammatio, nisi in initio resolvitur & materia dissipatur, vasa frangit, & liquida ita inmutat & permiscet, ut fiat pus, primo enim ichor fit, qui inspissatus pus dicitur, partibus liquidioribus ob calorem exhalantibus. Oritur autem pus, si  
causa,

causa, quae inflammationem producit, major fuerit, quam ut materies in aequabilem naturam reliquorum liquidorum resolvi potuit. Si haec causa externe in oculo hos affectus producit, tunc partes oculi externae subpurantur, & textura corneae mutatur, cujus textura ex multis & infinitis texturis, unam tantum habet, quae luci transmittendae apta sit. Si itaque haec textura, antea luminosa & transparens, destruitur post subpurationem, lux, ut antea, transire nequit. Duo ergo cavenda sunt: 1) ne subpuratio perduret, inde enim membranae oculi destruerentur, 2) ne pelluciditas pereat.

LXVII. Ergo ut subpuratio tollatur & praecaveatur, adtendendum: causam subpurationis esse, quia liquida egressum facilem non habent, & vasa non satis laxa sunt. Hinc fit detritus & destructio. Inpedimentum ergo subpurationis erit, ut illos semidetritos fines vasorum in sanum statum convertamus, vel liquidum ad fines stagnans, in benignum circulum redigamus. Bona cicatrix fit a bono victu, qui humores subpeditat, concretioni commodos. Si in loco quodam subpurato, vasa semidetrita lapide infernali, vel praeparatione mercuriali, attingere possumus, detergimus ea loca, nec malum ulterius serpit, in oculo autem fieri hoc nequit, medicamenta enim dolorem excitantia valde hic evitanda sunt, ut & ea, quae  
nimiam



nimiam mutationem vasis inducunt, ob acrimoniam enim novam in oculo inflammationem excitant.

LXVIII. Verum tribus sequentibus medicamentis, ordine successivo adplicatis, malum sublatum fuisse, vidi. Simulac ergo adparet, subpurationem esse sistendam, cum vasorum conservatione, cataplasma tale fieri debet, ut vasorum fines detriti, breviter consumantur, & stagnantes humores meabiles reddantur, quo totam partem fovere debemus. *Rec.* Florum rosarum, hyperici, verbaſci aa. ℥j Ceparum sub cineribus assatarum ℥ij. Coque cum aqua in cataplasma. Sub finem adde Aceti lithargyrii ℥ss. Spiritus vini semel rectificati ℥j. Ol. infusi rosarum ℥ss. M. Formula haec saepe profuit, debet autem saepe renovari ac oculo tepide adplicari, linteo calido superinposito. Sic brevi plerumque sistetur subpuratio. Flores in hac formula praescripti leviter adstringunt. Cepae autem emolliunt, sed oportet, ut sub cineribus assentur, quo earum lacrumosa volatilitas igne dissipetur, alias vel olfactae oculis nocent, nunc autem vi sua saponacea optime detergunt. Spiritus vini additur ut vasa laxiora paululum roborentur; in ulceribus enim laxioribus & ubi stillicidium est nihil certius aegrum juvat, quam splenia spiritu vini calido inbuta continuo adplicata, qui

qui a putredine nova conservat. Semel autem rectificatur spiritus, ut hac operatione tenacitas tollatur, quam ad oculos contrahit. Oleum denique rosarum infusum addimus, ne cataplasma nimis cito siccescat, quod novum malum inferret oculo, alias abesse posset. Hoc cataplasmate ichorosum pus brevi convertitur in lemas compactiores, quae, cum adparent, bonum esse dixit HIPPOCRATES. Interim sequens collyrium suppurationem sistens instilletur *Rec.* Aloës purissimae, Croci electi aa.  $\mathfrak{z}\mathfrak{ss}$  Opii gr. ij. Cum aquae destillatae rosarum  $\mathfrak{z}\mathfrak{ij}$  conterantur diu in speciem emulsionis, & liquori huic depurato adde Spiritus vini rectificati  $\mathfrak{z}\mathfrak{j}$ . Hoc medicamentum calefactum ad teporem hominis sani, instilletur in oculi canthum, quoties cataplasma renovatur, quod vasa optime detergit & corroborat. Cum hisce justo tempore adplicatis, lacrimosi ichores destillare desinunt, & materia magis cocta, alba & crassa fit, seu lemae spissae adparent, tunc ultimo loco de exsiccatione seu cicatrificatione, ut nova procreatio puris impediatur, cogitandum erit. Ergo *Rec.* Spiritus vini semel rectificati (non alcoholis)  $\mathfrak{z}\mathfrak{ij}$  Mastiches lucidissimae gr. IV. majori enim copia addita spissescit, Camphorae gr. j. M. Hoc medicamentum ad guttulam unam in oculum instillatum, levissimam partem mastichis deponit,

ponit, vigorem toti oculo restituit, & egregie consolidat. Idem maxime valet in ulceribus & fissuris fibrarum ❖. Diaeta talis sit, quae conveniat inflammationi & supurationi, singularis enim ad oculum non requiritur.

## CAP. X.

DE OBSCVRATIONE TVNICAE  
CORNEAE.

LXIX. Obscuratio corneae est ea ejus dispositio, quae impedit lucem, ne illibata transeat. Ex colore naturali depravato, facile cognoscitur. Oritur haec obscuratio ut plurimum, ex inflammatione, quae in supurationem transivit, tunc enim vasa fracta circatricem contrahunt, unde anthraces, maculae &c. Cicatrix enim ubivis, in omni corporis parte, cutem & cuticulam mutatam relinquit, ergo & hic, ubi color, densitas, differunt a reliqua tunica.

LXX. Causa obscurationis corneae triplex est: 1) a vasis nimis relaxatis, postea ita remissis robore, ut sanguinem & alios crassiores liquores transmittant, qui pelluciditatem tollunt; vel a vasis lymphaticis eodem modo dilatatis, unde reliqua vasa nimis comprimuntur. Vidi a tunica cornea vas erupisse extrinsecus obrepens, & ad superficiem haerens, vasa reliqua erant pellucida, sed ab  
hoc



hoc vase comprimebantur; simulac hoc malum adparebat, incepit cornea fieri minus pellucida. Postquam hoc vas acicula pertusum est & consolidatum rursus pelluciditas rediit.

2) A vasis nimis compressis. Ut enim canalis semper maneat canalis, debet diametrum suam retinere, ut libere a liquido suo extendatur, nec comprimatur, ita ut libere transire queat liquidum. Ut ergo cornea fiat pellucida, curandum, ut canales cylindricam servant figuram, & transmittendae luci apti maneant. 3) A concretionem vasorum. Quando nempe vasa, vel exhausta suis liquidis, vel a compressione aliorum vasorum coalescunt, sicque pelluciditatem amittunt.

LXXI. Varias autem sunt hae ipsae obscuraciones corneae & quidem 1) ratione loci. Aliquando enim est ad latera, aliquando in centro corneae. In universum quidem parum nocet, si ad latera est, multum vero nocebit, si in medio erit. Notandum vero etiam aliquando ad latera visui officere posse, si enim in loco obscuro pupilla insigniter debet dilatari, tunc obscuratio seu macula in loco pupillae seu in medio corneae erit, & radios ex parte intrare inpediet. Sed fieri quoque potest, ut macula licet in centro existente, homo nihilominus videre possit. Verum similiter loco obscuro, cum enim pupilla ibi dilatatur, radii ad latera  
inacu-

maculae in oculum cadunt, & objecta visui offerunt. Ergo hi homines in tenebris melius vident, quam ad locum lucidiorem. 2) Differunt gradu albedinis, quo magis enim cornea a pelluciditate seu colore naturali recedit, eo pejus vitium est. 3) Differunt profunditate; per quam intelligo sedem inter lamellas parallelas corneae. Cornea enim ex infinitis lamellis constat, sibi invicem impositis, sicuti cepae tunicae, &, si prudenter cultro discinditur, discedunt hae lamellae. Quo profundius ergo malum haeret, eo difficilius tollitur, & contra. Si enim in suprema lamella obscuratio haeret, facile curatur, si in secunda difficilius, si in inferiori difficillime.

LXXII. Superest ut inquiramus, quo modo haec mala integre tollantur. Non inutile erit enarrare, quid ego cum felicissimo successu adhibuerim in infante, qui post diuturnam inflammationem subpurationem externarum partium oculi passus est, oculo semper clauso, quo iterum aperto, & subpuratione cessante, tota fere cornea alba facta & obscurata fuit. Omnes desperabant de hoc aegro, sed cum inspicerem a latere, adparebant maculae ac si essent elevatae, unde facile perspexi, malum in exteriori lamella haerere. Curationem ergo sequentibus indicationibus peregi. Primo nempe in pactum

E

esse

esse resolvendum. Dedi hinc quotidie fere purgationes mercuriales, et si tenellus fuerit infans, ne malum fieret in medicabile, & per undecim dies continuavi in infante bimulo sequens medicamentum: *Rec.* Dacrydii, Mercurii dulcis aa. gr. vj. m. f. pulvis. Detur in pulte. Hoc medicamento sumto, si post tres vel quatuor horas non sequebatur purgatio, clyisma injicere curabam ex sale & sero lactis, ut vis mercurii determinaretur ad alvum, nec salivatio oboriretur. Quibus per decem vel undecim dies repetitis, tunica pallescere incepit, & tumor subsidere, & pelluciditas redire. Sed ad animi deliquia usque purgatio saepe urgeri debet. Vis mercurii admodum leniter operatur & dissolvit lympham, ut per minima vascula transire possit.

Secunda indicatio MIHI fuit: Externa perpetuo humectare, ut vasa laxentur, quod sola aqua ac lacte aequis partibus mixtis, effeci. Tepide autem & continuo repetendo adhibui, sic obstructum liquidum resolutum transit. Tertio, ut aequalitas denique redderetur, sequentem adhibui formulam: *Rec.* Aloës gr. IV. Sacchari candidissimi ℥ij. Mercurii dulcis gr. iij. m. f. pulvis inpalpabilis, cujus parum bis vel ter de die palpebris diductis oculo inflabatur. Addidi autem saccharum, quod sal sit optime resolvens & abstergens, nec tamen acris.

Aloëm



Aloëm quod egregie saponacea sit, nec dolore faciens. Mercurium tandem, prius edulcoratum probe, quod bene dissolvat & aperiat. Ita hi tres infantes brevi tempore curati sunt, ut nihil fere in oculis videri possit vitii. Quando pustula quaedam aut macula in oculo utcunque emerit, magnum arcanum est fel piscium recens, in primis anguillae aut lucii piscis, in quibus bilis amarissima est: hujus fellis unica gutta maculae instillata mirifice depurat, quod ex historia sacra Tobiae patet.

LXXIII. Sicubi malum magis rebelle fuerit, nec haecenus propositis cedat, tunc summe detergens medicamentum est adhibendum, quale sequens erit, asperitatem & inaequalitatem simul tollens: *Rec.* Sacchari candi ʒij. Limaturae stanni purissimae & tenuissimae ʒj. Vitrioli communis gr. IV. Haec diu simul & valide conterantur, donec fiat pulvis caeruleus, cribrandus per linteum tenuissimum, ut nihil plane asperi supersit. Hujus saepe de die (quotidie Cod. H.) granum unum infletur oculo. Est egregium dissolvens & detergens ratione stanni. Vitrioli autem non nimis magna quantitas oculo inmittenda, alias nimis rodit. Ratione sacchari laxat & emollit.

## CAP. XI.

DE EXCRESCENTIIS CORNEAE,  
ADNATAE ET CARUNCULAE  
LACRIMALIS.

LXXIV. Omnes excrescentiae oculi, corneae adnataeque referri possunt ad morbos corneae supradictos, quo nomine etiam veniunt unguis, nubecula, &c. Ita excrescentia glandulae lacrimalis, saepe fit in fungum, qui totum oculum occludit. Tunicae illae, si una lamella vitium patiatur, jam morbum concipiunt. Etsi ipsa caruncula lacrimalis dilatatur, fungosaque fit, tamen extenta ejus moles saepe adnascitur adnatae, & tunc, quia palpebrae eam conprimunt, saepe contingit, ut cum oculo concresecat; id si fit, caro fungosa, spongiosa, supernascitur tunicis oculi, & adnata vel cornea vitatur. Si aliqua lamella superior uno ex tribus dictis morbis vitietur, adparet ac si nova tunica supernasceretur oculo. Si haec nunc particula sensim crassior fit & fungosior, tunc fit *Pannus*. Si plus coit, & consolidatur, fit *Cartilago*. Diversitas progressus, compressionis & compactionis majoris vel minoris faciunt differentiam. Si externe ita haeret, ut emineat supra sphaeram oculi, est unus dictorum morborum.

LXXV. Sed quaerimus nunc quatenus curatio in hoc morbo fieri possit? Licet particulam talem supernatantem tenacula prehendere, & partem excretam eminentem scalpello vel acu separare, cavendo tantum ne lamella subiecta laedatur. Id absque dolore & violentia sensim fieri debet, & si aliquod initium separationis factum est, reliqua pars facile cedit. Omnium optime fit acu, difficilius scalpello. Nullo vero alio modo potest malum curari. Si nunc iris aperta est, curatio erit perfecta. Quando excrescentiam hanc eousque liberavimus, ut tenaculo commode adprehendi possit, & pars dicto modo separata est, tunc minimis forcibus ad id aptatis, particula prominens abscindenda est. Sed remanent tunc aliquando inaequalitates in tunica subjacente, quae iterum facile crescerent, & malum de novo producerent. Ergo, si magnae fuerint forcibus similiter demendae sunt. Si autem minores, pulveres abstergentes erunt adhibendi, ut aloë, stannum pulverisatum, saccharum, fel, succus millepedum, &c. Si autem in hisce operationibus lamella quaedam laedatur, perditur oculus. Et inflammatio quando supervenit, ea curanda est ex suis principiis, supra propositis. De hac operatione, & omnibus reliquis in oculo obviis optime scripserunt, FABRICIUS AB AQUAPEN-



DENTE, CELSVS, AEGINETA,  
AETIVS, BARTISCH in tractatu Ger-  
manico, egregie, & ultimo MAITRE-  
IEAN, Gallus.

## CAP. XII.

### DE MORBIS OCULI INTERNIS.

LXXVI. Visus est perceptio intellectui na-  
ta, ex motu retinae impresso per collectio-  
nem radiorum, qui dispersi proveniebant ab  
objecto ad corneam. Requirit hic visus  
omnes partes oculi sanos, omnia liquida pel-  
lucida, solida vero in certa proportionem & fi-  
gura, & omnia rite disposita mobilia, deni-  
que commune sensorium apertum. Morbi  
ergo visum laedentes sunt 1) qui corneae pel-  
luciditatem tollunt, de quibus actum est, 2)  
qui pelluciditatem tollunt in interioribus, 3)  
qui figuram partium internarum oculi destru-  
unt. Oportet enim lentem crystallinam non  
nimis tenuem esse neque crassam, non nimis  
planam vel concavam, justamque habere solidi-  
tatem radios determinantem. In retina &  
uvea omnia rite sint constituta necesse est, ju-  
sta adsit sensibilitas, nervus opticus sit mea-  
bilis. Sensorium commune sanum & aper-  
tum. In universum determinata omnium  
partium constitutio requiritur.

LXXVII. Impossibile autem fere est, hos morbos ita explicare in hoc ordine, quum saepe lis sit de parte adfecta ejusque functione, & apud auctores omnia plena sint imaginariis theoriis. Hinc saltem eos morbos ita explicabo, ut eos praemittam, qui minus laedunt visum, & deinde successive ad eos transibo, qui maximum oculo inducunt vitium.

## CAP. I.

DE IMAGINIBVS ANTE OCVLOS  
ADPARENTIBVS.

LXXVIII. Hunc morbum adcurate describere possum propria experientia edoctus. Videntur in hoc casu, cum objectum aliquod adspicimus, imagines quasi inter oculos & objectum volitare, quae distinctum visum impediunt. Ut autem causa cognoscatur, ad ea adtendendum est, quae in hoc incommodo obliervantur. 1) In oculis hominum, qui remota objecta acriter & distincte videre possunt, ut plurimum haec spectra adparent; contra illis, qui acriter & distincte in propinquo videre possunt, in myopibus scilicet, raro vel nunquam adparent, nec facile senibus. Si hoc scriptores obliervassent, in assignanda causa tam imprudentes non fuissent, nec eam in aqueo humore posuissent.

2) Adparent spectra ista in primis, quando objecta, quae adspicimus, valde illuminata sunt, & fulgidissimo colore praedita. 3) In magna luce positis adparent maxime omuium. 4) Quoties aër magis serenus est sive magis perspicuus, toties magis adparent & molestae sunt, notante SANCTORIO. Sub aëre autem nebuloso raro adparent. 5) Respicienti ad objecta maxime remota hae maculae adparent, ad objecta propinqua minuuntur, ad proxima omnino evanescent. 6) Semper in eadem a centro visus distantia haerent maculae, & in omnibus qui me consulere hoc observavi in altitudine, longitudine. Si deprimitur oculus, deprimuntur maculae, si adtollitur, adtolluntur, & semper sequuntur centrum visionis. Vix aliquis duas litteras adcurate videre potest, uno eodemque temporis momento, nisi mutemus directionem pupillae eo versus. Per unum enim punctum saltem videmus. Hoc phaenomenon docet has maculas non moveri in oculo. Centrum visionis vocatur illud punctum, quod momento visionis adcuratissime & distinctissime videmus, pupillae directe oppositum. Nam, uti dictum est, non possumus varia simul distincte videre, sed mobilitas ista & rotatio maxima oculi facit, ut multa quasi simul videamus. Dum oculus directe respicit, pollex ante oculum arcet visum

decem



decem hominum, eoque plus mihi demit  
 visum, quo propius ad oculum venit, quo  
 vero magis recedit, eo minus inpedit, quod  
 illustratur sequenti figura 1. Ibi linea EF in-  
 pedit visum lineae BD vel AG, etsi EF non  
 sit nisi diuidia pars lineae AG. In *figura* autem  
 1\*. Si oculus v. g. in O respicit objectum in  
 A, macula adparebit v. g. in B, objectum  
 vero si removeo ad C, macula adparebit in  
 D. Macula enim semper variat, prout vari-  
 at illa distantia, & quantum augetur distan-  
 tia ab oculo, semper in tantum remotior ad-  
 latus est haec macula, nunquam in linea re-  
 cta. Omnes auctores subpoluerunt, tales  
 maculas a floccis in oculo haerentibus oriri,  
 quod tamen verum non est. Hinc etiam,  
 quo propius adparet macula, eo major erit,  
 & magis inpediet visum, instar pollicis, cum  
 alias si remotior est, vix lentis magnitudinem  
 habeat. Porro 7) crescit haec proportio tan-  
 tum in certa distantia nempe ad quinque vel  
 sex pedes. Hujus rationem exactam reperi-  
 re non potui, attamen aliter quam mathema-  
 tice demonstrari non poterit. Vnum tamen  
 habeo, quod forte prae aliis vobis placebit,  
 quamvis MIHI nondum satisfecerit penitus,  
 quod per sequentem figuram 2. explicabo.  
 Omnia objecta nunquam maiora adparere pos-  
 sunt, quam altitudo est hominis inspicientis  
 horizontem. Ponite hunc horizontem BE

esse infinitum in quo spectator consistit. Ponite oculum esse hoc A, & hominem erectum stare, ejusque altitudinem esse AB quinque vel sex pedum, & distantiam BE esse aequalem AB, habebitis triangulum rectangulum ABE. Linea AB aequalis alteri BE, per hypothesin, hinc anguli in basi AE sunt aequales, & erit angulus B rectus. Si ergo hic angulus aequalis est, ducam lineam ex A parallelam horizonti, sic in terra omnia quae videre possum, video inter has duas lineas, si oculos fixos immobilesque seruo. Si linea AC est parallela horizonti, angulus A est aequalis E. Duo vero recti faciunt unum rectangulum, ergo unus erit aequalis uni semirecto. Hoc pictores debent observare, alias corrumpunt omnes picturas, iisque nullam proportionem dant, hinc non plus fumant quam bis altitudinem hominis †. Hinc potest esse ratio, quod ubi removeantur objecta ultra hanc lineam AC,

- + Nunquam sanare potui hanc demonstrationem, quam vero, si posuerimus hominem secundum parallelam horizonti lineam adspicere, facillimam video; tunc enim si horizon fuerit BD. Altitudo hominis AB. Linea horizonti parallela ex oculo profecta AC, utique nullam objectum alibi, nisi inter parallelas AC, BD, conspicietur, neque angulus opticus poterit recto major esse. Verum harum linearum distantia est AB, non ergo corpus hac ipsa distantia majus adparere poterit.

AC, non possit ultra crescere macula sive imago. 8) Augmentum hujus maculae in quolibet homine habet mensuram ultimam. 9) Adparent etiam hae maculae caelo lucido, aut in luce magna, oculis seu palpebris clausis, quod alii scriptores non obseruauerunt. 10) Disparent vero integre noctu in tenebris; cuius rei ratio diu me fatigauit. Si in ipsa retina haereret hoc malum tamquam fixum, tunc saltem etiam noctu deberet macula adeste. 11) In morbis acutis & violentis hae maculae etiam saepe adparent, sic ut manibus eas remouere cupiant, quod visum ipsis inpediant, sed sanato morbo iterum disparent. Dum adest malum, aegri muscas & floccos carpere solent, quod signum est instantis phrenitidis, & etiam in morbis acutis, ubi hae adsunt maculae, phrenitis sequitur, qua soluta disparent. 12) Peissimae sunt hae maculae sub coelo continuo aestuante & reflexo solis ardore, ubi in amaurosin facile degenerant, maxime cum homines continuo inspicere cogantur arenam albam lucis radios ad oculum reflectentem. Hinc Arabibus, Persis & Aegyptiis maxime communis est morbus, iisque oculi pleni sunt imaginibus, quia in calidis regionibus itinera facere cogantur per deserta arenosa. Princeps RADZIWIL refert in itinere, Carabistas ✱ fere omnes hoc morbo



morbo laborare, sine dubio quia per talia loca calida arenosa saepius itinera faciunt.

LXXIX. Quaeritur nunc de ejus causa? Causa hujus maculae est procul dubio umbra seu defectus luminis in retina, quae si tota illustraretur, illud punctum nigrum non adpareret. Idque fit duplici modo, vel enim nervus non sentit, vel lumen ad nervum non pervenit. In hoc omnes medici consenserunt.

LXXX. Sed porro quaeritur? An ille defectus lucis sit umbra, a corpore intermedio orta, & in retinam projecta, an vero vitium haereat in ipsa retina, & defectus sit sensibilitatis in nervo hoc in loco, quamvis illustrato. Primum voluere plerique auctores, qui de hoc morbo scripserunt, dixerunt nempe, esse umbras a corporibus, positis inter corneam & retinam, excitatas, & speciatim esse umbras corporum in humore aqueo volitantium, ante lentem crystallinam, in retinam projectas. Hinc voluerunt hoc esse initium suffusionis, & causam penultimam cataractae. Ideoque continuo externa medicamenta adplicaverunt. Alii vero voluerunt, hoc malum dependere a macula opaca haerente in lente crystallina, quae nempe in aliqua parte minus pellucida esset, inque ea lucem non transmitteret. Sequebatur inde,  
quo

quo major ea macula esset, ut eo major conus umbrosus depingeretur in tunica retina. Ex his spectris omnes catarractae gradus deduxerunt, prout nempe haec spectra augerentur & sibi mutuo connecterentur, ita ut totam obsiderent pupillam, & solidiora evaderent. Verum sententia haec omnium primo refutata fuit a WILLISIO in *tractatu de cerebro*, describente nervum opticum cum suis vasis sanguiferis, qui liber merito magni aestimandus est, si consideramus eum a tribus magnis viris conscriptum esse, a LOWERO scilicet, WREENIO, & WILLISIO, praesertim quia WREENIVS mathematicus insignis fuit & in universum vir magnae eruditionis. Plurimi tamen hanc adhuc theoriam tuentur. Sed dabo argumenta absolutissima, quibus evincam, 1) eas maculas non haerere posse inter tunicam corneam & retinam, 2) eas non haerere posse in humore crystallino, nec ibi ullas formare imagines.

LXXXI. Ad primam classem haec argumenta pertinent: 1) Multis hominibus per totam vitam, sine ulla sequente suffusione, pessima fuit & frequens hujusmodi macularum imago. In ME ipso tale experimentum habeo a duobus annis, quod maculae MIHI adpareant. Huc refero contrarium huic argu-

guimen-

gumentum. Vidi nempe homines, quibus catarractae natae sunt, nullo vitio harum imaginum praecedente. Ino vidi, quibus una nocte catarracta nata est, absque praegressis talibus imaginibus, & integre visu privati sunt. Hoc si observassent, argumentum fuisset satis solidum, has imagines causam non esse catarractae. 2) Obstat stabilitas harum macularum in uno loco nec fluctuans unquam. Videntur quidem volitare, sed non moventur nisi oculus moveatur. Et qui has imagines vident, ii omnes quam optime distinguunt, parvas maculas in uno loco positas esse, nec impedire visum. Ino hi homines vident fere omnium optime in reliqua parte oculi, ubi haec macula non est, melius quam alii homines. Ergo illa particula moveri non potest, quia fixum servat suum centrum, nisi quando movetur oculus. Ergo illa particula non potest haerere in humore aqueo. 3) In quibus oculis illae adparent maculae, optima est indoles humoris aquei & pupilla perspicua, nullo unquam vitio externe deprehenso. Si oculus inspicitur, nullum hujus rei signum adparet, quod tamen videri deberet, si aliquid opaci inhaereret oculo. Tunc enim, quantum inpediretur lucis intrare, tantum reflecteretur extrorsum, & deberet vel album vel cinericium stigma adparere externe insipienti, nec pel-

luci-



lucida esse pupilla. 4) Experimentis caute institutis tentavi experiri, an, si haereret aliquid opaci in oculo, ante liquidum crystallinum vel corneam, illud talem umbram vel tales imagines excitare posset. Sed reperi hoc minime fore. Sumsi nempe acum ex chalybe, tanquam corpus opacissimum, eamque colore nigro tinctam, aperui oculum proprium, acum pupillae adpropinquavi ante speculum, sensim, ita ut duabus vel tribus tantum lineis distaret a pupilla, nihil tunc vidi de acu, & vix visum inpediuit, dein propius admovi, omnino non inpediuit, neque si movebatur hinc inde, videbatur mota. Si autem oculus fuerit in summa luce, & acus a latere teneatur, videbitur, vel etiam si magis removeatur. Si ergo macula talis in cornea tunica esset, vel in aqueo humore, obscuraret quidem, sed non formaret imagines. Quod autem acus non videatur ante pupillam, est quia radii caeterorum objectorum eam praeterlabuntur, quoniam ab omni puncto objectorum radii emanant. 5) Si ex illo quarto argumento tecta pars corneae exigua umbram facere, h. e. ingressum radiorum inpedire, nequit in retina, (si enim faceret, acus deberet adparere), multo minus facere poterit particula aliqua in aqueo humore haerens. Ratio est, quo corpus intercipiens lucem propius est objecto lucido, eo  
umbra

umbra major erit. Si manus ponitur ante objectum lucidum, potest totum murum oculis nostris obscurare. Ergo patet, si acus non facit umbram ante corneam positam, id est, propius ad objectum lucidum, non facturam remotius ab objecto positam. 6) Argumentum aliud evidentissimum proposuit *PITCARNIVS de Morbis oculi*, nempe debere esse certam distantiam inter oculum & id quod videri debet. Optici enim demonstrant, a quocunque objecto radii manaverint, si id objectum ponatur intra sesquidiametrum ab ipsa lente crystallina, tunc omnes radios vergere in infinitum, & nullam repraesentari imaginem. Sumite modo lentem crystallinam v. g. ex telescopio, & admoveate candelae, si ea nimis propinqua fuerit, nulla videbitur distincta imago, sed totus locus illuminatus erit, quia radii omnes divergunt, nec colliguntur. Idem erit in oculo, si objectum nimis lenti propinquum fuerit, tunc enim posteam lentem nulla repraesentabitur imago. Ergo, si in cornea vel aqueo humore aliquid haeret, ejus figura non praesentabitur in retina, verum potius visus obscurabitur. Quando vero candela magis & ad certam distantiam removetur, tunc ejus distincta imago repraesentabitur, nam ita ponetur ultra sesquidiametrum a lente. Sicque si inter candelam & microscopium aliquid

aliquid ponitur, nihil facit umbrae. Neque si inter chartam, in qua repraesentatur candela, & microscopium ponatur objectum, quidquam mutabit in figura candelam, nisi tantum sit ut omnem lucem demat. Quidquid ergo inter corneam & lentem crystallinam haeret, non potest tales imagines pingere, sed si sint majora, possunt imagines delere.

LXXXII. Ad secundum quod spectat, probabimus vitium hujus morbi non haerere in lente crystallina. Academici Parisini & alii dixerunt causam macularum haerere in lente crystallina, quod falsum esse optica ad oculum demonstrat. Primo praecedentia argumenta hic valent, & sententiam hanc debellant. Secundo sumitur vitrum convexum v. g. telescopii, ut est *A* in f. 3. Ponatur ante id vitrum candela *B*, post illud autem charta nigerrima *C*, tunc haec charta candelae imaginem recipiet. Deinde lens obtegatur ex parte charta nigerrima vel pice, idque fiat vel exterius *aa*, vel interius *bb*, quamvis autem hae maculae nigrae adsint in lente, non tamen mutatur imago candelae, sed obscurior adparet. Mota etiam ista chartula per totam circumferentiam nihil mutatur. Si tandem tota lens obtegatur, tunc tota imago deletur, sed nulla umbra excitatur. Ergo in lente crystallina non potest fieri mutatio, ut umbra pro-

F

jicia-



jiciatur in focum, nec in lente ullum punctum opacum fieri potest, nisi fiat ab opacitate per totam superficiem corporis, quod lucem recipere debet.

LXXXIII. Vidimus haecenus imagines haerere non posse anteretnam, haerebunt ergo semper in retina. Demonstratio haec est. Nunquam haec spectra nisi in luce adparent. Ergo haerent in illo loco ubi lucis fit perceptio, id est in retina.

LXXXIV. Causa harum macularum, seu causa ut retina disponatur, ad eas repraesentationes animae exhibendas, duplex est: 1) Absentia loci luminosi (motus lucis H.) in quocunque puncto retinae, sive in illo puncto, ubi spectrum haeret; 2) Inimatio hujus motus inpressi in retinae parte, quem requirunt, ut visus fiat. In priori casu, quando pars fundi retinae non potest adfici a debili actione lucis, tunc spectra absolute nigra adparent, initium amauroseos denotatura. In posteriori vero imagines minus clare videntur in quibusdam retinae partibus, quam in reliquis, & hoc malum facile fertur.

LXXXV. Sed quaeritur jam causa remota, sive quae disponit retinam, ut motum lucis, seu radios per lentem crystallinam missos recipiat quidem, sed non transferat ad sensorium

rium commune & menti repraesentet. Respondeo has causas esse infinitas, idque omnes causas efficere, quae faciunt, ut fibrae nerveae medullofae retinae ita fiant debiles & immobiles, ut lucem receptam ad sensorium commune deferre nequeant. Saepe hoc fit a compressione nervi optici. Ubi enim ingreditur nervus opticus, emergit plexus arteriosus, ac nervum opticum cingit, & quodammodo extrinsecus tunicam retinam. Si hic nunc plexus jam solito plus tumet ab arteriarum distensione, comprimet facile illas molles fibras nerveas, idque eo facilius, quod quidem molliores eae sunt. Imo etiam major est ea compressio, si aliquando varices vel parva aneurysmata in hoc plexu fuerint. Huc revocandum est experimentum Domini MARIOTTE, qui demonstrat, punctum tunicae retinae vasis sanguiferis occupatum nihil videre, nisi a latere, hinc si in fundo oculi haerint vasa sanguifera tumentia loco nervi ibi haerere soliti, omnes foci radiorum ibi incurrentes invisibiles erunt. Si contigerit non magnam, sed parvam, arteriam mole increfcere, & fibras nerveas comprimere, tunc aegri nebuloſa obſcura tantum quaedam vident cum hebetudine. Sed foci quoque radiorum ad latera incurrentes invisibiles erunt, quando ad latera haerent vasa sanguifera tumentia aut aneurysmata, quae

cum hic fere insanabilia sint, per totam saepe vitam malum manet. Porro si opaca ibi sphaera haeserit, faciet secundam speciem hujus morbi, & imagines tunc sunt, quasi corpora umbrosa, fit hebetudo visus, & aegri conqueruntur se videre bullulas aqua plenas, aut objecta videre tamquam per lagenam aqua repletam. Si vero tota retina ita premitur, fit perfecta caecitas. Quando ergo aliquid magis vel minus tunicam retinam premit, facit primam vel secundam hujus morbi speciem.

LXXXVI. Ex dictis patet, quam bene ORIBASIVS in *Compendio suo*, PAVLVS AEGINETA de *Morbis oculi*, AETIVS in *Fragmentis medicorum*, & HIPPOCRATES de *victu in Morbis acutis* dixerint, in morbis acutis & magnis febribus tales imagines seu floccos ante oculos volitare, haemorrhagia autem oborta, aut venae sectione instituta, aut sublato demum morbo, abire. Id enim perpetuo in praxi circa hos morbos videmus, haec nempe spectra, etiam magna, subsequente haemorrhagia, vel si fluant haemorrhoides, tolli, quae omnia rationem nostram, nempe priorem confirmant, scilicet hoc malum ab inflammatione oriri posse, id est a dilatatione arteriarum.



LXXXVII. Sed hujus mali causa etiam esse potest tumor lymphaticus, id est tale incrementum in vasis lymphaticis, quale in sanguiferis dictum est. Quamvis enim perspicuum manet illud vas lymphaticum tumens, tamen nervos hos tenerrimos comprimet. Deinde tumores scirrhusi, aut verrucosi, ibidem enati, etiam in causa esse possunt & incurabilem morbum producere. Ultima denique causa esse potest ipsius nervi malus habitus, ut ejus paralyxis, vel obstructio, vel callositas. Ab eo malo ea retinae pars obscuratur, quae pendet ab hac nervi vitiata parte. Hujus ergo mali causa proxima est semper insensibilitas in retina, causa autem remota infinite variat, hinc aetiologia facilis est, quam enarrare supersedemus.

LXXXVIII. *Diagnosis.* Si aeger subito conqueritur, patet tunicam retinam adfieri, & malum a tumore vasis vel sanguiferi vel lymphatici oriri. Rogandus tunc est aeger, quam late extensam videat imaginem, & quanta ejus distantia sit ab axi visus? Ut hoc cognoscatur, ponatur objectum aliquod circa oculum in ea distantia, ut distinctissime videri possit. Hoc invento, aeger aciem oculi dirigat ad unum objecti punctum, ita ut unam v. g. litteram videat; tunc rogetur in quo latere, & in qua distantia ab

oculo sit macula, & quantum sit spatium, quod ea in charta occupet? Si malum propius ad nasum est, minus habet periculi, quia vasa illa visui ita non conducunt, haeret nimirum ibi plexus arteriosus alioquin opacus. Si autem vitium est in fundo oculi, id est in eodem axi cum litteris inspectis, maior metus caecitatis est, in primis si macula magna fuerit. Quando vero macula in ipso axi visus est, tunc adest summus metus caecitatis vel luscitatis, & saepissime amaurosis sequitur. Verum, quo longius ab eo axi abest, minus adest periculi, etiam si magna macula fuerit. Si vero ad latus externum oculi adparet, ubi homo recta perspicit versus litteras, periculosum quoque est. Si diu duravit malum, nec increscit, non multum periculi subest.

LXXXIX. Pessime aegri huic malo obnoxii tractantur a medicis qui causam proximam ignorant, dum iis praescribunt aquas sic dictas ophthalmicas penetrantes, quae spiritum vini comphoratum, aut foeniculi, aut salis ammoniaci spiritum, aut alia huiusmodi acria recipiunt. Haec remedia, si aliquid omnino faciunt, rumpunt potius corneam & corroduunt, &, si adtingerent retinam, uno momento actum esset de visu. Non tamen semper periculosum statuendum est hoc malum, neque incurabile, etsi per  
exter-

externa remedia curari non debeat. Ex supra dictis enim facilitas curationis hujus mali aestimari potest. Nempe si causa fuerit sola equitatio vel ambulatio in loco aprico per loca arenosa, & facta inde inflammatio fuerit, tunc facile curatur aqua frigida adspersa, quemadmodum hoc mihi ipsi contigit. ANTONIVS MVSA, Medicus Romanus, qui AVGVSTVM Caesarem sanavit, cum tanta Romanorum admiratione, ut ei statua fuerit erecta, in tractatu *de Betonica*, qui liber Manuscriptus in Bibliotheca hujus Academiae servatur, inquit: Si in ejusmodi spectris sumitur Betonica ℥j & infunditur in ℥iv aquae fontanae, ac omni mane hauritur, hoc medicamento sanguinem resumere fundo oculi, qui antea vasa ibi expandebat, sicque hunc morbum curari. Non autem nunc quaerimus, an ea usus sit betonica, quam hodie eo nomine vocamus, sufficit, haec dicta nostra confirmare. AETIVS, si legitur de Amaurosi vel Nubeculis, interna remedia commendare videtur, externa nulla. Sed quando varices adsunt, etiam haec nihil juvant. Tales enim morbi in aliis partibus sanari nequeunt, multo minus in oculo. In curatione ergo hujus morbi attendendum est, difficultatem sanandi magnam esse, & tutius esse patienter eum ferre, quam medicamentis oculum corrumpere. Difficilem



dico esse curationem. Si enim malum idem esset in digito, ne tunc quidem id per medicamenta interna possumus redigere ad aequalitatem reliquorum vasorum, quid ergo in oculo fiet? Observatio pariter docuit, plurimos medicos malum hoc neque augere neque imminuere potuisse. Ex Germania de tali malo scripserunt, quod omnia medicamenta frustra adhibita fuissent, EGO vero confului, nihil esse timendum, & potius a medicamentis abstinendum videri, ne malum exasperetur. Sed eventus tamen erit pessimus, si assiduo augetur obscuritas, & earum imaginum magnitudo, tunc enim semper succedit gutta serena, id est, totalis caecitas. Ecce historiam curationis. In aestu solis summo ante aliquot annos MIHI equitanti per loca arenosa, subito enascitur macula *palmae* ✱ latitudine in fundo oculi. Cogitanti succurrit mihi, medicamentum optimum fore aquam frigidissimam, qua singulis noctibus adplicata, maculam ad grani hordei magnitudinem redegei, ita ut nunc vix noceat vel incommodum inferat. Inflammatio ergo procul dubio erat in fundo oculi, & saepe etiam fit tali in casu, hinc optimum remedium est, quod subito retropellendo omnia vasa constringit, ut aqua frigida: ARCHIGENES, medicus celeberrimus, qui tempore AVGVSTI floruit, hoc remedium com-

men-

mendavit, &, siquidem statim non omnino reddatur aequale vas obstructum, multum tamen proficiamus. Cogitabam quoque, cum id malum primum sentirem, an non auxilio MIHI esse posset, si totam massam sanguinis inminuerem; sed considerabam, prius omnia reliqua vasa exhauriri, quam haec in oculo vasa, & licet sanguinis molem inminuerem, vas illud tamen semper suam diametrum servaturum esse, hinc de inminutione dilatationis vel inpeditione ulterioris dilatationis cogitavi, & usus sum aqua frigida, quod ex voto MIHI successit.

**LXL. Curatio.** Prout malum est vel recens vel inveteratum, curabile aut incurabile est. Si recens malum fuerit, cogitandum est, vasa nimis dilatata causam mali esse: Ergo curatio absolvitur, si vasa nimis dilatata, in statum naturalem, h. e. ad parvitatem redigantur, vel ad minimum in statum illi proximum. Huic indicationi hisce duobus mediis satisfit. Primo, vas redigendo ad minorem diametrum, seu illi conciliando maiorem contractionem; secundo, liquido distendenti minorem vim conciliando. Primae indicationi quam optime satisfit lotionem & fotum aquae frigidae, mane & vespere adplicato. Hinc medici veteres nihil magis commendant, quam aquam frigidam oculis inspersam. In ACTIS BRITANNICIS eandem curationem legimus,

gimus, & D. BAYNARD in libro de *Balneis frigidis* refert, incipientes amauroses, ab hac causa ortas, aquae frigidae solius usu fuisse sublatas. Ea tamen aqua, uti dictum est, non prodest, nisi in initio.

Secunda indicatio, quae in liquida agit, iis minorem inpetum conciliando, tripliciter absolvitur. Primo, resolvendo id quod nimis crassum est, ut facilius transire possit. Secundo, minuendo liquidi distendentis copiam. Tertio, avertendo liquidum quod vergit ad loca adfecta. Si ergo malum recens frigidae non auscultaverit signum est, vel materiem nimis crassam pertinaciter inhaerere vel inpetum ad oculos esse nimium. Ergo resolvendum est & avellendum. Optima autem avellentia & resolventia sunt venae sectio & purgantia fortiora mercurialia, quae copiam minuunt & simul resolvunt, & licet signa plethorae non adsint, tamen adhiberi debent. Ergo per aliquot dies continuos purgationes mercuriales propino, ut quasi salivatio fiat per alvum. Mercurius enim dissolvit, purgans autem medicamentum additum, vim ejus ad alvum determinat, & nisi hoc fiat, clyisma injiciendum est. Si signa plethorae adsint, venae sectio ad animi deliquium usque instituenda est. Id enim deliquium non oritur, nisi sanguis ita inminuatur, ut cerebrum a sanguine nunc distendi



stendi non possit, neque animales spiritus sufficiente quantitate secernantur; ergo necessario etiam in oculo vasa evacuantur, & fit revulsio causae prementis & distendentis. Conveniunt etiam balnea pedum, ut major fiat derivatio a capite. Hisce omnibus peractis, si tamen augeatur malum, metuenda est perfecta caecitas. Hinc ad summa revellentia transeundum est. Adplicentur ergo magna vesicatoria ex cantharidibus, quae quam maxime lympham resolvunt. Videmus enim ex eorum usu mucum ex vesica aliquando prodire, & tandem non raro sanguinem. Si vero etiam haec non juvant, unica restat salivatio, quae, quando indicatur, quantocytus, & ad summum quinto die, instituenda est, & observanda diaeta in cura morbi gallici praescribi solita. Hoc unicum hic remedium superest, resolvit nimirum integre sanguinem, ut in eo paucae particulae rubrae supersint & totus reddatur tenuis & serosus, quod patet ex halitu faetido, tumore gingivarum & summa flacciditate. Hac ratione aliquot aegros curavi. Actionem vero mercurii pro lubitu ad loca meliora derivare possumus. Ergo quotidie ad grana duodecim vel quatuordecim mercurium adhibui, donec signa salivationis, faetor & halitus putridus, animi deliquia, & alia symptomata accesserunt. His signis adpa-

rentibus,

rentibus, aqua hordei cum lacte pro potu fuit. Quo autem maior salivatio fiat, fomenta ad caput adplicanda sunt. Observamus enim, iis, qui mercurium adsumunt & caput valde tegunt, caput in primis tumere, iis autem, qui pedes tegunt, pedes magis intumescere, eosque vix salivationem pati, illi denique qui abdomen tegunt, diarrhoea fere laborant. Quia vero hoc malum curandum in capite est, actionem mercurii ad caput ut derive-  
mus, necesse est. Hinc iis caput linteis aqua calida madidis tegi debet, ut salivatio eo melius succedat. Et omnino remedium arcanum est salivatio, etiam in amaurosi, quae hoc modo saepe feliciter tollitur, quam acu.

LXLI. Si tamen post haec omnia malum non cedit, erit incurabile. Hinc ante ultimam hanc curationem, quae fit salivatione, semper de dubio successu amici monendi sunt. Nam nulla in arte medela nota est, quae certo morbos curet, & hic praecipue eventus incertior est. Neque mirum; quis enim tollet collectum nodum nervosum, quales saepe ad articulos pedis fiunt? Nemo certe, nam mercurius in haec mala nunquam agit, & si medicamenta aliqua in ea agunt, destruendo agunt, quod si fieret in oculo, visum deleret. Patet ergo, malum, quod praedictis non cedit remediis, pro causa habere

bere callositatem nervi, vel simile quid incurabile. Ita se habere scivisse sufficit, aequae enim bene agit medicus, dicente HIPPOCRATE, dum incurabilem talem morbum pronunciat, quam, si sanabilem curaverit.

## CAP. II.

DE LUMINIBVS SEV SCINTILLIS IGNEIS ADPARENTIBVS IN OCULO, CAETEROQVIN SANO.

LXLII. Primo dicam de iis, quae ex vitiato humore aqueo contingunt: deinde de iis quae ex vitio nervi optici fiunt. Prius vitium illis est familiare, qui adcurate vident objecta e longinquo, tum iis, qui fortiter in objecta unius coloris & paulo remotius, maxime versus coelum vel aërem serenum, aestivo inprimis tempore, respiciunt. Iis in intermedio spatio exigua puncta seu bullae luminosae, hinc inde se moventes, adscendentes, descendentes, & quasi subflutantes adparent, licet oculus quiescat, quod unum est ex phaenomenis explicatu difficillimis, & in plurimis contingit hominibus. Idem oculi vitium saepe recurrit, si quis versus parietem unius coloris respicit, & omnium facillime accidit hieme nivem adspicientibus.

Alte-



Alterum vitium valde frequens est in nonnullis morbis, in quibus aegri, vigiliarum pariter ac somni tempore, observant maculas seu scintillas ignitas per aëra sese moventes. Simili ratione nobis sanis, a vi externa, ut percussione oculi, sternutatione vehementi, vel narium fortiori emunctione, tales scintillae adparent, quasi ignis ex oculis profiliret.

LXLIII. Hic morbus satis difficilis videtur explicatu, & viri qui praecedens problema explicarunt, maximam circa hunc morbum difficultatem reppererunt. Non haerent illae maculae ignitae in retina, ut in praecedenti morbo, nam illae maculae fixae erant & obscurae, hae autem continuo moventur & lucidae sunt. Non ergo certi aliquid de hoc malo determinari potest, nisi experimenta quaedam in auxilium vocantur. En quidem primo experimenta ea, quae pertinent ad morbum in aqueo humore haerentem. 1) Quando liquores clariores & pellucidos, ut urinam vel solutionem argenti inspicimus, ponendo illos intra lumen & oculum, tunc, quamvis liquida stagnet & quiescant, videmus, scintillas quasi luminosas in oculo repraesentari, & quidem radios, qui antea non adparebant, hocque phaenomenon praecipue adparet in urina hominis sani, cum sales se dant ad praecipitationem. Ergo in liquido, quod homo-

geneum

geneum corpus constituere videbatur, heterogenea haerere possunt, sine notabili sua nota, quae vero eadem corpori luminoso obposita, & a sese discedendo, reflectentia fiunt, id est redduntur visibilia. 2) Experimentum ex mechanicis petitur ab artificibus, qui focos collectorum radiorum saepe observant. Nempe in massa vitrea haerentes particulas duriores & compactiores reliqua massa vitrea, magis adeo reflectentes, & scintillas quasi formantes, haecque corpora sunt, quae eodem gradu ignis liquefieri non potuerunt, quo reliquum vitrum, sic ut in ejus media substantia haereat aliud quasi vitrum, hincque eo loco vitrum solidius reddant, ut vitrum ibi necessario magis reflectat. Eodem modo hoc malum fit, ac si scyphum haberemus aqua plenum, & in eo globum ex vitro vel crystallo filo adpenderemus per mediam aquam. Si enim tunc aquam contra lumen inspexeris, videbis illo loco, ubi parvus ille globulus haeret, fortius refringi lumen ad oculum, quam reliquis aquae locis, idque ex legibus refractionis, quas nos docet dioptrica. Omnia enim corpora, posita eadem perspicuitate, semper eo magis refringunt, quo sunt densiora. Ergo radii, qui per aquam transeunt, nunc impingentes in globulum vitreum, plus refringentur, quam si aqua homogenea fuisset; hinc focus, sive punctum,

in

in quo radii colliguntur, facit lumen, seu scintillulam. Id cum suo damno experiuntur saepe artifices per telescopium vel perspicillum in chartam inspicientes, depingi lumen, si corpori vitreo insunt heterogeneae partes, quod non fieret, si vitrum ex homogenea massa constaret, & telescopia talia nihil valent. Ad hoc experimentum pertinet aliud. Nempe si microscopium ponamus in aqua, colliguntur radii, qui alias libere transirent, sicque ibi fit focus luminosus.

LXLIV. Ex his positis nunc manifestum est, quo modo in oculo oriri possunt corpora luminosa. Oculus verissime est vas liquido plenum, est enim humor aqueus, qui magnam partem oculi replet. Si ergo in isto aqueo humore oculi natant corpora solidiora, uti in primo experimento, quae reflectunt radios, nec dimittunt in retinam, tunc spectra luminosa oriri possunt. Porro, si ponamus, particulas globosas graviores seu densiores in aqueo humore haerere, tunc radii, qui recta perrexissent ad retinam, diriguntur nunc quasi per parvum microscopium ibi positum & refringuntur, ut in secundo experimento, & lucidius repraesentant corpus in retina, radiis in unum punctum collectis, qui alias, si liquor homogeneus fuisset, transmissi fuissent absque refractione. Utrumque ponit densiorem materiam, quam est  
liqui-



liquidum, & sic oriuntur scintillulae vel a reflexione vel a refractione. Neque adparent illae scintillae, si corpus propinquum inspicimus, sed qui e longinquo respiciunt, eas vident, sic enim colligunt lucem in unum punctum retinae, ut microscopium. Ergo vera hujus mali causa haeret in aqueo humore, & quia volitant eae bullae in aqua, nec fixae sunt, objecta quoque illa lucida, volitare solent & moveri. Hinc tantum periculum est, quoties multae & saepe adparent, nam initium caecitatis post has bullas saepe contingit fieri. Notant enim liquidum aqueum oculi secedere in partes transparentes & solidiores.

XCV. *Curatio.* Causa hujus mali sunt solidiora corpora haerentia in humore aqueo, quae nihil aliud esse possunt, quam sales; terra enim per illa vasa difficulter transire potest, neque eo pervenire rationi congruum est. Hinc vero pendet remediorum applicandorum ratio. Cum enim hic subponantur concrefcentia corpuscula, talia applicanda sunt remedia, quae ea a concretione impedian. Ergo danda omnia lenissime diluentia, ut fomenta aquosa, tepida externa. Diaeta sit tenuis. Potus ex aquosis, aquis mineralibus. Vitandus omnis gravis cibus, & quia inminutio salium fieri debet, sit ex talibus, quae fere insipida sunt, & per co-

G

piofum

piofum suum humidum multum diluunt, uti vegetabilia mollissima, hoc est succulenta & aquosa.

XCVI. Ex nervi optici vitio, aliae etiam imagines, praeter dicta nunc corpuscula splendentia, adhuc adparent in morbis nonnullis. Sed ea non eadem, quam priora, ratione, verum unico ictu adparent, neque vaga sunt, neque vere moventur sed subito adparent & dissipantur. Haec autem raro in sanitate, sed plerumque in morbo contingunt, atque si frequentissima fuerint, praeiungunt amaurosin. Alia causa esse potest ab arteria aliqua retinae in fundo inflammata & compressa. Idem in hoc morbo adparet in oculo, quod adparet, quando premitur; & fit plerumque in morbis phreniticis & in sequente apoplexia.

XCVII. Rationem huius mali, si a priori inquiramus, non difficulter inveniemus. Sensus nempe flammae vel lucis, quem radii lucis in retinam agentes producant, idem produci potest a motu quodam mechanico simpliciter retinae inpresso, ubi omnis lux adest. Sic si in tenebris valide sternutamus, tussimus, videmus scintillas; idem fit si oculus percutitur, ut a colapho, &c. Nihil hic lucis, sed sola mutatio bulbi oculi & compressio nervi optici ac retinae producit, sensum ignis, quem alias radii collecti producere

cere solent. Inde concludimus, si interne, a quacunque causa, eodem modo moveatur nervus, uti a radiis lucis fieri solet, inde pariter orituram lucis ideam: Ergo a mutata circulatione sanguinis in arteriis fundum oculi percurrentibus, etiam orietur lucis perceptio, quia hic motus sanguinis ita percutere potest fibrillas vicinas nervi optici, ut eadem imago fiat lucis, dum resistantiam reperit. Ergo si inflammatio adfuerit, & oculus in fundo suo continua & reciproca pressione agitetur, orientur lucis imagines eodem modo, uti a pressione externa fit, per colaphum aut sternutationem. Si hoc fiat valide in quodam morbo, semper denotat brevi futuram amaurosin & brevi laboraturum totum oculum. Observatum enim est, homines, post magnam visam flammam, in morbo quodam, in retina adparentem, aliquando post unius horae spatium caecos factos fuisse, oculo externe sano. Fit enim inflammatio nervi optici maxima, hinc ejus destructio.

XCVIII. Tertia luminis seu scintillationis in oculo causa oritur a variata sensibilitate tunicae retinae. Per *sensibilis* vocem hic intelligo facultatem excipiendi actionem luminis, cum repraesentatione ideae luminosae. Si ponatur, tunicam retinam constare mille fibris nervosis, & unica harum sit callosior reliquis,



liquis, aliae autem magis sensibiles, tunc in callosa parte imago obscura erit, inque eodem gradu luminis omnem oculum ferientis, orietur major lux, ubi magis sensibiles fibrae fuerint. Hinc solvitur problema, quod mathematicus quidam MIHI proposuit: Cur sibi tales scintillulae saepe adpareant in oculo? Nam ponimus per totam retinam aequalem sensibilitatem, excepto uno puncto magis sensibili, & hoc punctum, quod sensibilius est, a minori luce aequè fortiter adficitur, quam minus sensitivum a majori luce. Quoties ergo in certa distantia ab axe est fibrilla quaedam delicatior & magis sentiens, tunc in ista distantia semper idem malum adparebit. In hoc viro notandum adhuc erat, circa hanc scintillam haerere quasi nigrum annulum, per quem transpicit, eodem modo ac fieret, si post annulum candelam ponerem.

XCIX. *Curatio* hujus morbi ex secunda causa orti, patet ex causa ipsa, scilicet ex cura inflammatoria generali oculi interni ante dicta. Morbus autem a sensibilitate nimia fere incurabilis est, uti ille ab insensibilitate profectus.

### CAP. III. DE AMAVROSI SEV GUTTA SERENA.

C. Morbus iste saepe occurrit & pro desperato

rato saepe habetur, qui tamen centies curatur, etiamsi curari nesciamus; neque enim quisquam curat apoplexiam, quin hunc morbum curet. Omnes enim apoplectici hunc morbum patiuntur, de cuius natura videatur PETRVS BRISSEAV. Vox graeca ἀμάυρος obscurum significat, ἀμάυρω obscurum reddo.

CI. Amaurosis ergo obscuratio dicitur, & a medicis definitur, quod sit perfecta caecitas, nullo vitio extrinsecus in oculo apparente, ut cornea pellucida, pupilla nigra sit, oculus aeger externe ab oculo sano distingui nequeat, ut vulgo dicunt. Barbarus aliquis vocavit hunc morbum *guttam serenam*, ex ineptissima sententia Arabum, qui viderant malum hoc aliquando subito oriri, hincque putaverant liquidi non pellucidi guttulam subito cadere ante foramen visus in nervum opticum & impedire spirituum ingressum. Verum definitio amauroseos modo tradita non convenit cum experientia. Plures enim vidi aegrotos amaurosi alterius tantum oculi laborantes, in quibus oculi adfecti pupillam quiescentem semper reperi, dum oculus sanus suam uveam, admoto corpore lucido contrahebat. Quo phaenomeno observato, nec alio malo praeter ea adparente, saepe indicavi oculum adfectum, mirantibus ignaris. Patet

ergo oculum in amaurosi ab omni vitio externo non omnino esse liberum.

CII. Amauroseos ergo causa proxima est omne illud, quod illaeto adspectabili bulbo, instrumenta facultatis visus inepta reddit ad videndum. Hinc e. g. a sola exostosis ossis sphenoidis in lue venerea, oriri potest.

CIII. Cum vero instrumenta quadruplicia sint, quatuor etiam mali sedes erunt. Prima est oculi tunica retina, haec enim colorem habet album vel mucosum, saltem rubicundum in centro suo. Verum nemo hosce colores retinae per pupillam videre potest, si enim aliquid videremus in pupilla, diceremus, oculum cataracta laborare. Ergo tunica retina mutatur, quando nulla insipienti mutatio adparet. Omnis ergo huiusmodi mutatio, quae retinam tunicam sic mutat, ut inepta reddatur ad cerebrum lumen transmittere, producit amaurosin. Ratio autem, cur in oculo non possit videri hic tunicae retinae color, est, quia radii in retinam incidentes & reflexi iterum, absorbentur a corporibus nigris ad latera huius tunicae haerentibus.

CIV. Altera amauroseos sedes est nervus opticus totus in omni parte sua, hoc est, a bulbo oculi citra glandulam pituitariam seu a retina usque ad thalamos nervi optici in cerebro. Si scilicet toto illo itinere aliquid mutetur in eo nervo, vel aliqua causa eum ineptum reddat,

ut



ut lucem in oculo susceptam eo transmittere nequeat, tunc oritur hic morbus, quod fieri potest in lue venerea ab exostosi ossis sphenoidis, &c.

CV. Tertio, medulla cerebri in nervo visorio, ex thalamis producta, ubi exit ex procellu ossis sphenoidis, & coit cis glandulam pituitariam seu sellam turcicam, idemque non procul a lateribus cavitatum cerebri abest, sedes est hujus morbi, quando causa aliqua illam partem, nempe fibras medullosas cerebri in thalamis hujus nervi ineptas reddit, quae spiritus transmittant.

CVI. Quarto ipse cortex cerebri sedes mali esse potest, quando nempe ea pars corticis, quae originem dat medullaribus fibris, ex quarum collectione fiunt nervi optici, inepta redditur, quae spiritus visorios transmittat. Hic morbus incurabilis, medicisque incognitus est. Exemplum hic est in hac urbe Lugduno Batavorum. Britannus quidam, optima familiae vir, hic vivit, qui simul ac vino inebriatur, perfecta etiam amaurosi laborat, & quidem, ut per gradus morbus eum invadat & malum cum copia vini crescat, donec, quoties incipit omnino ebrius fieri, omnino etiam perfecta caecus fiat. Post ebrietatem finitam redit visus, cessat enim tunc illa pressio ad cerebrum.

CVII. Est ergo Amaurosis, caecitas, in qua oculus videtur sanus esse, excepta ut plurimum dilatatione pupillae denegata, orta vel a retinae, vel nervi optici, vel medullae thalamorum nervi optici, vel corticis ejus vitio.

CVIII. Patet jam ex his diversitas hujus mali, nec non difficultas illud curandi, prouti causa in hoc vel illo loco haeret. Prima ejus species est ab adfecto nervo optico in retina in fundo oculi expanso, hinc posse oriri caecitatem nemo theoriae gnarus negabit, orieturque caecitas nullo externo signo adparente, uti dictum est, excepta immobilitate pupillae, hocque malum est initium guttae serenae. Prima haec species semper habebit imagines praecedenti capite descriptas. Cognoscitur autem ex sequentibus. Primo, lento gradu procedit, & habet dictas imagines. Secundo, ponit hebetudinem visus, id est ejus debilitatem, antequam oriatur caecitas. Hebetudo enim visus est simplex ejus difficultas, non confusio, nec simile quid, sed conqueruntur tantum, quasi satis ipsis lucis non esset ad visum, seu quod lux non satis clara adpareat. Tertio, parit ultimo caecitatem seu guttam serenam. Demonstratur autem nec colorem album nec rubrum tunicae retinae adparere. Ratio patet ex lege reflexionis seu catoptrices, quoniam scilicet in cavum recipit lumen, & ad la-

tera

tera ejus haerent corpora nigra, quae lucem suffocant & radios impediunt, ne ad oculum spectatoris venire possint. Ergo gutta serena potest oriri sine signo externo adparente. Et si imagines lente procedunt, hebetudo sequitur, tuncque amaurosis.

CIX. *Curatio* hujus speciei eadem est, ac ea, quae antea in imaginum curatione dicta fuit, hac saltem cum differentia, quod hae imagines multiplicatae ac auctae denotent totum tractum nervorum esse adfectum. Et clarum nunc erit curationem eo difficiliorem esse, quo magis obscuratus fuerit nervus, imo aliquando vix curabilem, & in tali casu bono aliquando tantum eventu sanavit morbum vehemens salivatio & mercurius naribus attractus, quam curationem dabimus in curatione cataractae.

CX. Secunda species est, ubi inducitur caecitas perfecta, sine spectabili vitio, quia nervus opticus toto eo loco, quo decurrit a fundo orbitae oculi, ad initium thalamorum usque, affligitur tali morbo, ut ineptus evadat radios transmittere vel imagines a retina receptos sensorio communi adferre vel repraesentare. Et quidem hoc malum duplici de causa ibi oriri potest, ex nervo vel destructo vel compresso, id quod anatomicae observationes omnes confirmant. Toto itinere,



quo nervus opticus decurrit ex fundo orbitae oculi, ut dictum est, ad thalamos suos, primo recta decurrit, postea reflectitur versus glandulam pituitariam, inde denuo reflectitur versus cerebrum. Quidquid in toto hoc itinere patitur nervus, id revocamus ad destructionem vel compressionem. Collegi omnia experimenta auctorum ex cadaveribus petita, quae haec dicta probant. Et quidem 1) plura & mirifica exempla nervi corrupti nobis perhibet lues venerea, in qua aliquando contigit, periosteum ipsius basis cranii s. duram matrem, & periosteum productionis ossis cuneiformis, ubi format quasi fornix, per quem egreditur nervus opticus, subpuratum fuisse, quod vitium nervo communicatum illum corrumpit, subpurat, & inmedicabilem caecitatem inducit. Vnde solvitur problema, „qui lue venerea maxime in capite laborant, ii fiunt caliginosi & tandem caeci. Hoc manifesto sectiones docuerunt.

CXI. 2) Amauroseos ex nervo optico compresso ortae exemplum nobis olim subministravit lues gallica, in qua visum fuit lamellam ossis cuneiformis, (quod ibi crassum est, ubi nervus per foramen rotundum in orbita egreditur, & sub fornice ossis sphenoidis transit) exostosi laborasse, unde compressus fuit nervus, & unde etiam amaurosis orta fuit,

fuit, integris licet cerebro & nervis. Hoc malum incurabile est, nisi quis voluerit exostofin hanc tollere, quod ingenti salivatione aliquando factum fuit.

Ad has causas nervum comprimentes spectant porro tumores & inflammationes. Arteria carotis interna dum penetrat per foramen LOWERIANVM, dat magnos ramos membranae durae, & etiam nervo optico satis magnos. Si ergo in his ramis tumor oritur, comprimitur nervus opticus & munere suo fungi nequit. Nunc saepe fit, ut gravidine laboremus, id est inflammatione membranae Schneiderianae seu pituitariae, unde ab arteriis intumescantibus comprimitur nervus olfactorius ut nullus adsit olfactus. Eodem modo hoc fit in nervo optico, ubi arteriae huic nervo tributae, inflammatae comprimunt ita filamenta nervi optici, ut facultas visus deleatur. AETIVS observavit, aegros vehementi feбри & cephalalgia detentos, amaurosi laborare, quod nostram sententiam confirmat, ea vero amaurosis solvitur haemorrhagia narium, quia arteriae quae ad nares abeunt, & eae, quae nervum opticum ambiunt, ejusdem sunt originis. Patet ergo, quod amaurosis illa fuerit inflammatio arteriarum nervi optici, quibus detumescantibus tumor & pressio cedunt, ac visus redit. Compressio quoque fit & amaurosis a glandulis

lis circa nervum opticum scirrho adfectis. Nam ubi nervus opticus ingreditur, ✱ plurimae sunt & satis spectabiles glandulae, quae si scirrhescent & tument, nervum opticum comprimunt\*. Experimenta enim exstant in amaurosibus lente productis, tales glandulas scirrhosas repertas fuisse, hinc ubi sine ulla causa manifesta facta fuit amaurosis, plerumque solet ita accidere.

CXII. Alia causa comprimens est effusio humorum, qui copia sua partes intra cavum ossium cranii comprimunt, praecipue circa basin, ubi nervus opticus ingreditur. Effusio talis facile fit a causa aliqua interna, vel externa, ut vulnere, casu, &c. Qui vehementer capite sunt percussi, & quibus sanguis extra vasa in cranio effusus est, primo visum patiuntur hebetem, deinde caliginosa vertigo oboritur, ut describit HIPPOCRATES, & paulo post perit visus. Si pergit malum, perditur sensus omnis, & aegri fiunt apoplectici. Haec fiunt a sanguine effuso intra vel extra membranam cerebri, quo sanguine per trepanum extracto redeunt sensus adeoque visus. Idem malum a pure collecto, effuso, vel vomica ibidem haerente, ac lymphæ extravasata oriri potest. Ab omnibus his causis fit caecitas perfecta, oculis tamen extus semper adparentibus sanis. Patet ergo saepe hanc speciem curabilem esse.

CXIII.



CXIII. Tertia species amauroseos est, quod substantia medullosa cerebri inepta redditur ad imagines lucis recipiendas, oculo & nervo optico tamen bene constitutis. Docent observationes anatomicae, sensorium commune esse initium nervi, ubi desinit arteria, sive initium medullosum nervi cerebri, oriundi ex prima sua glandula, vel fine arteriae unde oritur, hocque verum esse in toto cerebro, non vero in cerebello. Si enim quaeritur, quousque pervenire debeat motus ut mens sentiat? respondeo requiri, ut perveniat motus ad finem medullosum nervorum, qui finis determinatur in fornicem, qui constituitur a lateribus ventriculorum cerebri, ea vero latera sunt principia nervorum & omnium proinde sensuum. Causa hujus speciei erit ergo, vel ea, quae extrinsecus comprimit medullam illam cerebri, vel quae in cavitatibus cerebri haerens, dilatat earum latera, unde fines nervorum comprimit, & caecitatem inducit. Hujus rei exemplum praebet apoplexia, ubi humor extravasatus, sive lymphaticus is sit sive sanguineus, illa latera ventriculorum distendit, unde comprimit fines nervorum, qui medullosi sunt, & terminantur in hunc fornicem, initium medullae nervorum praebentem. Hi aegri nihil vident, quamvis palpebrae aperiantur & oculo candela admo-

admoveatur. Oculus autem sanorum similis videtur, nisi quod pupilla ab admotione candelae non moveatur, & hujus causa est effusio liquidi in ventriculis cerebri comprimens medullam. Quoties talis curatur apoplexia, pariter etiam semper illa, inde orta, amaurosis tollitur. Notabilis est observatio, quod apoplectici futuri patiantur prius jacturam visus: Ergo repletio cavitatum cerebri per sanguinem vel lympham, manifestat se prius ad visum, tum ad aures. Hinc in omni morbo, in quo aegri conqueruntur omnia rotari objecta, vel evanescere, apoplexia erit metuenda. Id quod clarissimo ex casu practico notavi. Hominem scilicet, qui perpetuo de obscuritate visus conquerebatur, apoplexiam, quae sine dubio secutura fuisset, praecavisse sumendo continua purgantia ad extenuationem fere. Sic morbum utcumque sustuli. (Curavi sic apoplecticum septuagenarium, cui venam secavi satis audacter & per aliquot dies purgavi, usque ad animi fere deliquium. Sic integre morbum evasit. *Codex H.*)

CXIV. Quarta species amauroseos est, quando cortex cerebri in illa parte, unde oritur medulloſa substantia cerebri, ineptus redditur ad sanguinem transmittendum pro materia spirituum animalium, ita, cum nervus non vigeat, oritur amaurosis. Pluribus argumentis probare hoc possem, sed duplex tan-

tantum adferam. Primo in praxi, quando praesentes venae sectionem institui videmus, quomodo vires deficient observamus. Homo nempe de mutatione colorum primo conqueritur, colorem viridem in coeruleum mutari, hoc signum est instantis lipothymiae, proximo enim momento dicit, obtenebratur dies, omnia nigra adparent, & statim incidit in animi deliquium, quod oritur a minori cerebri & cerebelli inflatione, propter sanguinis detracti proportionem, quae tanta est, ut sufficientes spiritus separari & in nervum opticum influere eumque extendere non possint. Eadem deliquia fiunt post vulnera, cum magna haemorrhagia. Si ergo prematur cerebrum, vel pars corticis, quae respondet initio medullae nervi optici, si ea scirrhescat, & post phrenitidem, maniam, melancholiam, vel aliam causam, ita mutetur, ut per totam vitam spiritus discernere inepta sit, producit amaurosis. Alterum experimentum sumitur ex historia praedicti viri, qui a largiori Baccho hebetem adquisivit visum, & sensum ab ebrietate absoluta amaurosin patitur, cui vero post ebrietatem visus redit. Patet ergo manifesto, a compresso cerebro, ex aucta mole sanguinis arteriosi, oriri posse amaurosin.

CXV. Probatum est per exemplum ex AEGINETA jam citato, hunc morbum  
oriri



oriri in acutis inflammatoriis morbis, ut in phreniticis, comatosis, &c. qui tamen morbi saepe curantur vel vena secta, vel haemorrhagia critica spontanea. Male ergo describitur amaurosis, si sedes unice ponatur in tunica retina, & nervo optico, eamque esse incurabilem, hinc relinquendam esse male concluditur. Curatur enim, quoties malum curabile est, sanguinem peccantem reducendo ad statum naturalem & aptum reddendo spiritibus secernendis, copiam nimiam ejus, (aqua augetur pressio,) minuendo, imminutam vero, a qua inaequalis fit pressio, restituendo.

CXVI. Non autem omittenda esse videtur sequens historia, quam narrat nobilis BOYLE de amaurosi singulari, & de qua quidem fateor me eo plus reperire difficultatis, quo saepius hanc historiam lego. Dicit autem BOYLEVS in *Tr. de Concord. Medicament. specificorum &c.* hominem quemdam sanum, jejunum, matutino tempore paulo diutius in lecto commorantem & vigilantem, vidisse araneam magnam ad lacunar lecti, eam per uxorem amoveri jussisse, cum jam perpendiculariter supra viri oculum penderet. Sed arripere manu dum tentat uxor, illa unicam guttulam liquidi emittit, quae accurate cecidit in hominis succumbentis oculum, quam guttam ipse vidit cadentem, sed subito fricat oculum

oculum non laesum, & statim nihil nisi tenebras videt, perierat enim visus in oculo, in quem gutta inciderat, nullo vitio externe adparente. Si nunc hoc exemplum verum est, nescio, quo referenda sit haec amauroseos species. BOYLEVS curiositate motus, adiit medicum ocularium hunc aëgrum curantem, & audivit ab eo nihil vitii externe haerere; verum BOYLEVS hominem ipsum domi non invenit, hinc fidem dare tam facile non possumus oculario, qui forsan non bene inquisivit, ut ipse fatetur BOYLE. a)

## CAP. IIII.

## DE CATARACTA.

CXXV. Graecis καταγάνη dicitur praeceps aquae fluxus, ubi nempe flumina ruunt magno inpetu ex altiori loco in magis declivem. Postea illud nomen datum est valvis mobilibus, quibus illius aquae inpetus coërcetur, ubi aqua est inaequalis superficiei. Ab hac jam similitudine etiam huic morbo a Graecis nomen datum est, quoniam hunc morbum considerant, uti valvam in humore aqueo positam & objectam spirituum visivorum

a) A saliva serpentis, quam in faciem expuerat, caecitas BOSMAN *descr. von Guin.* p.369.

rum itineri. Alii veterum hunc morbum vocarunt *Glaucoma*, quod significat coeruleum colorem, vel viridescentem marinum, quales colores tunc oculo aliquando conciliantur. Cum vero veteres in universum omnes putarent hoc malum in aqueo humore esse, ejus etiam humoris perturbationem vocarunt, seu hypochysin vel hypochyma, id est, turbidum quid superfusum, quod visum intercipit. Suffusionem CELSVS vocavit. Ut vero pateat, qualis hic morbus sit, non a re ipsa, vel a natura cataractae sumenda est ejus definitio, sed a phaenomeno, quo reperto discimus malum adesse. Omnes medici oculum inspicientes, cujus visus jam deletus est, & loco aterrimi coloris pupillae, alium quemdam colorem sub cornea cernentes, dicunt cataractam adesse. Definitio ergo cataractae erit, abolitio visus, cum alieno pupillae colore sub cornea.

CXXVI. Ut in naturam hujus morbi rite inquiramus, tria occurrunt examinanda. Primo phaenomena antecedentia, secundo, concomitantia, tertio illorum effectus. Haec omnia dirimenda sunt in duo capita, ubi primo inquiram, quid ipsi aegro in hoc morbo adpareat, secundo phaenomena inspicientibus observanda explicabo.

CXXVII. Phaenomena ergo *antecedentia* duplicia sunt. Unum quippe genus eorum est,



est, quae ut causae, alterum eorum, quae ut signa praecedunt, utraque tamen classis ab aegrotis observatur. Phaenomena, quae pro causa ab aegris observantur ante ortum cataractae, sunt sequentia: 1) Inflammatio ex quacunque causa, vel interna vel externa orta. Interna inflammatio, si diuturna & valde acris fuerit, saepe facit, ut cataracta sequatur. Externa vero inflammatio corneae, non facile pro sequela cataractam habet, sed potius cicatricem. Si aeger conqueritur maxime de igne in oculo, ut plurimum postea laborabit cataracta. In inflammatione oculi, ubi semper clausus tenetur, & metus est ne quid incidat, ibi saepissime subsequi solet 2) Dolores magni, profundi, diu tolerati, & pertinaces in fundo oculi aliquando cataractam faciunt, sive a causa venerea fuerint, sive a quacunque alia. Tandem enim conqueruntur de hebetudine visus, splendor oculi evanescit, color ejus fit opacus, & fit cataracta. 3) Vis externa, vulnus, lapsus, contusio, &c. quia ex his plerumque inflammatio sequitur. Duos aegros novi, quibus ab ictu gladii pila armati & oculo excepto in palaestra digladiatoria suffusio oculi producta est. Idem vero accidere potest ab ictu baculi vel cujusque alterius instrumenti. 4) Hoc malum, ut causa praecedat, senectus, raro enim homines ad ultimam perveniunt senectutem,

ctutem, quin in uno vel altero oculo parva vel magna cataracta laborent, unde oculi senibus omnibus sunt caliginosi. 5) Ex epilepsia vidi cataractam in infante subito vel aliquot dierum spatio natam. Nullas alias praeter has novimus causas praecedentes. Verum medici aliquando adculant salia acida adstringentia, acria, rodentia, &c. sed id cum debili fundamento faciunt, & magis ex praconcepta opinione, quam demonstratione. Nam in hominibus qui vitam terunt in aquae fortis confectione, & inde in morbos oculorum pessimos incidunt, non ideo cataracta sequitur.

CXXVIII. Phaenomena antecedentia, quae non ut causae sed ut concomitantia signa praecedunt, & quae non nisi ex aegri relatione novimus, sunt: 1) Omnibus aegris ante cataractam praecedit hebetudo visus, id est, visio in oculo aegri talis fit, qualis in sano foret si per vaporem, nebulam, fumum, vel linteum rarum interpositum videret; imo si utrique oculo idem malum accidit, tunc credunt aegri vapores aqueos haerere in aëre, coelo quamvis sereno. Postea densam vident nebulam, tandem quasi cortinam percipiunt, ultimo perit visus, & cataracta oritur. Haec autem accidunt omnibus omnino hominibus in incipiente cataracta. Verum adsunt singularia phaenomena quaedam, nem-

nempe 1) scintilla ignea saepe visa ante oculum. 2) Imagines incognitae & ignitae. 3) Visio confusa, ut unum objectum pro alio adspiciant. Haec tamen ultima tria phaenomena non sunt individua huic morbo, cum iis non praegressis cataracta aequè generari possit, quod de hebetudine non ita verum est, quae semper & ubique praecedit. Porro nullum fixum tempus est quo morbus generatur, verum haec dicta symptomata aliquando subito, aliquando lente procedunt, & in alio aegro citius, in alio tardius progreditur morbus. Vidi una nocte ortam cataractam & visum periisse.

CXXIX. Sequuntur II. phaenomena inspicienti exterius observata, & quae medico adparent, de reliquis enim aeger ipse conqueritur. Haec ad sex classes referri possunt, & sunt sequentia: I) Spectator peritus, si conspicit atrii coloris pupillae inmutationem, certus erit adesse cataractam. Hic color, qui tunc observatur, varius est; Verum reduci potest 1) ad levem pellucentem albedinem: talem in vitulis, bobusque, manifeste videmus una vel altera a mactatione hora. Deinde modo hic color est in medio fuscus, modo cineritius, modo flavus, qui quidem pro malo habetur, vel in eos colores transit, ut & aliquando in nigrum, qui tamen cognoscitur differre a naturali nigrore pupillae,



lae, quia ex albo vel fusco colore pupillae ortus est. Sic etiam patet, eam nigredinem naturalem non esse ex phaenomenis antecedentibus & concomitantibus cum viſus abolitione. Nostri liquores in oculo ex se ipsis nigri non sunt, sed unice a lucis refractione in oculo nigri adparent. Caeruleae vel viridescentes cataractae frequentissimae sunt, & hanc speciem veteres glaucoma vocarunt. Color est talis, qualis in iride naturaliter adparet. Hi colores vario tempore varii sunt, si enim primo inspicitis oculum, nebulam quasi tantum videtis, postea magis ac magis albescit, donec ad margaritae colorem accedat.

CXXX. II. Color ille opacus, insipienti observatus, aliquando major aliquando minor est, quam apertura pupillae; aliquando enim tam large dispergitur, ut iridem exacte tegat, & si a latere inspiciamus, observamus eam sub uvea se extendere. Haec macula etiam aliquando in medio perforatur. Aliquando vero pupilla minor est, eamque exacte non claudit. Novi feminam quamdam, quae interdiu nihil videt, tempore vero crepusculi, & circa vesperam aliquo modo videre & objecta distinguere potest. Observavi autem in hac femina unice mediam partem lentis crystallinae obscuratam esse, latera autem pellucida manere, hinc noctu per latera pellu-

pellucida videt, quoniam tunc pupilla magis aperitur, interdum autem angustius clauditur, hinc radii per centrum opacum intrare nequeunt, adeoque interdum caeca est.

CXXXI. III. Spectator fere semper invenit hos colores  $\alpha$ ) intra corneam, unde distinguitur ab opacitate corneae, quando enim oculum oblique inspicimus, nihil adparet nigri, quando cataracta adest.  $\beta$ ) Ut plurimum hic color invenitur intra uveam.  $\gamma$ ) Rarius autem adparet inter uveam & corneam, sed raro cognosci potest, nisi ad magnam lucem ad latera oculus inspiciatur.  $\delta$ ) Ante iridem vero aliquando videntur maculae albae, sed rarius, quando scilicet confirmatae nimis sunt & excrescunt, sed hi casus desperati sunt.

CXXXII. IV.) Si medicus aegrum examinans, eum ponit in magna luce, vel etiam vicinum lumen oculo applicat, videbit cataractam inminui, id est, pupillam se claudere, hocque aliquando lentissime, aliquando subito, aliquando omnino non fieri videbit. Hinc oritur duplex casus, quando in nonnullis cum visu mobilis iris persistit, in aliis immobilis fit cum caecitate. Aliquando perfecta observatur cataracta, cum pupilla mobili, aliquando levis cataracta, cum immobili uvea. Novi hominem, cui pupilla plane non

movetur, qui tamen lucem videt, vix verò colores distinguit.

CXXXIII. V.) Color nativus iridis aliquando permanet, aliquando integre perit. Si permanet color, mobilis plerumque est pupilla, & vice versa. Vidi tamen, cui iride salva, pupilla immobilis erat.

CXXXIV. VI.) Aliquando haec omnia phaenomena a sanitate citissime observantur, aliquando tempus intermedium longum intercedit. In his etiam difficilis curatio est, in illis citissima.

CXXXV. Postquam hac ratione constitit de signis praesentiam morbi indicantibus, & a quovis idiota observari aptis, nunc porro inquirendum est in sedem mali, de qua multum inter se disputant medici, antiqui pariter ac recentiores. Omnes fere constituerunt locum cataractae post tunicam corneam, multi tamen ante uveam posuerunt, inter quos etiam est CORNELIVS CELSVS, medicus antiquissimus, & haerere inmediate sub cornea voluerunt. HIERONYMVS vero AB AQVAPENDENTE, vir in chirurgia experientissimus & exercitatissimus, in Capite de Suffusione & Cataracta experimentis duobus probat, cataractam haerere sub uvea, inter eam & lentem crystallinam, non ante uveam. Argumenta haec sunt: 1) Quia acus in depositione cataractae nunquam de-

mittitur



mittitur in spatium corneae, sed semper ad latus ejus, circiter nona vel decima parte ab extremo margine iridis, id est in albo oculi, sub eo loco, quo uvea adcrefcit ad corneam. Inde concludit, si acus eo loco inmittitur, tunc inmittitur omnino ubi uvea nondum est, sed choroides, ergo sub uvea, & sic acus versus pupillam adigitur. De hoc ergo convenit inter omnes, qui operationes instituerunt. Quo evincitur situm cataractae ordinariae esse post uveam, & non esse pelliculam in aqueo humore haerentem, alias fluctuaret. 2) Alterum argumentum est figura cataractae rotunda in omnibus. Quoties iris mobilis est, videmus coloratam iridem ante cataractam, quem non videremus, si ante iridem opaca cataracta poneretur. Accedit, quod cataracta extendatur, seu angustetur, & ampliatur cum pupilla.

CXXXVI. De materia cataractae pariter non conveniunt auctores, nonnulli enim illam posuerunt in humoris crySTALLINI obscuracione, quae est recentior sententia, quando in animalibus moribundis & mortuis talem observarunt. Veteres vero statuerunt ipsius humoris aquei partes quasdam vel coagulatas vel concrefcientes adesse, seducti experimentis, in quibus viderunt, humorem aqueum sanum vel solo calore vel admiffione alterius liquidi coagulari posse, uti videre est apud

NVCKIVM de *Ductibus aquosis*, ex liquido oculi aqueo per calorem & per admissionem acidi vel alcali oriri pelliculas. Deinde sola etiam quiete dictum humorem pelliculam contrahere dixerunt, quam uveae sensim adhaerescere putarunt, eamque magis vel minus contrahere, vel penitus immobilem reddere statuerunt, sicque cataractam generari magis vel minus obstinatam.

CXXXVII. Incipientes autem cataractas, nec confirmatas tolli posse omnes statuerunt, & medicamenta quae proposuerunt, ad tria genera revocari queunt: 1) ad externa, quae putaverunt oculo adplicata intrare posse humorem aqueum, & pellem coagulatam resolvere posse, 2) ad interna, inter quae plurima specifica frustra adhibuerunt, 3) ad auxilia manus, id est, depositionem cataractae. Externa fuerunt acria omnia, & in primis succus chelidonii majoris recens expressus, qui tam acris & igneus est, ut oculum uno momento exulceret, & inflammationem producat, multis diebus vix terminandam. Alii commendarunt succos ceparum. Alii alia. Chemici in primis commendarunt spiritum salis ammoniaci, & ejus praeparationes cum cupro maxime, quod spiritui salis ammoniaci gratum colorem coeruleum vel viridem conciliat. Tali modo praeparatum & dilutum medicamentum in arcanis fuit Cl. olim F. SYLVIO.

**SYLVIO.** Verum haec medicamenta nos decipiunt. Cornea nimirum membrana adeo tenera est, ut acria medicamina ejus vasa continuo disrumpant. Porro ea medicamenta non intrant corneam, & si intrarent, rumperent & exulcerarent eam, unde opaca redderetur, quemadmodum saepe contingit fieri. Si aliquid adeo ab externis remediis sperare licet, optimi erunt spiritus aliqui debiles, lagena longioris colli contenti, quorum vapores oculo inspicientis excipiuntur. Sed non plus agit is vapor, quam fumus lignorum combustorum. Omnia ergo medicamenta externa suspecta sunt.

**CXXXVIII.** Interna medicamenta variae sectae varia adhibuerunt, omnes fere pari successu, quibusdam acida, quibusdam alcalina adhibentibus. Celebrata internorum nomine admodum fuerunt purgantia & sudorifera, quasi iis non solum inpediri possit hujus morbi nascentis generatio, verum etiam jam natus & concretus dissolvi. Horum prius, ut facile concedimus, sic posterius negamus, factam scilicet cataractam solvi posse. Deinde non nisi modice sentiendum est de viribus multorum medicamentorum laudibus tam clarorum, si unum excipias mercurium. Is enim solus incipientes cataractas & fere jam natas, dissolvit. Qui nimirum isti morbo curando diutius operam dederunt, obser-

varunt,



varunt, si mercurialia eousque adplicentur, ut oriantur inde illi morbi capitis, qui salivationem praecedunt, aliquando cataractam tolli. Hinc totum negotium in eo consistit, ut mercurius eo versus determinetur, & optimus modus est adplicandi mercurium soli capiti, & quidem proxime oculis, eousque ut plena salivatio sequatur. Inter plurima exempla, quae pro felici hujus mercurii effectu adduci possunt, instar omnium hic nobis erit illud a Cl. BOYLEO notatum in suis *de Utilitate philosophiae experimentalis exercitationibus*, ubi dicit, fuisse tribunum militum, merentem stipendia sub Rege Angliae, cui perfecta cataracta oculum utrumque occupaverat, ut in pessimo statu versaretur, nihil enim videbat, & vix lucem a tenebris distinguebat, quod pessimum est mali genus. Chemicus quidam post multa exhibita, ipsi unum pulverem sternutatorium exhibuit, quo assumpto statim secutus est sudor incredibilis, vomitus, salivatio, & omne excretionis genus. In hoc aegro ipsum caput cum facie valde intumuerat, & omnium liquidorum facta est perturbatio summa. Hunc motum secutae sunt excretiones vehementes, per omnes fere partes corporis quae excernunt, per sputum, per vomitum, per secessus, per sudores, per urinam, & humor fluebat ex ipsis oculis: toto vero triduo, quo haec

haec symptomata durarunt, nihil aliud actum est cum aegro, nisi quod in loco calido, capite bene tecto servaretur, ut frigus caveretur. Post triduum mitiora facta sunt omnia symptomata, & tandem pro effectu integra curatio cataractae secuta est, ut ab eo tempore acrius videret aeger, quam dudum. Ubi vero in pulverem exhibitum adcuratius inquisitum fuerit, constitit fuisse turbith minerale Paracelsi, quod ex quatuor partibus olei vitrioli, cum tribus mercurii partibus, ac spiritu vini rectificato, compositum est. Hujus grana duo, tria, aut quatuor, naribus excepta tantum effectum produxerunt & curationem. Eodem modo mercurius dulcis tenuissime contritus cum mastiche vel olibano etiam convenit pro sternutatorio pulvere. Sic celebri in hisce provinciis medico pro summo arcano erat in hisce morbis admiscere granum semis vel unum mercurii dulcis rite praeparati & tenuissime contriti, quem naribus jubebat excipi. Mercurius vero sublimatus aut praecipitatus hic exulare debent, ob violentiam nimiam. Circa mercurium quoque dulcem notandum est, summam prudentiam requiri in eo eligendo, ne quid mercurii adsit non bene sublimati, nec satis a sublimatione mitigati, induceret enim ingentes tumores capitis, & in debilibus aegris vehementes evacuationes, nisi cum prudentia

dentia adplicaretur. In tenellis saepe salivationem excitat, licet probe fuerit praeparatus, quare sequenti modo eum exhibere consuevi: Rec. Sacchari cand. gr. X. Mercurii dulcis gr. j. M. exacte pro pulvere sternutatorio, qui in X. doses dividendus est, & omni mane post emunctionem muci, naribus una dosis hauriatur. Nimius inpetus, qui inde excitari potest, lacte temperatur tepido, per nares hausto. Quidquid autem boni ab externis sperari potest, illud ab hoc certe sperandum est medicamento, cum reliqua, licet magnopere jactata, raro habuerint effectus desideratos, quales tamen ex hoc medicamento vidi.

CXXXIX. *Manus seu auxilium chirurgicum*, hoc est, *Deposito cataractae*. Ubi nec externa nec interna prosunt, ad depositionem confugiunt auctores. Actionem seu operationem ipsam vocarunt depositionem, vel submersionem potius cataractae ope acus. Ars haec quam vetus sit patet ex libro AVRELII CELSI *cap. de suffusione*. Is enim hanc operationem tam exacte descripsit, ut hodie nihil addi possit, vixit autem tempore CLAUDII TIBERII, quo tempore passus est CHRISTVS, ut facile subputetur retrogrediendo, quam diu jam haec ars perfecta fuerit. Hanc autem artem ex Aegypto ad reliquas gentes fuisse delatam, probari videtur



ex eo, quod in ea regione plurimi reperiantur aegri, qui cataracta laborant, & ex centum hominibus quinquaginta saltem lippientes observentur, unde Aegyptiis ipsis prae aliis gentibus occasio nata est, ad remedia excogitanda pro eo morbo adeo frequente faciendo P. ALPINVS. Hinc jam tum olim ante 3 vel 4000 annos ibi exercita fuit haec operatio.

CXXXX. Antequam instituatur haec operatio, omnes Medici, qui rite callent artem, inquirunt in signa, ex quibus licet judicare de fausto vel infausto operationis successu. Ad hanc ergo operationem si vocamur, diu considerandum: 1) An ita nata sit cataracta ut deponi possit. 2) An membrana sit satis dura, & metus ruptionis absit. Si adsunt haec signa, depositio raro fallit, si absunt, raro procedit operatio, si partim adsunt, partim absunt, operatio dubii est eventus. Hinc omnium primo examinandus color, an scilicet cataracta sit coloris candidi, paululum in coeruleum vergentis, vel candidi, ut ille margaritarum. Si ejus coloris fuerit tunc vocant cataractam maturam. Si aliquamdiu hic color fuerit in oculo, eo certior spes oritur cataractam deponi posse. 2) Hoc viso, rogant aegrum, an in summa luce positus sentiat aliquid lucis, si nihil sentit, praeter cataractam concluditur amaurosin una adesse; Quan-

Quando vero lucem percipit, five tantum videt, quantum nos sani clausis palpebris videmus, bonum signum est, quia concluditur, sublata cataracta visum reditum esse.

3) Examinatur, an apta sit pellicula, quae deprimatur, vel potius deponatur. Aptam vero est  $\alpha$ ) si satis firma fuerit & tenax, ita ut pertula non rumpatur inter deponendum,  $\beta$ ) si non concreta fuerit cum uvea, quod saepius contingit. Ut id dignoscatur, oculum sanum prius obvelant, sed ita firmiter ut nihil aeger videat, alias unus oculus semper alterum sequitur in contractione uveae, tunc aegram subito ducunt in locum admodum luminolum, oculis clausis utrisque. Eos in luce subito aperiunt, & inspiciunt; si tunc pupilla contrahitur non adhaeret cataracta, & contra. Si vero aegri lucem observant aliquo modo, & tamen pupilla immobilis est, notat uveam valde adfici. Ex tribus itaque memoratis signis iudicium fertur sperandi successus, quem nobis pollicetur color antea descriptus, luminis aliqua perceptio, & firmitas pelliculae non cohaerentis cum uvea. Si vero color contrarius est, & recedit a colore perlae, vel parum pellucet candidus, & in opacum vel fuscum transit, tunc cataracta abiit in putredinem, vel metuendum est, ne partes vicinae etiam perturbatae sint. Si e. g. color sit niger vel flavus, tunc

metus

metus esse debet putredinis, si candidior ille color est, notat humorem vitreum simul esse adfectum. Si aeger nihil luminis distinguere potest, non solum cataracta, verum etiam amaurosi laborabit. Si pupillae adest immobilitas, semper docuit experientia, obfuisse potius quam profuisse hanc operationem; tunc enim inmissa acu dilacerantur omnes pelliculae inter cataractam & inferiorem partem uveae, quibus concreverunt ad se invicem. Hinc rumpuntur ductus ciliares & fibrillae nigrae, unde perturbatur liquor aqueus, ita, ut deposita licet cataracta nihil aegri videre possint: neque hoc tantum iis mali accidit, sed cum immobilitas cataractae concretionem ad interiora semper subponat, oriuntur inflammationes, extravasationes, stagnationes, subpurationes, & convulsiones saepe lethales, vel sequitur immobilitas uveae, & pupilla saepe manet dilatata & destruitur figura, quae requiritur ad lucis admissionem. Videtis sic prognosin ac diagnosin. In tali nempe casu, qualem nunc descripsi, nunquam tentandam esse depositionem, uti nec in senibus 80 vel 90 annorum, quia ea aetate ipsa organa depravata sunt.

CXXXI. *Sequitur nunc descriptio eorum, quae in ipsa operatione observanda sunt.* Primo veterum trademus doctrinam, deinde monituri, quid additum sit a recentioribus. Op-  
I timus



timus ex veteribus est CORNELIVS CELSVS, qui hanc operationem egregie descripsit. Ut ergo deponatur cataracta, ex sententia veterum 1) oculus pertundi debet, 2) introduci acus, 3) intrusa sic moveri, ut involvat pelliculam, 4) pellicula involuta deprimi, 5) depressa in illo statu detineri, 6) oculus sanari.

CXXXII. Pertusio semper fieri debet extra corneae ambitum, infra ortum tunicae uveae ad circulum ciliarem, ubi intra oculum oritur tunica uvea, inter locum illum & cataractam, ad semipupillae distantiam a cornea, versus angulum minorem qui tempora respicit, quia, si versus angulum majorem operatio fieret, nasus impediret,  $\beta$ ) ad mediam altitudinem oculi,  $\gamma$ ) in media linea oculi, seu perpendiculariter, si enim oblique intruderetur acus, vulnus fieret majus, quod evitandum,  $\delta$ ) una duodecima parte pollicis a latere. Haec nunc requisita ut obtineant operatores, detinendum jubent aegri oculum in arcto situ non mutando, quam fixissime, ut possint utroque oculo adspicere proprium nasum, tuncque imprimunt fortiter acum ad eam profunditatem, donec acus nihil sentiat resistentiae, quod facile est perceptu, quamprimum enim adnata, sclerotica, & choroidea est pertusa, nihil resistit, tuncque nolunt ulterius propelli.

pellī. Post pertusionem vero acus perpendiculariter inmissa, inflectenda est, ut parallela fiat oculi superficiei externae. Membris autem semel transfossis, ulterior intrusio leniter fieri debet, lente terebrando, non recta intrudendo, ne quid forte laedatur in oculo, v. g., uvea, circulus arteriosus, &c. Postquam vero ad oculi interiora perventum est, seu eousque, donec acus in medio pupillae adpareat operatori, tunc cogitandum est de ipsa depositione.

CXXXIII. Depositio vero nullam plane agnoscit diversitatem, sed uno eodemque modo traditur ab omnibus artificibus veteribus, quos hic sequor. Prius vero tentandum, an cataracta libera sit, an adnata pupillae? Hoc cognoscitur tangendo cataractam & leniter depressionem tentando, si nulla inde in pupilla figurae mutatio fit, nec iris sequitur, tunc etiam cataracta libera est, & bene sperare licet de successu. Inter deprimendum autem rotari volunt acum, & adiungunt hac ratione circumvolvi tunicam, simili ratione, qua acus circumvolvit papyrus. Ubi hoc factum est, & vident partem superiorem pellucidam fieri, inferiorem adhuc esse obscuram, tunc cataractam deprimunt eousque, donec tegatur ab uvea, & in tali situ aliquamdiu eam acu detinent, postea leniter terebrando acum iterum educunt. Mo-

nendus est aeger ante operationem, ut ad lucem adparentem non exclamet prae gaudio, nec loquatur, eo enim modo resurget cataracta. Postea chirurgi respiciunt, num nihil nunc obscuri in oculo adpareat; si nihil adparet, operatio peracta est, & de vulneris sanatione cogitandum. Sed oculus se ipsum curat, & nihil nisi parum aquae rosarum cum pauxillo spiritus vini adplicatur, sic intra septem dies curatur.

CXXXIII. Si autem motum cataractae sequatur pupilla, incerti sunt ocularii de operatione, nam concreverunt tunc radices ipsius cataractae cum teneris emissariis tunicae corneae. Ergo tentant equidem radices illas avellere, unde tamen uvea saepe paralyssi adficitur. Lentissime haec solutio, quae saepe semihorae spatium requirit, tentanda est, incipiendo a parte superiore & ad dimidiam cataractam continuando, tuncque deprimendo eodem modo ut alias. Sed in ea operatione nunquam certus esse potest operator,  $\alpha$ ) an cataracta depressa mansura sit, cum fieri possit, ut inter deprimendum non omnes dilacerentur fibrillae inferiores, sed elongentur solum, tuncque, cum contractiles sint, resiliant & adducant membranam ad iridem.  $\beta$ ) Nunquam scire potest, an vasa sanguifera rumpantur, unde humor aqueus rubescit, fit subpuratio, putrefactio



& toties perit oculus. Item si vasa nigra rumpuntur, visus perditur. In tali itaque casu, ubi adnata est cataracta, nihil certi polliceri potest medicus. Mirabile est medicos causam huius mali adeo ignorare, imo eam de hoc morbo formari ideam, quae plane veritati contraria est, & tamen instituunt curationem operarii, & saepe feliciter, etsi nullam distinctionem faciant inter cataractam crudam & maturam, mobilem vel immobilem.

CXXXXV. Ante duos annos nova opinio ortum duxit in Gallia auctore chirurgo MAITREIEAN, qui quidem eandem operationem servat, aliam vero esse mali causam demonstrat. Haec opinio postea in lucem edita est a summo mathematico *de la HIRE*, optice descripta, sed tamen ab eodem rejecta. Operae pretium esse duxi, omnia argumenta auctoris proponere, & quae accuratius observatione ac experiundo didici, ea adferre, ut judicare possitis an non verissima sit illa sententia, ad quam certe valde inclino. Primo ergo ejus argumenta proponam, & quae nuperrime observavi. Deinde quae Cl. *de la HIRE* scripsit jam ante duos annos de Morbis oculorum. Tunc videbimus recentiorum opinionem maxime esse probabilem, non tamen apodictice veram.

CXXXXVI. Sententia recens est, omnem cataractam esse natam opacitatem in humore crystallino; cataracta vero definitur, quod sit caecitas cum colore opaco spectabili in oculo, ubi olim pupilla erat nigra. Quando enim color ibi adparet, rogamus, quidnam sensibile prius erat in pupilla, respondetur Lens crystallina. Hinc novus auctor demonstrat, hoc malum esse opacitatem in lente crystallina. In statu naturali nihil opaci in oculo est, sed ipsa pelluciditas facit nigredinem in pupilla, ergo, quando opacus color adest loco pelluciditatis, nata est cataracta: hujusmodi colore posito in lente crystallina, omnia phaenomena, quae vel externe spectatori, vel interne ipsi aegro adparent, antea enarrata, jam adparent. Ponitur nempe, nihil deficere nisi lentis pelluciditatem. Nunc primo cataractae origo est liquor crystallinus, quia ejus indolis est, ut turbetur ejus pelluciditas, quando paulo majori calore, etiam si humido agitur, & in colorem aliquem transeat, exactissime naturam cataractae referentem. Hoc in oculo cujusvis animalis experiri potest. Sumatur oculus bovis, inmittatur aquae paulo calidiori quam est calor naturalis nostri corporis, observabimus aqueum liquorem non concreescere, sed nascetur in pupilla color cataractae, & adparet in dissectione, lentem cry-

*crystallinam opacitatem induisse. Secundo, si contigerit, oculum & lentem aliquamdiu sine circulatione liquidorum esse, idem fit malum, & oritur species cataractae, ut videmus in animalibus mortuis, quorum lens intra paucas horas coloratur, quo diutius vero a morte fuerit, eo magis pelluciditas erit exuta. Tertio, si causa quaecunque impediat continuatam renovationem liquidorum, quae fluunt per canales insensibiles ex quibus lens componitur, oritur opacitas lentis. Si igitur ex quacunque ratione possit impedi circulatio, vel si ea major fieri possit, color orietur cataractae. Si nunc causas examinaveritis, videbitis omnes referri posse vel ad calorem auctum, vel ad impeditam circulationem, quibus causis successive color quasi lacteus fit, non pellucidus, & sic perit visus. Haec autem ab omni causa, quae destruit oculum, ut a casu, contusione, vulnere, subpuratione, inflammatione, solis radiis nimis oriri possunt, quatenus hae causae destruunt, comprimunt, & inflammationem producunt. Ad binas itaque has causas, tamquam generales, revocari possunt omnes aliae, perque eas omnia phaenomena explicari. Ex duabus enim illis causis orta opacitas sequentia dat phaenomena: α) Adparebit visus externe mutatus. β) Interne etiam minuitur in principio ca-*



taractae. Primum quod videbit medicus inspiciens, est mutatio coloris nigri in album, unde si non praesentem saltem brevi instantem licet pronunciare cataractam.

CXXXVII. Haec a mutatione vel opacitate induc̃ta dependet. Si aliqua pars lentis crySTALLINAE tantum obscuratur, una macula nigra erit in lente, quam tamen aeger non poterit videre, nihil enim possumus videre, quae in oculo nostro sunt, sed queritur aeger de visus obscuratione, magis magisque aucta, prout augetur in pupilla albedo, externe inspicienti medico conspicua. Hoc aut lente fit aut celeriter & utrinque, omnia tamen cataractae enarrata phaenomena sequuntur, obscuratio autem ex puncto\* fit vel integra, prout majus minusve malum est. Si contingerit, hoc malum integram lentem occupare, fiet in magna luce contractio pupillae; dumque contrahitur pupilla, & minuitur foramen ingressus radiorum, lens opacata occupabit totam amplitudinem pupillae, tuncque nihil videbunt aegri, quia plane nulli nunc radii ad retinam pervenire queunt. Verum in tenebris si ponatur aeger, adhuc dilatabitur pupilla, & tunc videbunt plus quam in summa luce. Nam quoties cataracta nondum cum uvea concreta est, nonnulli radii, dum dilatatur pupilla, pergunt ad latera mali in retinam usque, & paulum

vident aegri. Hinc est ut Nyctalopes vocentur ab HIPPOCRATE, quia illi, qui nondum perfecta laborant cataracta, noctu melius possunt videre, quam de die. Quod phaenomenon ex veterum causa explicari nequit. Nam si, juxta eorum sententiam, parva tantum membranula haereret in humore aqueo retro pupillam, cur haec membranula in liquido haerens, ad hunc illumve locum non dimoveretur, & cur non plane decideret? Sed si causa ponitur in lente crystallina, omnia sponte patent phaenomena.

CXXXVIII. Porro recentiorum sententia probatur ex eo, quod aegri cataracta laborantes, & ante depositionem mortui, oculo post mortem aperto, nihil mutatum ostenderunt praeter obscurationem humoris crystallini. Externae nimirum oculi partes integrae fuerunt, uvea tunica, & choroides nihil habuerunt vitii, humor aqueus clarus fuit & pellucidus, ut & vitreus, solus crystallinus obscurior factus erat.

CXXXIX. Tertium argumentum firmitus est, & plurimum evincit. In multis hominibus, qui cataracta olim laboraverunt, & per ejus depositionem ita curati sunt, ut bene ab eo tempore viderint, & qui bene videntes ex vita excesserunt, post mortem oculus exacte dissecus fuit, atque ab integumentis liberatus; is humorem aqueum ex-

hibuit bonum, & omnia supra memorata illaesa, nec ulla ratione mutata. Humor vero crystallinus in sua sede nullus fuit, sed vitreus humor in locum crystallini protrusus, figuram induerat lenticularem, crystallino propriam, omnique ratione ejus habitum retulit. Haec miratus medicus, uveam dissectuit, & vidit sub inferiori parte humoris vitrei haerere lentem crystallinam depositam, instar lamellae, opacam & ad partem inferiorem uveae adhaerentem. Si ergo haec experimenta vera sunt, patet, omnem depositionem cataractae, esse liquidi crystallini ad posteriora depulsionem, in cujus locum succedens humor vitreus, vices ejus subplet, sicque visum restituit.

CL. Haec nunc sententia, ab illa veterum admodum diversa, ab ACADEMIA PARISINA ulterius indagata, a nobis quoque ulterius examinanda est in lemmatibus sequentibus. Multa enim hic adparent phaenomena, quae minus consentire videntur, sed contra sententiam novi auctoris pugnare. Sequentibus undecim paragraphis haec absolvi poterunt.

*Primum lemma.* Lens crystallina illi cavo, quod humori vitreo anterieus inest, insidet, ita, ut undique in eo haereat, undique succincta membrana tenui & summe pellucida, tum parte qua spectat vitreum humorem,

tum



tum ad latera & ad anteriora versus pupillam.

*Secundum lemma.* Ea membrana ambit totam lentem crySTALLINAM undiquaque, ea-que intra hanc membranam tamquam in sacculo conclusa continetur, ceteroquin non nexa ullis aliis partibus adjacentibus.

*Tertium lemma.* Lens crySTALLINA haeret libere in suo sacculo, nullis fulcimentis sustentata, vel certe tam teneris, ut pene pro nihilo haberi possint. Si ex hocce sacco quaedam omnino vasa ad lentem eunt, adeo tamen tenera ea sunt & fragilia, ut nullus impetus physicus irruat in lentem, quin eam pellat ex suo sacculo. Simulac saccus iste antea solvitur, quod fit, quoties humor vitreus aliquem impetum fecit, profiliet lens ex suo sacco, tamquam nucleus ex putamine, hinc mutabit situm, & spontanea gravitate cadet in uveam & humorem aquosum; simulac autem haec expulsio fit, uvea ita se contrahit, ut ad corneam humor vitreus pervenire nequeat, sed cadat infra vitreum & uveam. Membrana vero & vasa rupta, cum sint tenuissima, nec sanguinem rubrum vehant, nullam obscuritatem humoribus inferre possunt.

*Quartum lemma.* Si haec lens crySTALLINA opaca facta fuerit, ita ut colorem induerit obscurioris margaritae, neque aliud quid mutaverit

verit in oculo, nisi hunc ipsum colorem, vocatur tunc cataracta vera. Hic morbus semper tolli potest, ita ut homo per reliquam vitam commode videat. In tali vero cataracta sequentia videntur phaenomena. 1) Color lentis crystallinae solius mutatus est, uveae autem, seu iridis idem manet. 2) Pupilla aequae manet mobilis, ut antea, quod per se patet. 3) Aliqua lucis perceptio manet, qua parte cataracta minus crassitiei habet, & utcunque adhuc pellucida manet, quod sit ad latera lentis, verum nec coloris, nec ulla imaginis distinctio adest. Ergo cataracta vera nihil designat, nisi opacitatem lentis, &, si illa lens ex hoc loco debito modo deturbatur, homo iterum videt.

*Quintum lemma.* Si lens crystallina incipit opaca fieri, semper ex certis observationibus incipit mole minui. Quoties autem hoc fit, membrana ejus lentis incipit corrugari, vel a figura sua destrui. Si postea valde condensatur, & color multum mutatur, tunc membrana incipit corrugari, flocculos emitte, & habet quasi adpendices, quae emittuntur in humorem aqueum, prae vi humoris vitrei ab altera parte renitente. Tunc cataracta non polita est, quia flocci haerent ante lentem crystallinam, medico extrinsecus inspicienti adparentes, haecque dicitur ab  
au-

auctore cataracta spuria, & facile a priori per dicta signa distinguitur.

*Sextum lemma.* Si hae adpendiculae quinti lemmatis, emillae ex membrana incipiente corrugari, fluctuaverint, & pendulae adhuc membranae suae adhaeserint, nec alteri haectenus corpori, tunc dicitur *Cataractarum spuriarum prima species*, & haec curabilis est. Cognoscitur haec species, si uvea eundem suum colorem & immobilitatem conservat, quamvis inaequalitates & asperitates simul in oculo adpareant.

*Septimum lemma.* Ubi hae adpendiculae lemmatis quinti & sexti projectae & extensae se adplicuerint, firmaverint & concreverint ad partem anteriorem uveae, fit *secunda species cataractae spuriae*, quae non semper curabilis est. Cognoscitur pariter ab asperitate visibili, & minore contractione seu mobilitate uveae, quod exploratur, si oculus in lucem ponatur & subito aperiatur. Si tunc enim movetur pupilla, signum est, eam adhuc liberam esse, & contra. Hinc incertum est, an operatio felix futura sit, an secus.

*Octavum lemma.* Quo adpendices firmiores sunt & vetustiores, eo peior cataracta. Cognoscitur ex abolita omni uveae mobilitate, & ex colore multum mutato. Si nimirum illa corpora concresecunt, mutatur necessario moles & color. Tunc non tentanda  
est



est depositio, nisi cum metu destructionis uveae, etiamsi aeger ipse omnia experiri consentiat. Nam metus est lacerandi vasa majora, unde facile oculi subpuratio sequitur, ejusque corruptio.

*Nonum lemma.* Hujus obscurationis in cataracta vera (n. 4.), vel in spuria (n. 5. 6. 7. 8.), causa est calor, vel coagulum, vel destructio per vim externam, quae vasa destruit, ut transitus liquorum inpediatur, ut patet in cadaveribus quacunque morte defunctis. Auctor autem Gallus & alii putabant, causam mali semper esse in acido, quod falsum est, & in hunc errorem ducti videntur, quod oculus aquae forti injectus, eadem inde ratione mutetur, qua in cataracta vera &c. Verum tale acidum in oculo nondum est demonstratum, & lens crystallina in sola aqua calida perinde obscuratur, ut videmus in piscibus coctis, ut adeo obscuratio ejus ab omni calore non naturali fieri possit.

*Decimum lemma.* Si intra membranam, quae cingit lentem crystallinam, & inter lentem, jam incipit fieri cataracta, id est, incipit nasci humor praeternaturalis, faciet illas miras species cataractae spuriae, falso a veteribus explicatas. Nempe si humor ibi colligitur sublaetei coloris, vocabant veteres *cataractam lacteam*. Si membrana colligit majorem sensum humoris copiam, jam tu-  
mor

mor gibbosus exorietur, qui premens ad interiora, saepe penetrat per uveam, & cataractam lacteam quasi inter corneam ac uveam facit. Ejus casus prognosis fere desperata est. Si contigerit inter illam intercapedinem colligi liquorem, qui non sit mere lacteus, sed lapideus, tunc tumor orietur a materia coagulata casei fragmenta repraesentante, hinc vocarunt *cataractam caseosam*, veteribus quoque cognitam. Illa eminentia potest cum uvea concrelescere vel non concrelescere, hinc tumores dare conspicuos vel non conspicuos. Haec pessima species est, & in tali casu perturbat totum oculum, si acus tunc inmittitur, & visus plerumque perditur. Dixere veteres hoc fieri, quando humoris aquei membrana nimis tenuis dissolvitur, &c. quae nondum satis matura fuit. Verum contingit utique, quando sacculus colligens ruptus effundit tuum liquidum, quare non sine ratione monet HILDANVS, H. FABRICIVS AB AQUA-PENDENTE, BARTISCH, adcuratissimus de oculi morbis scriptor, & alii, ne lacteae cataractae tentetur depositio, totum enim oculum turbaturam esse.

*Undecimum lemma.* Si humor collectus inter membranam & lentem crystallinam in colorem flavum, viridem, nigrum, &c. abit, erit cataracta spuria una cum tali liquido praedomi-

dominante, eaque nomen desumet ab eo colore, quo se spectandam exhibet. Tales vero cataractas nemo veterum adtingere voluit. Ratio ex recenti hypothefi clara est, quoniam non potest fieri tanta in oculo mutatio, quin una mutatae simul fuerint partes cataractae adjacentes & integre fere destructae. Et si vero veteres has cataractas pro incurabilibus habuerunt, causam tamen explicare non potuerunt. Si enim membrana esset, quae post operationem liquorem aequum turbaret, cur non potuissent eam deponere aequae ac albae?

CLI. Haec fuerunt argumenta, quibus sententiam suam superstruxit scriptor Gallus, & quae fide ejus proposuimus. Omnia ab experientia petita sunt, cum contra argumenta in contrarium non nisi ex ratione desumpta sint. Illis quaedam adhuc addam argumenta, quae hujus viri sententiam confirmant.

1) Omnis cataracta haeret in lente crystallina, quod probatur fixitate cataractae. Per fixitatem intelligimus occupationem ejusdem semper sedis a prima origine, ad finem usque mali. Medicus nimirum, quocunque modo velit, observando cataractam, eam semper videt manere in eodem loco, quamvis oculi quocunque modo moveantur, frictione, sternutatione, sursum, deorsum,

&c



& ad latera verso oculo. Vidi hoc & in junioribus & in adultioribus verum esse. Dedi pulverem sternutatorium, tussire jussi, cataracta manebat semper eodem loco, quod tamen fieri non potuisset, si cataracta secundum veteres esset corpus in humore aqueo libere fluctuans, tunc enim fluctitare huc vel illuc, certe in initio mali, oporteret, & postea se demum firmare, quod tamen neque in ipsa origine deprehenditur. Si ergo in prima origine incipit opacitas, & ita fixa retinet suam sedem, locum oportet non esse in aqueo humore, ob rationem dictam, non in uvea, nam post depositionem manet mobilis, neque in membrana choroide, nam ad interiora semper deponitur cataracta, & semper ante hanc tunicam fit operatio. Accedendum ergo neotericorum sententiae videtur. Imo accedit & illud, in quo omnes aequae recentes ac veteres consentiunt; si in operatione contigerit forte, ut pellicula, uti vocant, non integre demergatur, sed resiliat, jubent, ut aeger quietus maneat per tres dies erecto corpore, & observant, post eos dies omne malum ad fundum fuisse depositum, cujus rei ratio ex recentiorum sententia conceptu facilis est, veteribus vero difficillima videtur.

*Secundo.* Locus omnis cataractae hactenus deprehensae, semper est sub uvea, secundum

omnium medicorum observationem, nunquam exterius ante eandem. Si vero secundum veteres cataracta pellicula esset, concreta in humore aqueo, longe facilius atque frequentius eam deprehendi probabile foret ante uveam, quam post eandem, cum major humoris aquei copia ante uveam contineatur.

*Tertio.* Liberae cataractae vera sedes semper deprehensa est non connexa cum uvea. Vera vocatur quae deprimi potest. Artifices enim, ut explorent, num deponi possit cataracta, pupillam volunt mobilem esse, etsi lentius paulo, & colorem pellucidum clarum sub eadem adparere, sub pupilla vero processus ciliares immediate haerent & humor crystallinus. Ergo id, quod facit cataractam est fixum, sed non ita adhaeret uveae, ut moveri non possit. Ergo in lente crystallina est, nam color perlae in ea reperitur. Si operatores difficilem operationem habuerunt, v. g. in adhaerente aliqua cataracta, ita ut metuant, ne resiliat, jubent aegrotum caput per aliquot dies erectum tenere, neque corpus movere, sic cataracta fundum petit oculi, ipsique adhaerescit, & sic curantur, quibus alias non profuisset operatio. Sed si hoc post operationem fit, cur non etiam ante operationem cataracta fundum petit, si, ut vulgo dicunt, in humore aqueo haeret?

*Quarto.*

*Quarto.* In omnibus aegris cataracta perfecta laborantibus observavi, quoties directe inspicitur in oculum, quasi per axin visorium oculi qui cataracta laborat, totam pupillam quasi albam conspici, in primis, quando homo ex ejusmodi cataracta laborans in magna luce ponitur, ut pupilla contrahatur & parva fiat. Si vero in paulo majores tenebras deducitur & oculus a latere inspicitur, sub tunica uvea adparebit, inter cataractae superficiem & uveam interiorem, circulus niger, & haeret cataracta exacte illic loci, ubi per anatomen constat humorem crystallinum situm esse. Atque hoc summum pro recenti sententia argumentum est. Nam si cataracta secundum veteres, opaca quaedam membrana concreta esset, lucem reflectens, deberet concreescere cum uvea, nam spatium valde parvum intercedit, & sic totus oculus deberet adparere tamquam fenestra quaedam clausa, cujus contrarium per dictam modo inspectionem patet, qua clare percipitur, haerere cataractam profunde in oculo & sub uvea plane, ac illic loci, ubi crystallini sedes est; oculum vero intermedium nigrum plane esse & sano simillimum. Neque nullum omnino est argumentum illud, quod semper rotunda adparet cataracta, quae figura humori crystallino propria est, nec tam constans



semper observari posset, si ab aquei humoris in pelliculam concretionem penderet.

*Quinto.* Parallelismus est perpetuus inter cataractam omnem & lentis crystallinae partem anteriorem convexam. Parallelismus est situs linearum, quae se nunquam contingunt, nisi in infinitum producantur. Pellliculae e. g. ceparum sibi parallelae sunt. Sed omnis cataracta habet superficiem parallelam ad superficiem lentis crystallinae. Si vero in humore aqueo nata esset, deberet modo directe in axi visorio, modo in latere reperiri.

*Sexto.* Quoties per depositionem curatur cataracta, omnes operatores adserunt, liquidum aqueum bonum post operationem deprehendi. Si vero, antequam operationem adgrediantur, turbidum eum humorem deprehenderint, non adtingunt cataractam, nihil enim boni ex operatione promittere possunt. Id vero cognoscunt, quando aegrum luci obponunt, & oculum a latere inspiciunt, quo videant, utrum cornea cum humore aqueo ipsi subjacente clara sit, nec ne. Si acum inmisserunt, vident acum ante lentem per ipsam pupillam. Huic argumento & illud accedit. Si ex imprudentia prematur oculus inter operandum, exeuns liquor clarissimus est & sano simillimus. Debet autem in operatione semper caveri a tali pressione

sione, hinc oculus manu non adtingi debet, alias effluit liquidum aqueum, sed aeger musculis suis jubetur figere oculum, & versus nasum respicere.

*Septimo.* Omnes aegri, qui uno saltem oculo cataracta laborarunt, & per depositionem curati fuerunt, adferunt, se non aequè bene videre posse eo oculo, qui cataracta prius laboravit, licet nunc integre fuerint curati, ac vident altero sano, & ut hunc defectum subpleant, semper opus habere vitro utrinque convexo, seu perspicillo senili, ut presbyopes. Per ejusmodi autem perspicillum nihil aliud nisi hoc fit, ut radii se dispergentes, undique convergant in oculum, magis enim hac ratione colliguntur, quam alias, quod ex opticis patet. Nam in ejusmodi vitro radii ante vitrum antea dispersi, colliguntur post vitrum, inde fit, ut jam plures radii in oculum meum intrent, quam absque eo vitro intrassent. Pupilla mea non nisi certum numerum radiorum suscipere potest, v. gratia, centum. Si nunc oculus meus ab his centum radiis moveri non potest, sed ego mille v. g. radios colligo, melius illud subjectum video per idem spatium, ac si esset decies propius, hinc subjectum quasi decies propius adparet. Ergo tales homines non possunt ex uno puncto tot radios accipere, ac ad bonum visum requiruntur.

tur. Hinc etiam sequitur, ipsos habere oculum ita dispositum, ac si non posset videre nisi in distantia decies propiori. Hinc plerisque post depositam cataractam visus est confusus, vident v. g. adesse litteras, sed nesciunt quales. Quare cum verum sit, tales homines non posse adcurate videre sine perspicillo, sequitur illos omnes oculos habere seniles, id est, non satis fortes pro recipiendis radiis e longinquo emissis. Verum hoc argumentum non tanti est momenti, neque probare illud videtur quod deberet, nempe lentem non fuisse depositam, id enim quod evincit, est unice, nos sine lente crystallina videre posse, de quo in sequentibus differendi nobis locus erit. Alterum vero phaenomenon, quod aegri a cataractae depositione in se ipsis observant, est, visum hunc senilem sensum, & post primum vel alterum annum, acutiorem fieri & sano similiorem, ita ut aliqui perspicillo non amplius opus habeant, sed hoc tamen rarum est, & forte tantum in illis fit, qui antea myopes fuerunt.

*Octavo.* Denique argumentum petitur ex observationibus anatomicis: per has quippe constat, in oculis cataracta adfectis  $\alpha$ ) solum lentem crystallinam opacam repertam fuisse, cum nulla alia in oculo facta notabili mutatione.  $\beta$ ) In iis quibus deposita fuit cata-



cataracta, lentem crystallinam nullam deprehensam fuisse, nisi depressam ad inferiora oculi, & tunicae in primis uveae adcretam. 2) Humorem vitreum locum occupasse crystallini, ejusque induisse figuram.

CLII, Haec sunt argumenta summa pro recentiorum opinione, quam firmiori longetalo insistere videmus, quam illam veterum, pro qua sententia adferuntur tanquam objectiones contra recentiorum opinionem:

I. Antiquitas ejus. Dicunt enim, qui veterum defendunt sententiam, incredibile esse, tot scriptores & operatores post tot experimenta, tanto temporis spatio capta, in tanto haerere potuisse errore. His vero respondemus, veteres omnes solis ratiociniis suam opinionem superstruxisse, nullis vero experimentis anatomicis, in oculis morbosis aut iterum sanatis captis, confirmasse, sed ex phaenomenis solum externe observatis ratiocinatos fuisse, quae autem praesidia saepius fallere quotidiana experientia docet.

2) Posito, recentiorum sententiam veram esse, tollitur crystallinae lentis usus, indeque sequitur, posse sine ipsa visum perfici, & quidem distinctum visum. Atque hoc quidem summi esse momenti argumentum videtur. Verum per sequentia multum infringitur. Quando nempe in conclavi obscuro per parvum foramen luci aditus conce-

ditur, adparebunt in charta obposita omnia objecta externa, simili ratione, qua per lentem vitream, istud foraminulum claudentem, depingi alias solent in camera obscura dicta, hoc saltem cum discrimine, quod in priori casu non aequè distincte adpareant. Hujus autem phaenomeni ratio non alia est, nisi quod radii, qui sine vitro undique dispersuntur, per vitrum nunc in propiorem focum colligantur. Hoc ita se habere probatur ex his observationibus. Quo ea vitrea lens  $\alpha$ ) durior est ac densior,  $\beta$ ) quo convexior & sphaerae minoris, eo propiorem facit focum, unde patet distinctam imaginum repraesentationem lenti crystallinae deberi. Ex his vero deducere nobis licet, duplex esse adjuvmentum, quo debilitas visus in ejusmodi hominibus corrigi possit, 1) vel compensando lentem, 2) vel convexiorem eandem reddendo. Posterius in iis obtinet, quibus cataracta deposita est: Quum enim in his deprimatur versus inferiora lens crystallina, succedit in locum ejus vitreus humor, idque lege constante mechanica. Cingitur nimirum undique hic humor processibus ciliaribus, atque inter eos arctius & cum pressione continetur, hi vero ad tunicam usque crystallinam extenduntur, & circum eam densiores fiunt, verum nihil cum eadem habent commune, sed ad margines ejus coërcent vitreum humorem,

rem, sic ut vitreus, quando valide a tergo premitur, cum elevatione quadam ad latera recondat in medio suo crystallinum: Ex quibus sequitur, quoties in cataracta deponitur crystallinus humor, vitreum tunc humorem undique pressum eo ruere, ubi minorem invenit resistantiam: hanc vero sedem invenit, in loco a crystallina lente deserto. Eam ergo occupat, & pellitur antrorsum ad tunicam uveam. Quum vero vitreus humor liquidum sit minus densum, quam illud, ex quo fit crystallina lens, in bullam adsurgit magis convexam, & sphaericitate, (si ita loqui liceat) acutiore. Lens nimirum crystallina, sola ista pressione humoris vitrei per processus ciliares resistebat, ut in hominibus sanis fit: Quum vero post depressionem ejus ad inferiora, succedat in locum vitreus humor, colliguntur in eo radii obsectorum externe incidentes, simili ratione, ac in camera obscura sine lente, sed tamen ideo pariter hic ac illic non distincta depinguntur objecta, primo post depositam cataractam tempore; postea vero distinctiora fiunt, tum propter densitatem vitrei per temporis successionem auctam, tum maxime propter convexitatem auctam, nam quantum vitrei densitas minor est, quam humoris crystallini, tantum aucta est convexitas humoris vitrei.



3) Objiciunt, non posse concipi humoris crystallini e sede sua depressionem, sine solutione ductuum ciliarium & membranae lentis, cum confusione quadam, imo inversione plane humoris vitrei, & totius oculi perturbatione summa. Respondetur, hanc objectionem falso conceptui cataractae inniti, & eorum quae in ejus depositione fiunt, non enim tantum esse motum, nec tantam perturbationem liquidi. Consideremus saltem  $\alpha$ ) flexilitatem humoris crystallini,  $\beta$ ) processuum ciliarium,  $\gamma$ ) liquidi vitrei, quibus positis sola superest membrana crystallina quam rumpi oportet, reliquis omnibus integris manentibus. Neque nimirum necesse est, humorem vitreum inverti, praesertim in cataracta vera. In spuria autem, quae partibus adjacentibus simul valide concrevit, per plurimas observationes constat, inter operandum factas fuisse ruptiones & ecchymoses, vel integram oculi perturbationem, uti suo jam tempore notarunt veteres.

4) In Diariis eruditorum Galliae a. 1706 & 1707. habentur observationes quaedam recentes & plausibiles, in quibus medicus observat, se vidisse cataractas, quae verae videbantur, sed acui se subduxerunt, dum demergebantur. Additur, postea corpuscula vesicularum instar fluctuasse inter iridem & corneam, his autem vesiculis ruptis

tis effluxisse humorem lacteum, qui totum humorem aqueum turbaverit. Hinc concludit auctor observationum, istas cataractas fuisse pelliculas cavas vesiculares, libere nantes, & in humore aqueo concretas, uti veteres exposuerunt. Verum adcuratius attendendo ad singula, quae de talibus cataractis adducit, phaenomena, videbimus haec omnia nunquam observatum fuisse, nisi in cataractis valde inveteratis & spuriiis, notum enim est in talibus liquidis saepe aliquid peregrinum quacunque de causa interponere se humori crystallino, & membranam illam cingenti arachnoideae, eamque mole auctam sacculum formare, acuminatum, qui per pupillam saepe penetrat ad corneam usque. Dum itaque in tali cataracta depositio tentabatur, non succedebat, ut ipse dicit auctor, verum rumpebatur sacculus, & liquor in eo contentus effluebat, cum perturbatione integra aquei humoris. Nihil ergo haec omnia contra recentem opinionem adferunt, quod eam invertat.

Neque enim tanti momenti illud est quod porro 5) objicit Cl. P. *de la HIRE Memoires* a. 1707. p. 732. Lentem nempe crystallinam, si dimoveretur, non posse non invertere figuram oculi, & sic visum penitus aboleri. Quod certe falsum est. Oculi enim forma dependet a partibus aequalibus  
intus

intus prementibus aequaliter. Nunc vero nihil demitur in depositione cataractae, sed omnia, quae naturaliter aderant, ea porro adsunt, & lens saltem situ mutatur, ejusque locum statim occupat vitreus humor, sicque oculi figura semper manet eadem.

CLIII. Ex his jam omnibus cognitis unicuique prognosis ac dignosis cataractae facile patet, quam cataractae specie quis laboret, & in quo gradu. Patet ex dictis, per signa externa videri posse an cataracta praesens sit & cujus notae. Duae nimirum species sunt,  $\alpha$ ) in qua vitium in sola lente est, membrana adhuc integra,  $\beta$ ) ubi membrana simul laesa est. Posterioris speciei signa sunt: 1) si pupilla immobilis fuerit, 2) si color pupillae mutatus, 3) si oblique inspiciendo oculum inter superficiem cataractae & tunicam uveae non adparet niger margo. 4) Si non intra uveam videatur malum, sed promineat. Prioris autem speciei signa sunt: 1) Quando vitium suo loco adparet, 2) quando pupilla mobilis est, 3) quando colorem nativum servat, 4) quando cataractae margo niger est. In hac specie bene sperandum, in altero vero casu nullus bonus exitus sperari debet. Indicat enim concrevisse vitreum humorem cum uvea. Pessimum vero signum est, si nigrum illud nigerrimum in oculo incipiat colore mu-



mutari & in unionum similitudinem converti, cum prominentia extra pupillam.

CLIV. Curatio, atque dicta omnia facile explicantur ex antecedentibus, circa recentem sententiam dictis, ex quibus pariter ratio patet, quare mercurius saepe perfectas cataractas salivatione solvat, cujus rei rationem veteres dare non poterant. Si enim malum esset in humore aqueo, omnino argentum vivum eo non perveniret, ad pelliculam nempe in aqueo humore haerentem, vel si eo perveniret, omnino ibi non ageret, non enim nataret, sed caderet ad fundum. Verum, si secundum recentiorum sententiam cataracta est incipiens opacitas in vasculis lentis crystallinae, orta ab obstructione minorum vasculorum ejus lentis, & mercurii natura est dissolvere maxime omnia liquida, adeoque vasa minima deobstruere, potest & hanc obstructionem solvere, quod de membrana, qualem veteres dicunt, non intelligeretur.

CLV. Ex hac porro hypothese patet, quid requiratur prudentiae in ipsa depositionis operatione, & quasnam cautelas adhibuisse oporteat. Primo enim introducitur acus, tunc, si membrana libera est, & integra, quamprimum ad superficiem lentis crystallinae chirurgus acum duxit, eam motitat, & tentat deponere. Si tanta est membranae debi-

debilitas, ut rumpatur, continuo post eam rupturam succedit propulsio lentis in ea contentae, & haec anteriora versus cadit, post uveam, pupilla vero ob lumen copiosius irruens continuo se contrahit. Operator, in parte superiori cataractae acum retinens, ut fieri debet ac solet, inedit, ne superiora versus adfurgere queat. Interea premit attergo vitreus humor processus ciliares, & premit quoque lentem manus operatoris leniter versus inferiora oculi. Postquam cataracta depressa est, detinetur aliquantulum, ut tempus vitreo humori succedenti detur, quo crystallini locum occupare queat, inque bulbum adfurgere, ut melius resistere possit retrogressui humoris crystallini. Observationes enim docent, cataractam, non detentam per aliquod tempus, post depressionem resilire, & irritam reddere operationem. Depressa hac ratione crystallina lens sensim adcrescit uveae inferiori, & tandem mole minuitur, quemadmodum & extra corpus, si in aliquo liquore contineatur, mirifice minui deprehenditur. Quoties vero cataracta resilit, toties iterum deprimi debet, donec depressa maneat. Si vero contigerit, non esse veram cataractam, sed spuriam, eamque in principio suo esse, & leviter adhaerere, tentant Chirurghi eam lente solvere, dum eam premunt versus posteriora oculi, sed plerumque

que lacteus humor effunditur inter operandum, turbaturque liquor aqueus, & totus oculus, sic ut nihil tunc aeger videat. Si tamen rite peracta fuerit operatio, post mensem & majus aliquando tempus, clarescunt liquores oculi, & visus recuperatur.

## CAP. V.

DE HEMERALOPIA SEU VISU  
DIURNO.

CLVI. *Visus diurnus* est, in quo aeger optime de die videt, simulac vero vesperscit ac nox ingruit, in luce, in qua alii homines adhuc libere vident, caecus plane est aeger, nihilque videt.

CLVII. Causa hujus morbi est omne illud, quod facit, ut tenue & debile lumen nervum opticum adficere nequeat cum effectu lucis vel imaginis repraesentatae. Hoc autem malum faciunt: 1) pupilla nimis arcta & immobilis, oculo ceteroquin bono, ut in senibus saepe fit, qui nihil vident vesperi. Constat, & quilibet experimentum in se ipso ante speculum instituere potest, diametrum pupillae triplo minorem esse diurno tempore, quam nocturno. Si nunc pupilla non dilatatur & immobilis est vesperi, penetrabit minus in oculum luminis, quam si pupilla dilataretur,



tur, spatium enim iusto minus est, per quod radiorum sufficiens quantitas intrare possit. Hinc, qui pupillam vesperi non possunt magis dilatare quam meridie, ii in luce debili nihil vident. 2) Nervi optici ea dispositio huc facit, quae oculum reddit fere insensibilem, nisi a magno lumine. Hoc in senibus observatur, quamvis pupilla adhuc mobilis sit, minus tamen mobilis est, quam in juvenibus, In valde senescentibus enim omnes nervi corporis, quo diutius vitae humanae usui inservierunt, eo callosiores fiunt, hinc minus apti ad usum.

CLVIII. Nullum remedium scio, quod hoc malum tollere possit. Ex observationibus tamen constat, illud aliquando sublatum fuisse per morbos acutos, ita, ut homines, qui post solis occasum videre non poterant, integrum visum recuperaverint. Hic autem loci digna est, quae observetur, historia in *Actis philosophicis Britannicis* No. 159. p. 559. descripta. Iuvenis optimos habens oculos (examinationem enim subiecit cuicunque artifice) nullo adparente vitio externo, nullo capitis malo laboraverat, (absque ullis praegressis symptomatibus *Cod. H.*) optime ceteroquin in omnibus sanus. Toto die aequè perspicax erat visus, ac ulli alteri homini, vicina, remota, & loco obscuro aequè acute videbat, ac ullus alius, modo  
lucis

lucis diurnae paucissimi radii superessent. Verum incipiente sole deficere, circa ejus occasum, incipiebat aeger nebulas videre, quoque plus ad horizontem sol accedebat, eo magis eae nebulae crescebant, & tandem sole absente plane nihil videbat. Interdiu etiam in loco subterraneo aut alias obscuriori nihil videbat. Hoc malum fieri posse ex superioribus demonstratum est, verum quod in hoc juvene mirandum est, ad optimum lunae lumen non videbat, nec in cubiculo candelis copiosissimis illuminato videre poterat, & pupilla, testibus omnibus medicis, ad hoc adeo splendens lumen immobilis erat. Hujus autem mirandi phaenomeni nulla alia ratio dari potest, quam quod nexus aliquis esse debeat, inter lumen solis & partes oculum constituentes istius hominis, in primis vero cerebrum. BRIGGSIVS quidem vult hoc fieri a vaporibus noctu adscendentibus, sed hoc non sufficit.

## CAP. VI.

## DE NYCTALOPIA.

CLIX. Nyctalops proprie dicitur, qui noctu videt; sed auctores hoc vocabulo diverso sensu usi sunt. HIPPOCRATES autem *Libr. II. Praedictionum* inquit, qui de die nihil cernunt, sed vespere & noctu satis acute vi-

L

dent,

dent, ii Nyctalopes sunt. Nyctalopia ergo est visus nocturnus. Frequens hic morbus est, sed raro advertitur.

CLX. *Causa hujus mali.* Ratio videtur duplex, quare homines noctu melius vident, vel in tenebris, quam de die, vel in luce, sci- scilicet 1) quia impedimentum adest in lente crystallina, vel 2) quia vitium est in tunica retina aut uvea. Inde patet, duas dari morbi species. Prima species est eorum hominum, qui circa vesperam vel in loco obscuro, melius vident. Ratio est, si quis vera cataracta laboraverit, ut media pars lentis macula occaecetur, marginibus interim perspicuis, & simul pupillam valde mobilem possideat, huic ea ad majorem lucem semper coarctatur, hinc nihil radiorum lucis lens recipiet, nisi circa partem opacam, seu cataractosam, sed ibi transire ob opacitatem nequeunt, hinc de die nihil videbit. In tenebris autem, vel circa vesperam, loco obscuro, ejus aegri pupilla dilatabitur. In ea maligna luce lens crystallina usque ad margines extremos detegitur, & radii per eas oras transibunt, ad latera opacitatis, ergo per margines lentis pellucidos detectos aeger videbit. Constat enim omnes radios, qui incidunt in lentem crystallinam, postea in unum punctum colligi, & idem esse, an radii laterales adveniant, an medii, & ab illis ima-



imaginem fieri aequae distinctam, sed minus vividam. Ergo prima classis nyctalopum erit ex ea caula 1) quod lens crystallina in media sua parte opaca sit, 2) quod mobilis valde sit pupilla, quod vitium in inflammatione uveae reperiri solet, ubi contractio erit tanto major, & radiorum ingressus de die eo magis impeditur. Secunda species est eorum hominum, qui de die vix quidquam aut nihil omnino vident, noctu vero melius & acutius, quam alii homines, qui de die recte vident. Ratio est, quod isti homines 1) tunicam retinam valde mobilem habeant, valde tenebram sensibilemque, & a minimis radiis facile movendam, 2) tunicam uveam valde inflammata, hinc de die a nimia luce valde contrahitur pupilla, & tunc nihil videre possunt. In tenebris vero aperitur & vident.

CLXI. Ex antecedente morborum oculorum curatione haec etiam deducuntur. Huc referri potest, quod in historiis ubique memoratur, ut SVETONIVS de TIBERIO NERONE narrat, alii de ALEXANDRO, & de aliis alii, quod homines aliquando, quando primum de somno expergiscunt, se quasi distincte videre objecta putent, sed paulo adtentius adspicientes nihil videant, cujus phaenomeni ratio est, quod in tunica retina superest imago eorum, quae paulo ante somnum viderant. Contigit Roterodami

dami in classiario, qui prae cataracta nihil viderat, paulo ante mortem autem videbat plurima, & objecta in pariete videre se dicebat. Verum quoties jubebamus adtentius ea adspicere, disparebat visus objectorum. Hujus phaenomeni ratio est, quod in nervo optico fiat motus, haec repraesentans: sed quamprimum animum adtendere cupit homo, derivatur liquidum nervosum ad nervum opticum, unde deletur dispositio, quae prius aderat, ut nihil tunc videat, quia illae imagines non erant a causa externa, & nunc a novo motu medullae nerveae destruuntur. Hoc vero in primis fit in iis aegris, quibus cerebrum & nervus opticus valde debilis est, hinc saepe in aegrotantibus accidit.

CLXII. Porro de animalibus quibusdam, praesertim quadrupedibus, ut equis, felibus, &c. dicitur, exacte ea noctu videre. Experimenta vero cepi in iis animalibus, & vidi, non ita se habere ut vulgo creditur, aliquando enim in parietes vel in arbores incidunt. Verum quod paulo plus quam homines videant, possibile quidem videtur, ut tamen non distincte videant. Pupilla nempe his animalibus respectu hominis multo major est & valde dilatabilis, imo totus oculus fere pupilla fieri potest prae dilatatione, ut in equis felibusque videmus. Deinde quod paulo plus luminis in tenebris accipiant, ratio

patet ex opticis; quando animal majorem habet globum oculi e. g. duplo majorem, tunc quadruplo major erit pupilla. Sit v. g. globus oculi cujusdam animalis, duplo major nostro, constat ex geometria, spatium illius pupillae esse quadruplo majus, hinc, cujus animalis pupilla duplo longior & amplitudo superficialia quadruplo major est, hujus focus in oculo erit quadruplo vivacior, ergo quadruplo fortius adficitur nervus opticus, adeoque id animal in loco quadruplo obscuriori videt; hinc subputari potest, quo animal majorem habet oculum & pupillam magis dilatabilem, eo melius in loco obscuriori videbit. RICHARDVS LOWERVS in *Actis Britannicis* observavit morbum in equis, quem ex ejus monitu etiam equifones & aurigae observarunt: nonnulli nempe equi, caeteroquin optimi, toto lucente die continuo cespitant, & in subjecta ruunt, noctu vero optime vident, eoque magis cespitant, quo clarius sol splendet. Inquirendo invenit pupillam claudi a fungosis excrescentiis, ad latera uveae prope extremos margines iridis, enatis, quae obplent nigrum pupillae, ideoque inpediunt quo minus lux introeat. Nam in magna luce, quoties pupilla mobilis est, hi equi eam contrahunt, sic fungos adducunt ad se invicem, hinc nihil vident. Quando vero ea animalia non ca-



lescunt, & stant in stabulo, vel in loco obscuro, tunc dilatatur pupilla, hinc spatium radiis intrare conantibus conceditur, & noctu vident. Huc etiam pertinet historia nobilis Britanni, gravioris criminis accusati, & in antrum obscurum vel puteum profundissimum, in quo nulla lux a sano homine percipiebatur, demissi. BOYLEVS & alii de eo viro narrant, eum primis diebus nihil ibi videre potuisse, post mensē vero incepit lucem debilissimam distinguere & quasi crepusculum, quotidie vero id lumen increvit eousque, ut tandem omnia corpora, quae in carcere erant, discernere potuerit, quae reliquis hominibus erant invisibilia. Inquisivit autem LOWERVS an nullae adessent rimae, vel alia occasio radiis solaribus, ut intrarent, & iussit servum ergastuli inquirere, sed nihil inventum est. Cum postea crimine absolutus scalam ascenderet, ut exiret, non melius ferre potuit primos lucis radios, quam oculus inflammatus mediam diem. Ex his concludi potest, quantum profuerit locus obscurus visui obtuso.

## CAP. VII.

DE TUMORE OCULI MORBOSO ET  
PRAE MAGNITUDE OCULUS  
ELEPHANTINUS DICTO.

CLXIII. Si contigerit molem totius oculi augeri, servata ejus figura, a causa quadam in-

interne distendente, ita ut oculus ita extra orbitam protuberet, ut palpebris tegi nequeat, vocatur *Oculus elephantinus seu Exophthalmia*. Si tunc simul sub cornea aqueus humor copiosius continetur, dicitur *Hydrophthalmia*. Hujus mali causa semper est, quod liquidum aqueum adsidue generetur & deferatur in oculum anteriorem, dum interim vasa interna liquidum illud reducentia, ex quacunque causa obstructa sunt, ita ut nihil resorberi queat. Si vero tumor absque aqua adest, tunc vocatur *exophthalmia*.

CLXIV. Quoad hydrophthalmiam, notandum est, aqueum humorem nostrum omni momento novum adferri; nam si casu vel experimenti gratia omnis educatur, paulo post renascitur nihilo parcior. Ergo, quoties continuo adfertur, neque in eadem ratione revehitur, orietur ille tumor. Causae, quae possunt facere, ne aqueus humor absorbeatur, plurimae sunt, hocque fieri potest post longas inflammationes, imprimis ad corneam; post magnas percussiones, & callositates a medicamentis detergentibus, adstringentibus nimis, vel non debito modo adplicatis, inductas. Hinc, quoties oculus valide percussus curandus venit, primis etiam curationis temporibus cogitandum est, ut vasa in statu laxiore contineantur, & non statim adstringentia sunt adhibenda. Hinc nonnun-

quam validis exsiccantibus adplicatis increfcit hoc malum. Quamprimum vero obftructio facta eft, primo oritur tumor parvus, qui augetur quotidie, donec tandem ita increverit, ut palpebrae nulla ratione oculum tegere poffint, hinc exorbitat oculus ad ingentem magnitudinem, unde tandem horrendus adfpectus fit. Quando malum hoc aliquamdiu duravit, aqua flagnans putrefcit, turbatur, & omnes oculi partes internas erodere & corrumpere incipit, unde neceffario oculus & vilus perduntur. Cornea amittit pelluciditatem fuam, ad ejus canales non amplius liquidum vehunt, fed concreverunt. Haec femper mali nota eft in omni oculo qui turget, aquam quidem advehi, fed non revehi; verum, liquores noftri quoties flagnant, putrefcunt utique. Sanitas enim oculi confiftit in eo, ut humores adfiduo deponantur & rurfus abforbeantur, & ut canales corneae pellucidi maneant. Vilus ejus oculi perditus eft, in quo vel paulo major tumor fuerit, etiamfi non putrefcat aqua, nam liquores turbati funt, & reliqua vafa compreffa. Ergo omne, quod hic agi oportet, in id redit ut praecaveatur, ne putrefcat humor, & fi putruerit, ne gangraena inducatur, vel etiam ne partes circumjacentes adficiantur, ut periofteum orbitae, offa nafi, & tandem cerebrum ipfum cum horrendis

fym-



symptomatibus. NVCKIVS in historia oculorum & libello de chirurgiae operationibus duos habet hujus morbi casus.

CLXV. Curatio hujus mali MIHI bis feliciter successit. Indicatio prima est, aquae copiam minuere, quod fit 1) si corpus alias bene valet, venae sectione & 2) purgantibus hydragogis mercurialibus, nonnullis diebus successive & large adplicatis. Ab his medicamentis videmus vasa flaccescere. Si vero aquae copia sic non cedit, & spes est, oculum adhuc bonum esse, pertunditur ad marginem iridis in albuginea, ubi facile iterum coalescit. Si vero oculus jam ita corruptus est, ut nulla spes visus super sit, tunc in centro corneae optime fit pertusio, quia ibi omnium facillime concrevit. Liquore exeunte fibrae iterum contrahuntur, & redeunt ad suam elasticitatem, sed paucis horis redit copia aquae. Quando vero in prima specie puncturae aqua non exit, quia forte nimis crassa est, tunc densiori acu foramen dilatatur, & aqua egressa, oculus incipit se contrahere. Quia vero nova brevi adfluit materia, quae oculum rursus inplet ac distendit, hinc tandem denuo pertundi debet, quod saepe ad aliquot vices repeti oportet, sicque repetitis vicibus procurata evacuatione redit pristina oculi figura, cum ejus moles magis ac magis tandem contrahatur. Ad hanc

vero contractionem fibrarum promovendam, evacuato liquido, nobile arcanum est, oculum spiritu vini fovere, postea lamella plumbea, exacte oculo accommodata, palpebris clausis adplicanda est, & alliganda, sic comprimitur oculus, ne tam facile excrelcat. Quilibet septimana purgandus aeger est, donec tumor non amplius excrelcat. Supervenit tunc ut plurimum oculi atrophia, quod vitium vero facilius fertur, & adspectus minus est ingratum, quam oculi elephantini.

Alia species est Exophthalmiac ab Hypopyo.

CLXVI. Egimus de morbis oculi, qui a vitio vel humorum, vel fabricae dependent, & quibus medijs iis occurratur enarravimus. Superest adhuc materia subtilissima pertractanda: de visu nempe debili & optimo, de visu lusco, myopum, presbytero sive senili, &c. Denique quae vitra optime corrigant vitia visus, his vero quaedam pramittenda sunt de transitu radiorum per vitra, ut intelligere possimus, qua ratione vitra succurrant visui, id vero fiet in sequentibus, in quibus pertractabimus alterum genus morborum oculi, quod medicamentorum ope emendari nequit, sed per vitra secundum artem mathematicam adaptata, tolerabile reddi potest, & corrigi.

## DE MORBIS OCULORVM

## P A R S   I I I .

## CAP. I.

## DE VISV OBTUSO.

CLXVII. *Αμβλυσ* significat hebetem vel obtusum, amblyopia, siue visus obtusus vocatur, quoties oculus, nullo adparente vitio, neque in objecto, neque in medio per quod videt, neque in luce, in qua videt, non videt aeque vivide & acute, ac alterius hominis oculus. Hoc vitium pluribus est commune.

CLXVIII. Causa hujus vitii abstracte considerata, est minor sensibilitas oculi ad eam lucem, quae sanum oculum satis valde movere valet. Causa proxima hujus mali continet varias causas speciales, & primo degenerationem in ipsis liquidis, paulo magis spissis, ut tamen vitium spectatori non appareat. Deinde majorem pupillae seu tunicae uveae sensibilitatem, adeoque contractionem majorem ad lucem ponit, unde pupilla angustatur, ut pauciores radii pupillam transire queant. Novimus vim lucis non semper esse causam contractionis pupillae, nam in omnibus hominibus ad aequalem angustiam non contrahitur. Nam dependet aeque a teneritudine uveae, ac a luce ipsa, hinc illi homines, quibus teneritudo uveae  
major



major adest, si paululum nimis remotum est objectum, vix videbunt; nam quo remotius objectum, eo pauciores radii inde accedunt. Si ergo pupilla contractior est, & radii pauciores accedunt, debilis erit objecti in oculo repraesentatio. Objici potest: Si oculus sensibilis est, melius videbit. Verum teneritudo uveae non semper habet teneritudinem tunicae retinae comitem. (Teneritudo uveae conjunctam simul habet teneritudinem nervi optici, hinc & hic majorem vim lucis sustinere non poterit. *Codex H.*) Praeterea lux ex toto hemisphaerio mundano ruit in nostrum oculum. Si nunc nimis sensibilis pupilla etiam a laterali luce incidente contrahitur, directa lux ex objecto inspecto in pupillam incidens, eam subire non poterit. Ita, si cui debilis visus fuerit, & a latere habuerit candelam, & idem ad parietem, v. g. in objectum respiciat, lux candelae ita agit in pupillam ejus hominis, ut nimis se contrahat, hinc lucem directam ab objecto recipere nequit. Hinc semper vel plerumque in debili visu est pupillae teneritudo. Tertia causa est retinae minor sensibilitas, seu ineptitudo nervorum ad repraesentandam menti ideam. Quo diutius vivimus, eo nervi ad quoscunque sensus fiunt obtusiores. Si similis insensibilitas seu minor aptitudo, vel a senectute, vel ab alia causa fiat, ut a  
levi

levi motu non moveatur nervus opticus, erit debilitas visus, nullo adparente vitio adspicienti. Hae sunt causae debilis visus abstracte considerati, quae aliquando simul concurrunt, aliquando vero una sola adest.

CLXIX. Vitia haec vix emendabilia esse manifestum est, praesertim primum & ultimum, quis enim spissitudinem illam liquidorum emendabit? Quis tunicam uveae corrigere promittet, nisi dubio eventu? Longe minus medicus vitium in nervo optico restituet. Hinc adparet, quidnam credendum sit de iis remediis, quae visum debilem restituere dicuntur, ut sunt vapores illi aromatici, balnea, euphrasia, fumus nicotianae, vesicatoria, &c. In primis pro specifico laudatur in *Actis Lipsiensibus* herba herniariae, tam in pulvere, quam in infuso instar theae. Quae vero omnia raro aliquid praestant, & si quid praestant, id possunt in nimia spissitudine liquorum. Verum in nostra visus debilitate tota medela in eo est, ut 1) radii obliqui arceantur. 2) Ut recti maxima copia congregentur. 3) Ut uveae concilietur majus robur, ut oculus ad eam directam lucem directamque visionem magis adsuecat, id est, dum recipit radios directos, ut aperta maneat pupilla, sive immobilior reddatur. Ut autem aperta sit, fibras uveae agere oportet; ut agant tensae sunt, ut tensae

lae sint, fibras indurari necesse est. Ergo roborentur, & hisce tribus modis saepe emendatur vitium.

*Primo*, roborantur per tenebras. Verum hoc difficile est, nec semper convenit, alias visum eo modo aegri acquirerent acerrimum, uti videtur ex historia de nobili Britanno in Capite de *Nyctalopia* relata.

*Secundum remedium* desumitur ab eo experimento, quod pariter in Anglia vir ingeniosus vidit, cui accidit maxima visus debilitas, ut nihil vel propinquum vel longe remotum posset legere. Ita semper procedit morbus, ut aegri primo remota videre nequeant, propter paucitatem radiorum; novimus enim, quo remotiora objecta sunt, eo minus radiorum inde ad oculum adpellere, quamvis oculi non sint presbytae. Deinde adeo perit visus, ut proxima etiam cernere nequeant. Ergo ille aeger varia sine successu tentavit, & in pejus quotidie malum ruebat. Observavit autem, quod ii homines, quibus visus debilis est, ut videant, saepius nictitent, & ita palpebras claudant, ut nulla fere lux accedat ad pupillam; sic, ut natura ipsa remedium indicet; vidit esse qui propriam manum in tubum faciant, per quem unice respiciunt, ut maxima lucis pars ab oculo avertatur, hoc est, ne radii obliqui intrent, sed unice recti admittantur. Haec cum



cum animadvertisset vir ingeniosus, sequens remedium invenit. Fiant duo canales conici, cavi, utrinque aperti, & interne atro colore tincti. Videatur figura horum tuborum f. 4. Bases hujus instrumenti adplicentur oculo, coni vel apices obvertantur objecto. Hujusmodi canales ex corio fiunt, nigro autem colore pinguntur, ut imitemur, quod natura facit in oculo. Ope hujus remedii, quod tam simplex est quam commendabile, visus nobili aegro adeo increvit, ut qui ante menses duos vel tres nihil fere viderat, plane restitutus fuerit. Et usus horum tubulorum tam elegans est, si quis iis utatur in mediis studiis, ut post tres vel quatuor menses quam optime videat, licet antea debilem habuerit visum. De successu itaque hujus instrumenti non est dubitandum, rationem vero examinabimus. Primo horum tuborum ope omnis lux lateralis excluditur, ut nihil nisi radii directi ingrediantur, adeoque lucis lateralis effectus impeditur, qui erat pupillam contrahere, & hinc lucis directae ingressum impedire. Secundo visus reducitur ad simplicitatem seu ad lineam rectam, nec turbatur, quod alias fit a luce laterali majorem habente effectum quam lux directa debilis. Sic lateralis lux propter robur suum, confusum visum excitat, dum radios directos infringit & inmutat. Tercio ipsa pupilla se  
di-

directe aperit ad objectum, niger enim color facit, ne ullus radius reflectatur ad oculum, sed omnes ab oculo. \* Quarto adfuescit pupilla, ut se directissime objecto obponat, quae alias vaga est, nunc autem quasi studet evitare laterales radios, hinc ab eo usu ad minimum inpetum mentis omnes moventur muscoli ad hunc situm, & sic rursus priorem visum acquirit. Quinto, etiam tenerior fit nervus opticus ex continua illa obscuritate, ita ut postea facilius moveatur. In principio quidem sic videre non possunt, & putant se esse caecos, sed haec coecitas post aliquod tempus perit. Patet ergo, causis mali hoc medicamentum adversum esse. Basis horum conorum, quod ad diametri magnitudinem, debet convenire oculo, ut orbitae possit applicari, & nulla lux incidat. Longitudo vero sit ad duos, tres, vel quatuor digitos, prout major vel minor est oculus. Ad apicem sive finem diameter sit tertia vel quarta parte angustior, quam ad basin, &, prout magis vel minus debilis est visus, eo tubi sint angustiores vel latiores. Myopibus autem hoc instrumentum est noxium, quia facit, ut objecta semper propius & propius admoveri necesse sit.

*Tertium remedium* est mutatio coloris radiorum in viridem. Qui debilem habet visum, ei in tenebris vilus increscit, & ubi

omnia

Omnia viridia sunt, melius videt quam alias, hinc, si vitrum planum & pellucidum levissimo colore viridi tinctum adplicatur oculis, per quod continuo videt, egregie visus adjuvatur. Hac ratione duo effectus obtinentur. Primo obliqui seu laterales radii repelluntur; ex NEWTONO autem patet, colorem viridem repellere radios laterales, & directos admittere, hinc neque pupilla ab illis obliquis contrahitur, neque visus conturbatur. Secundo orbatur & defaecatur lux in transitu a radiis nimis valide agentibus. Démonstrat NEWTONVS, colorem viridem constare ex multa umbra, (radiis minus validis) hinc eadem fere est actio, ac tuborum denigratorum. Verum expolita debent esse vitra ad planum perfectissimum, non autem ad cavam vel convexam superficiem, alias oculum destruint. Neque etiam saturate tincta esse oportet, sed leviter & grate viridia. In locis calidioribus, uti per totam Asiam, Aegyptum, Hispaniam, Italiam, homines debiles habent oculos, & qui bonos habent, ii fere hisce perspicillis muniti in lucem prodeunt. In illis calidis regionibus, in primis quando una arenosae sunt, nervus opticus callosus fit. Ex his solvitur quaestio, cur color viridis, cur tenebrae & canales obscuri visum robovent, & cum distinctum faciant? Homines, qui in obscuris specu-

M

bus



bus vivant, ut latrones, accuratissime vident, ut noctu globum ex sclopeto in hominem projicere possint. Ita etiam, qui oculos in objecta viridia diu fixerunt, vident accuratissime, quia oculus a duabus hisce causis sensibilis fit, dilatatione nempe pupillae, & teneitudine retinae, oculusque ex viridi colore adeo sensibilis redditur, si diu in chartam viridem inspiciamus, ut alia etiam objecta viridescencia adpareant.

## CAP. II.

## DE VISU CONFUSO.

CLXX. Hominibus, quibus hujusmodi visus est, dum visuri sunt, plurimae imagines in fundo oculi depinguntur; unde visus ipsis vehementer confunditur. Vitium hoc pendet ab eo, quod fundus oculi, in quo objecta depinguntur, ita debiliter a radiis directe incidentibus adficiatur, ut a lateralibus aequae fortiter percellatur, eosque pariter recipiat, hinc puncta lateraliter recepta extra axin visus colligat, unde imagines repraesentantur, non directorum modo, sed aequae fortiter etiam obliquorum radiorum. Hinc omnes aegri, qui debiliter vident, ii etiam confuse vident, & vicissim. Non haeret hoc vitium in humoribus, ut vulgo creditur, nam naturaliter, ut una tantum imago menti offeratur, sive,

ut

ut distincte videatur illud punctum, cui ob-  
 verto oculum, praevalere debet repraesentatio  
 imaginis hujus objecti, omnibus ima-  
 ginibus, quae ab ejus lateribus pingi pos-  
 sunt. Hinc requiritur, ut radii directi for-  
 titer oculum adficiant, non ita laterales.  
 Quando secus fit, tunc maxime & valde in-  
 comoda confusio oritur.

CLXXI. Remedium unicum est instru-  
 mentum in debilitate visus commendatum,  
 & Cap. I. descriptum. Roborandus enim  
 saltem est oculus, quod fit, si nulli, uti an-  
 tea dictum est, radii inciderint in oculum,  
 nisi a puncto isto, in quod inspicitur.

### CAP. III.

#### DE LVSCITATE.

CLXXII. Plurimis examinatis auctorum  
 sententiis, nullam reperi, quae phaenomenis  
 satisfaciat, hinc aliqua hic enarrabo, ex qui-  
 bus causa patebit. Describitur hic duplex  
 vitium. Primo *Luscus* dicitur aeger, qui  
 oblique videt uno oculo, quamvis distincte,  
 sed ita, ut objectum & axis visus non sint  
 in una eademque linea recta, hinc illi aegri  
 accurate ad objectum coguntur oculum con-  
 vertere, ita ut objectum radios oblique mit-  
 tat in oculum. Altera species est *Strabis-*  
*mus*. *Strabones* vocantur, quibus unus

oculus sursum, alter horizontaliter prospicit, quando objectum adspicere volunt, sive quibus axis utriusque oculi non est parallela. Axis visus dicitur ea linea recta, quae ex medio centro pupillae per medium centrum corneae recta ad objectum transit, & educitur in infinitum extra oculum. Hinc distinctio inter luscum & strabonem patet. Lusci nimirum in adspectu objectorum coguntur invertere unius oculi axin. Strabones vero oculos non habent parallelos, quando vident.

CLXXIII. Ut causa hujus phaenomeni inveniatur, praeinittere oportet aliquas mathematicas contemplationes, fundatas in experimentis opticis. Pupilla nempe aperiri nequit, quin intrent infiniti radii ex toto hemisphaerio adspectabili; verum unum tantum distinctum objectum videmus, si sanus sit oculus. Ita quando e. g. inspicio in clavum in pariete fixum, solum clavum distincte video, licet reliquorum etiam objectorum radii incidant. Causa duplex est 1) quia iste clavus directe axi visus oppositus est, ita ut radii inde concurrentes fortiores sint, & majori copia, quam reliquorum objectorum radii, hinc centrum retinae maxime adficient. 2) Altera causa ab aequali actione oculorum pendet. In fundo nempe oculi semper est unum punctum, quod omnibus  
reli-



reliquis fortius adficitur, hoc est, quod plus videt aliis oculi partibus, nam quo plura objecta simul adspicere volumus, eo confusius omnia videbimus, idque in omnibus hominibus obtinet. Adeoque in oculo aliquod punctum est, in quo solo radii objecti visibilis colliguntur, & quo melius hoc punctum videmus, eo minus distincte videmus reliqua objecta. Ita, si inspexerimus in chartam, omnes quidem videmus voces ibi depictas, sed confuse. Verum si ad unum vocabulum animum attendimus, tunc id distincte videmus, reliqua minime, quod in legendo familiare est. Est ergo in oculo punctum aliquod, quod magis aptum est recipere radios objecti, quam reliqua puncta. Illud punctum in unoquoque homine per experientiam notum est, & ponitur in fine axeos visus, inque retinae medio, cui, dum rectissime obvertitur, objectum distinctissime adparet. Verum, si punctum illud parum deflectat ab axi statim descripto, oblique debet homo adspicere objectum; nam, si objectum oculo recta obversum fuerit, non videt, quia illud punctum retinae non est in axi, secundum hypothesein, atque sic habemus primas luscitatis causas. Ponamus, ad rem illustrandam, in fig. 5. Corneam esse AB, Retinam CD, Centrum papillae esse K, Centrum autem corneae esse I, Objectum deni-

M 3

qua

que videndum G. Si nunc oculus bonus est, punctum distinctae visionis in retina, erit E. Ergo ut videat oculus, in eo statu, ita est obvertendus objecto, ut axis visus directe transeat ex objecto videndo G per centrum corneae I & pupillae K, in punctum visus retinae E. Tunc dicitur visus rectus. Si vero punctum visus E, in statu morbooso alibi est, v. g. in H, tunc objectum videndum, ut antea, sit in G, id objectum ab oculo non videtur, quia non est cum axi visus in una eademque linea, hinc, si duceremus lineam rectam ex puncto retinae H in objectum per centrum corneae & pupillae, non erit linea recta, qualis erat EG, utque videat oculus secundum axin visus, deberet objectum poni in F. Verum cum objecta non semper mutare possimus, hinc oculum debemus obvertere, ut ipsi oblique radii incidant. Plurimae aberrationes sunt, a quibus illud punctum in retina mutari potest, ut diversimode ponatur, vel superius vel inferius, vel ad latera, unde varia luscitas oritur, quatenus axis visus variat. Verum in bono oculo id punctum in medio semper retinae est. Una adeo causa luscitatis patet, simulque etiam curatio inventa est.

*Secunda* causa luscitatis est, quando corneae centrum, seu medium punctum, non directe obpositum est retinae medio, sed obquam-

quamcunque causam translocatum. Nuper accidit cupidam homini, per plateas ambulanti, ut a lapide irruente rupta fuerit pars corneae, iridis, & choroideae membranae: rite curatum est vulnus, rediit aqueus humor, & utcunque visus, verum per cicatricem cornea ex sede sua ad interiora retracta est, dum in fundo vero oculi nulla mutatio accidit; hinc centrum corneae & retinae sibi non respondent, & aeger, quando oculo olim laeso videre vult, objectum debet ponere ad latus, sic ut radii oblique incidentes, quia cornea non est in medio, punctum retinae tangere queant. An sanari possit hoc malum, adhuc dubium est; si vero successerit, fiet emollientibus, ut tunica cornea in pristinum statum se denuo extendere possit, & centrum suum rursus centro pupillae obponat: tunc vero redibit bonus visus. Hinc patet, idem malum sequi, si aberratio in cornea, siue in retina fuerit.

*Tertia* causa est obliquitas lentis crystallinae. Si centrum axeos visus in medio fuerit, verum lens crystallina oblique posita sit, ab ea causa radii recti oblique refringentur, ut non incidant in punctum verum retinae. Ergo aeger oblique oculum invertere debet. An hoc malum reperiat, affirmare non possumus, verum probabile est, fieri posse. Ex his etiam patet, hoc



malum absolute fore incurabile. Ex iisdem etiam causis myopes aliquando luscifunt, ut semper oblique legere cogantur. Inque hoc casu tubi cavi & obscuri non juvant, quia totum vitium haeret tantum in linea recta, seu axi visus, non bene determinata.

## CAP. IV.

## DE STRABISMO.

CLXXIV. Strabo dicitur, qui adspectuius objectum, oculis non parallelis adspicit, sed inclinatis ad se mutuo, vel remotis a se mutuo, vel in diversa altitudine positis, nempe uno oculo superiora, alio inferiora versus spectante: dum in reliquis partibus oculi bene se habent.

*Prima species* ergo est, quando aeger oculis ad se mutuo inclinatis inspicit, & illa dicitur *strabismus conveniens*. Aeger per consuetudinem in respiciendo ad objectum aliquod fixum & simul propinquum, v. g. ad punctum in dorso nasi, potuit hoc malum sibi induxisse, tunc enim oculi inclinabunt ad se invicem, & muscoli adducentes nimis perpetuo tenduntur. Nam quoties objectum nimis propinquum adspicimus, advertimus molestiam in oculis. Forsan haec non est proprie dicenda species hujus mali, verum

verum ab auctoribus tamen ophthalmicis separatur. Belgae hoc vocant *Loercken*.

*Secunda species* est, quando oculi, dum diriguntur versus objectum, una ad latus divergunt, sic enim oculi a se invicem recedent, & omnes homines, quibus boni etiam oculi sunt, si indifferentes vel sine attentione adspiciunt, videntur nobis strabones. Hinc, qui in extasi sunt, ii pro tempore etiam ad strabones pertinent.

*Tertia species* est, quando aeger objectum accurate adspecturus, unum oculum versus objectum, alterum sursum vel deorsum vertit. Haec horrenda strabismi est species.

CLXXV. Tres itaque strabismi species in praecedentibus vidimus, id est, *conniventem, recedentem, & inaequalis altitudinis*. In nobis naturalis quaedam scientia est, inexplicabilis, qua volentes videre objectum, facimus ut id objectum cadat in oculum quam directissime, sive, ut visus axin dirigamus in illud objectum, ita tamen, ut simul, quantum fieri potest, ad idem punctum etiam in alterum oculum objecti radii cadant, sequitur enim unus oculus directionem alterius. Ponite objectum aliquod, & adspicite objectum bene cavendo ne mutetis oculum, tunc chartam interponite, & unum oculum claudite, tunc objectum, quod modo erat in A nunc erit in B. Subpono ergo,

oculum dextrum bonum esse, alterius autem oculi punctum in retina videns propius versus nasum poni, tunc unus oculus directe videbit, alter autem distrahetur versus nasum. Si alter oculus bonus est, alteri vero oculo punctum retinae non in medio fuerit, sed ad superiora ponatur, tunc unus oculus directe, alter ad superiora trahetur. Ergo sive sursum, sive deorsum, sive ad latera strabismus fiat, semper erit a mutato puncto retinae vidente. Causa ergo strabismi est, vel quando unus oculus luscus est, alter vero sanus: vel quando ambo lусci sunt, quod autem raro fit, reperiuntur tamen hac in urbe duo exempla; vel quando musculus aliquis unius oculi altero est brevior. Ergo quot lусcitatis sunt causae, tot etiam strabismi sunt, cum posterior morbus priori debeatur, & preaterea vitium etiam in musculis haerere potest, cujus causae variae sunt, lapsus, ictus, maxime autem convulsiones.

CLXXVI. Omnes species hujus morbi in-  
medicabiles sunt, nisi forte a distortis musculis oriantur. Si accadat, ut unus oculorum musculus sit, cujus antagonista debili-  
or est, dum oculus figitur in unum ob-  
jectum, bene sequitur, alter autem oculus, cui musculi laborant, non sequitur. Hinc vitium ipsis remanet, ita ut, dum unus o-  
culus



culus vertit axin suum in objectum, alter hunc motum sequi non possit, & habeat axin suum conversum in aliud objectum: unde fit, ut illi homines aliquando idem objectum bis eodem tempore videant. Oritur hoc malum ab inflammatione, lapsu, &c. & facile & brevi tempore curatur, nisi partes sint destructae, atque haec sola species curabilis est, & quidem hoc instrumento. Quando videmus oculum facilius in hoc quam in illud latus trahi, tunc dicimus hominem luscum esse. Ergo tubum sumimus intus nigrum, & cavum, eum oculo aegrotanti applicamus, ita ut axis tubi paululum declinet ab axi parallelo sani oculi, dum aeger objectum inspicit, sed sensim sensimque inclinari tubus debet in objectum, ita ut tandem tubi axis sit parallelus axi oculi, hinc enim fit, ut sensim roborentur muscoli debilitati. Hoc solum est quod habetur remedii in hoc casu, sed per tempus aliquod continuari debet, & aliquot horae quotidie requiruntur, ut objectum certum aeger respiciat.

## CAP. V.

DE VITIIS VISUS PER VITRA  
CURANDIS.

CLXXVII. Triplicem nunc explicabimus visum, perfectum, propinquum & remotum,

tum, & causas hujus diversitatis, & media optica, quibus ii homines per artem reddi possint, ut perfecte videant. Ita ostendendum est, si natura nos myopes creasset, quo modo oculum talem reddere possimus, qualis nunc nobis est, qui perfecte videat, & in certa distantia objectum remotum ope instrumenti aequae recte videat, ac si propinquum esset. Tandem dabimus rationem microscopiorum, tanquam remediorum emendantium omnia vitia oculorum, ultra quae progressus non datur.

CLXXVIII. Omnis homo sub triplici differentia videt. *Prima classis* haec est: Nonnulli homines omnia objecta, quae per pedem ab oculo suo distant, vident vivide; quando vero eadem objecta ab oculo ad 100 vel 200 imo 1000 pedes removentur, tamen ea vident; ii vero homines dicuntur *optime videre*. Quo nunc melius pariter & remotius objectum & propius videre potest oculus, eo perfectior dicitur visus.

*Secunda classis*: Quidam homines objectum ipsi oculo proximum distincte videre possunt, sed, si vel paululum removeatur, id nullo modo distincte vident. Hi dicuntur *myopes*, & plerumque luscii sunt. Quo nunc objectum debet esse propius, ut distincte id perspiciant, eo magis myopes sunt: Eorum hominum oculus valde convexus est, & seg-

men-

mentum sphaerae minoris quam bonus otulus, hinc unit radios objectorum antequam ad retinam pervenient.

*Tertia classis.* Quidam objectum oculo propinquum non cernunt, verum ut vivide & distincte videant, coguntur objectum per tres & ultra pedes ab oculo remove. Hi vocantur *presbytae*, & senes plerique hujus generis sunt. Eorum visus in longe remotiori distantia perfectus est, quam naturaliter fit, cum oculus in illis planus valde sit, & objectum videre non possint, nisi longe removeatur. Si tamen nimis removeatur, debilius vident, attamen cominodius, quam nimis propinque. Nempe radii, qui ab uno puncto procedunt, & in oculum cadunt, magis paralleli sunt, quam radii a proximis objectis, hinc non conveniunt in unum punctum, nisi distantia objecti aucta sit.

CLXXIX. Haec nunc facillima methodo explicantur.

*Primum theorema.* Oculo absolutissime fixo, id est, qui non deflectit ab una vel altera parte, verum in unum objectum unice figitur, minimum modo punctum physicum distincte & vivide videmus. Sit ergo AB in *fig. 6.* apertura pupillae, CD sit objectum, E punctum fixum in fundo oculi, terminans axin visus FE, sit H punctum visus  
devi.



devians, in quod motus oculus deferitur, ut fiat visus, & videatur punctum C: Iste axis erit CH, & in fixo ad videndum objectum visu fuit EF. In hoc statu oculi, in quo FE est punctum visus, punctum C istius objecti CD non videbitur, quia non est in axi FE. Hinc patet, si oculus parum saltem moveatur, magnam fieri in objecto diversitatem, & geometricam mensuram parvam, differentiam physicam maximam facere; eaque differentia major vel minor est, prout majus objectum est, vel minus remotum. Experimento etiam constat in inspectione libri, quando oculum figimus in unum objectum, vel vocabulum, vel in unam litteram, reliqua de libro disparere. Quaeritur autem, qui fiat, ut uno momento plurima objecta videamus. Causa duplex est, primo: mirifica oculi mobilitas, qui per minimum spatium motus valde mutat objecta visa, ut ex praecedenti demonstratione patet; nam dum punctum retinae videns minimum absolvit spatium in motu suo, absolvit ingens in objecto. Ad hoc praecedens convenit demonstratio. Sit v. g. FE distantia mille milliarium germanicorum a pupilla AB, sit linea CF aequalis FE, tunc oculo moto, ut punctum videns retinae ab E abeat in H per aliquot decimas partes lineae, loco puncti F videbit oculus punctum C, quinquies cen-

tenis

tenis milliaribus distans a puncto F, quod viderat. Aliud exemplum: Ponite vos esse in cubiculo obscuro, & videri per parvum foramen in occidente factum solem, per foramen in oriente pertusum, lunam, in tantillo temporis spatio, minima nictatione oculi tam inmensum spatium percurrere possumus.

*Secunda* causa est inpressi vestigii primi objecti visi duratib adhuc remanentis in fundo oculi. Ea facit, ut oculo moto, modo in hanc jam in illam partem objecti, successive omnia illa puncta ita celeriter depingantur, ut credamus nos totum corpus simul videre. Idemque erit, si objectum omnia sua puncta, tam celeriter ante oculum verstat, oculo nostro quiescente. Videmus hoc experimentum in infantibus ludibundis, qui dum rotant carbones ignitos, vel funes accensos celeriter convertunt, putant se integrum circulum ignitum videre. Duae itaque res faciunt, ut putemus, nos ingens corpus simul videre. 1) Summa illa oculi mobilitas, a qua assiduo nova pictura primae additur. 2) Mora inpressionum. Theorema hocce basis est omnium, quae dici possunt de diversitate visus, de qua nunc agemus.

*Secundum theorema.* Inmoto absolute oculo id punctum idem, quod in primo theore-

theoremate diximus, si oculus bonus est, cum axi visus semper est in eadem linea recta. Axis autem dicitur illa linea, quae ex objecto per centrum corneae & pupillae ad centrum seu medium retinae percurrit. Hoc theorema per experientiam patet, nam bonus visus dicitur, quando directe oculo obpositum objectum optime videmus. Si lamella cuprea esset, minimis foraminulis ingenti copia perforata, oculus tamen per eam non videret, nisi centrum corneae & centrum foraminis, punctumque videndum in eadem linea recta fuerint.

*Tertium theorema.* Si idem punctum accuratissime visum primi theorematis, & quod haeret semper in axi visus, uti in secundo theoremate demonstratum est, paulum remotum sit, tunc omnes radii ex hoc puncto manantes in corneam, nullos facient angulos, & haberi poterunt pro parallelis inter se & ad axin visus, non mathematice quidem, id enim falsum esset, sed secundum visum physicum, & hoc eo verius erit, quo objectum remotius est a cornea. *Demonstratio.* Sit in *fig. 7.* A punctum quod videri oportet, AD axis visus, BC apertura pupillae. Omnes itaque radii in pupillam incidentes continentur intra angulum BAC, & demonstravit EUCLIDES L. I. *Prop. 16.* angulos continentes semper esse minores con-



contentis ad eandem basin, ita ut minorum continentium angulorum latera fere parallela fiant. Sic in *figura 8.* angulus BAC est acutior, ergo minor quam BDC, vel BEC vel BFC. Quo propius ergo ad basin seu lineam BC accedimus, eo majores sunt anguli, obtusioresque, & eo magis eorum latera a parallela natura discedunt: Verum quo longius a basi recedunt lineae angulum visivum facientes, eo acutior & minor est angulus, eoque magis latera ad parallelam naturam accedunt, ut patet in angulo BAC, comparato cum BFC *fig. 8.* Si vero alius adhuc angulus duceretur, quo angulus BAC contineatur, is adhuc minor esset, & magis ad parallelam naturam accederet, ita ut tandem angulus qui reliquos omnes contineret minimus & pene parallelis lateribus comprehensus fiat. Hoc etiam accidit in praecedenti *figura 7.* hujus theorematis, quo enim ejus punctum A magis distat a basi BC, eo plures intra triangulum BAC lineae parallelae ad axin visus locum habebunt, & minor erit angulus, atque adeo alius angulus, qui BAC continetur, erit quasi parallelus ad axin. Si enim apertura pupillae BC esset in loco EF, ita ut punctum A propius adponeretur basi, non tot possent dari lineae parallelae ad axin AD, ut ex EUCLIDE patet.

*Theorema quartum.* Si totus oculus esset sphaera aquae, tunc omnes radii, qui paralleli incidunt in corneam, colligerentur distinctissime in puncto visus seu foco, cujus distantia esset a cornea convexa AED f. 9. ad sesquidiametrum sphaerae, cujus cornea segmentum esset. Sit in *fig. 9.* AD cornea, & oculus reliquus ACD, AED sit sphaera corneae. Ponite nihil in oculo esse nisi aquam, addite ad diametrum corneae, adhuc dimidiam diametrum, tunc radii incidentes paralleli colligerentur in C, quae distantia est sesquidiametri.

*Corollarium.* Ergo si oculus ita factus esset, ut radios undecunque incidentes colligeret in unum punctum retinae ad finem axis visus, tunc oculus aptus esset videre omnia objecta, siue remota essent siue propinqua, eaque plurima simul; hicque oculus diceretur optimus, Quod aqua colligat radios parallelos ad sesquidiametrum, supra demonstratum est ex opticis.

*Quintum theorema.* Visus itaque vel oculus bonus aptus esset videre aequae distincte objecta ad varias in infinitum distantias in axi visus posita, si modo satis magnam copiam radiorum ab objecto remoto acciperet, ac si id objectum haud nimis longe ab oculo esset positum. Et certe omnia, quae modo inter parallelas AF & BD continentur,

tur, videbit oculus sub illis conditionibus, dummodo radii sufficienti copia in linea recta immanent.

*Sextum theorema.* Cum vero radiorum debilitas seu paucitas augeatur in ratione quadrata distantiarum, hinc objecta remota ad oculum bonum non satis radiorum mittunt, ut vivacitas visus sufficiens nascatur. Sit A in f. 10. punctum lucens & radios mittens ad corneam, atque ratio distantiae AC, sit dupla distantiae AB, quadruplo certe pauciores radii ad C quam ad B pervenient, quia AB & AC sunt diametri circulorum, quos replet lux ex A emissa. Circuli autem sunt in ratione quadrata diametrorum. Ergo vis visionis semper variat in ratione quadrata distantiae. Hinc si decuplo remotior fuero ab objecto, centuplo minus radiorum accipio.

*Septimum theorema.* Tunc ergo non unum punctum & distincte dignoscitur, sed plura debilia & confusa videntur simul. Si oculum in objectum remotum valde firmaverim, imago quae pingitur in oculo erit debilior, quam aliorum objectorum minus remotorum imago. Hinc ad focum objecti debilem, laterales imagines vel aequae fortes sunt, vel fortiores. Cum vero idem sit radios multos adplicare oculo debili, sive oculo bono radios debiles, hinc oculus bo-



nus aequè distinctè videt remota, quam oculus debilis propinqua.

*Octavum theorema.* Ergo visus confusus, etiam in bono oculo fieri debet. Quando respicimus ad turrim longe distantem, ea nobis rotunda esse videtur, quamvis quadrata sit. Ita, quando propius ad prata accessi, video illa pluribus floribus colorata, verum si remotus inspexerim, unum colorem distinguo, & prata illa mihi flava videbuntur, a flore copiosiore ranunculi pratensis. Ergo 1) nulla mutatione facta in musculis, vel in oculo ipso, potest videri objectum remotissimum, modo oculus sat radiorum accipiat, ita ut radii paralleli sint fortiores quam laterales. Ergo ut roboris in imagine sit satis, radii divergentes debent colligi, quod fit per telescopia. 2) Quo magis distamus, eo plura simul videmus, sed confusa. Hinc novimus, quid visus sit bonus, quid obtusus, & quid faciat vitrum interpositum, quod radios colligat. In microscopio objecta non videmus majora, quam in se ipsis sunt, quamvis nobis ita videantur, quod proxime demonstrabo. Oculus bonus juvatur telescopia, quod mutat laterales radios in parallelos, seu quod radios divergentes cogit in convergentes. Multiplicitas radiorum dat vivaciorem visum, hinc quae propinqua sunt ea nitidius & validius oculos feriunt & melius videntur.

CLXXX. Alterum & inevitabile oculi malum nunc describitur. Oculus optimus intra semipedem ab objecto distincte videre nequit. Pone radios, qui in oculum bonum feruntur a certa distantia, habere perfectum focus, in quo colligantur, tunc certe alii radii, qui incidunt a puncto quodam propiori, magis divergent, nec in eo foco, sed ultra eum convenient. Hinc visus confusus fit, quando objecta minus justo remota sunt. Si enim punctum videndum tam prope admoveatur corneae, ut radii pro parallelis haberi nequeant, sed pro divergentibus, tunc focus illorum cadit retro retinam, & diversam faciunt refractionem, hinc etiam non in uno puncto afficitur retina, sed in infinitis, & inde visus confusus fit. Ita chartam, quam removendo ad certam distantiam, distincte videmus, omnesque litteras legimus, si adpropinqua-verimus ad corneam, non videbimus, nisi confuse. Hoc in figura explicatur. Sit in *fig. XI.* AB cornea oculi sani, sit DE axis visus, sit CA aliaeque lineae similes radii paralleli ad axin DG, quales ab omni puncto remotiori ad corneam adveniunt. Pone nunc hos radios refringi in punctum E, in quo axis visus secat oculum, tunc oculus distinctissime videbit objectum, & linea AE erit refractione lineae CA, quae, si nullum

N 3

obsta.

obstaculum invenisset, recta pervenisset ad F. His positis, in axi visus DE ponamus punctum aliud G, radii ab eo venientes erunt GB & GA, & si radius GA recta perrexisset, perrexisset usque in H, sed GH non est parallela axi. Ergo refractione lineae GH, non erit ad idem punctum, ut fuit refractione radii CA, qui axi parallelus est, neque adeo radius veniens a G cadet in locum, in quem refringitur radius veniens a C, sed in aliud punctum quodcunque, extra axin visus positum. Id autem punctum non erit in retina. Cum enim vis refringens radios omnes aequaliter deflectat ad perpendicularum, sive axin visus, citius in eum axin incidet radius, qui cum ipso minorem angulum facit ut CA, tardius qui maiorem ut GA. Ergo objectum G nimis prope ad oculum positum omnes radios facit divergere a puncto visus, hinc id objectum non apparebit ut unum punctum, sed ut plura, hinc visus confusus est. Quo propius autem G admovetur oculo, eo minus radii paralleli erunt, & eo magis post refractionem divergent, eo etiam visus confusior erit, & ultimo objecta plane non videbuntur, si proxime oculo adplicata fuerint.

CLXXXI. Haec fuerunt duo vitia oculi sani, omnino inevitabilia. Nempe remota objecta depinguntur quidem in oculo optimo,



timo, sed debilius, quia radii sufficienti copia non adsunt, puncta vero propinqua colliguntur in focum longe ultra retinam positum, & in collectione penetrant retinam nimis ampla imagine, & implent totum oculi fundum innumeris suis radiis, unde confusio nascitur. Remedia contra haec vitia erunt, quae nunc recensleo. Primo dabitur opera, ut bonus oculus remota objecta clare conspiciat. Deinde oportet fieri, ut huiusmodi oculus possit propinqua clare & distincte videre; conveniunt ergo telescopia & microscopia.

## CAP. VI.

## TELESCOPII USUS.

CLXXXII. Ad primam indicationem requiritur nihil, nisi ut plures radii a puncto visibili colligantur, & collecti a quolibet puncto plurimi & paralleli cum axi oculo applicentur. Cum enim omnes radii, qui paralleli adveniunt, semper refringantur in punctum visus, eo posito distincte videbit oculus, sicque visui succurritur. Hoc remedium dicitur *telescopium*, quod casu inventum fuit a IACOBO METIO, Alcmariensi, fratre egregii illius mathematici METII. Iste frater, cum ingenio non multum valeret, vitam otiosam vivebat, & u-

nicus ipsi labor erat expolire vitra cava & convexa. Casu adeo formaverat convexum ab utraque parte vitrum, sciebat id radios solares colligere & urere, & grandiora objecta reddere. Alterum habebat vitrum utrinque cavum, fortuito admovet haec duo vitra tubo, tubum adplicat oculo, & invenit telescopii usum, nempe observavit METIVS se objecta remota distincte videre. In f. 12. AB est lens ex vitro politissimo facta, utrinque aequae convexa. Sed olim demonstratum est, omnes radios parallelos, id est, a remotis objectis radiantes, qui incidunt in omnem superficiem AB, distincte refringi in unum punctum D ad distantiam sesquidiametri illius sphaerae seu lentis. Sit ergo distantia sesquidiametri hujus sphaerae ab A & D in B. Ergo omnes radii intra parallelam CA, & CB, in punctum D colliguntur, qua haec distantia definita est, idque punctum dicetur focus. Si nunc oculus ejus naturae esset, ut posset ferre illud punctum D, tunc deberet objecta, unde radii incidunt, videre eo distinctius, quo vitrum majus esset, quia tanto plus radiorum reciperet pupilla, quo id vitrum esset latius. Si v. g. sphaera seu lens vitrea AB maximae esset diametri, ac ingens conficeretur telescopium, cujus vitrum centuplo majus esset apertura pupillae oculi, tunc cen-

centuplo plures radii per hoc vitrum ingrederentur in oculum, & oculus ea objecta, quae propter debilitatem radiorum videre non poterat antea, jam distincte videret, nam augendo vitri diametrum radiorum multipliciter augeo. Verum oculus bonus non semper ita se habet, ut maximam radiorum copiam ferre queat, hinc per illa maxima vitra non semper videre possumus. Nam primo, si poneremus oculum ad illum focus, non ideo focus vitri in retinam nostram caderet, & deinde nimia lux adesset, quam oculus ferre non posset, hinc confusio fieret & molestia. Si vero oculum a foco D removeremus, nihil videremus omnino, siquidem in eo casu radii in corneam incidentes non essent paralleli. Si eundem oculum a vitro removeremus ad eam distantiam, ut radii paralleli forent, tunc non satis radiorum haberemus, quia dissiparentur. Ita, si paulo post focus D ponerem oculum, & vitrum converterem versus stellam aliquam, nihil viderem nisi confuse, & hoc ideo, quia radii illi, etiam ab adeo remoto objecto ad corneam pulsati, nunc paralleli non essent. Ergo in hoc casu opera danda est, ut radii, qui divergunt ex foco D, rursus fiant paralleli. Fit hoc interponendo inter oculum seu corneam FG, & focus D, vitrum utrinque cavum HI. Id refringit radios,



ut rursus paralleli fiant, & qui absque hoc vitro HI nimis convergerent, divergunt nunc, & fiunt ad axin visus paralleli, & ea directione incidunt in corneam FG, & colliguntur in fine axis visus, sicque visus erit perfectus; & tunc objecta ad CE posita, videntur poni in D, atque depingentur in retina ad finem axis visus. Quo clarior sphaera est, five lens telescopii, & quo accuratius vitrum cavum ad focum D ponitur, eo melius videbo objecta. Ea autem nobis aequae distincta videntur, five propinqua five remota fuerint, duabus maxime de causis. Primo, quia omnes fere radii objecti colliguntur, hinc ergo lucidum objectum repraesentatur, & nullum habemus melius argumentum judicandi de objecto propinquo, quam ex luciditate. Hinc punctum C propinquum nobis videtur, quia lucidum nobis adparet. Ita etiam, dum videmus lucernam ardentem ex longinquo, credimus eam admodum vicinam esse. Secundo, quando majora videmus objecta, semper propinquitatem ex magnitudine judicamus. Si ergo vitrum fecit, ut radii omnes objecti in oculum veniant, id objectum magnum videbitur, hinc propinquum. Non ideo objectum in retina majus depingetur, hoc nullum vitrum facit, sed vividius pingetur tantum, quia plures ejus radii colliguntur, hinc imaginatio

ginatio nostra nos judicare facit objectum propinquum esse, sicque fallitur imaginatio a radiorum copia. Ergo bonus oculus potest adjuvari istis perspicillis, quae faciunt, ut omnes radii colligantur in unum punctum, & inde paralleli ingrediantur in oculum, & sic fallitur imaginatio. HUGENIUS fecit telescopium ad tubum centum pedum, ita ut ad quartam leucae partem potuerit legere litteras, idque noctu, adposita tantum candela: & ab his telescopiis solis pendent inventa GALILAEI DE GALILAEIS de siderum constitutione vera, &c.

## CAP. VII.

## MICROSCOPIORUM USUS.

CLXXXIII. Ad secundam indicationem, si objectum nimis propinquum sit, quam quod distincte videatur, debet interponi tale vitrum, quod radios divergentes ita disponat, ut corneae paralleli adplicentur ii, qui ad nimis parvos angulos prius incidebant in oculum. Vitra quae hoc faciunt, dicuntur microscopia. Microscopium ergo facit, ut radii ex puncto propinquo emanantes & divergentes, iterum fiant paralleli, & paralleli etiam ad oculum vergant, quod demonstratur ex dioptricis. Constat enim ex praecedentibus demonstrationibus, omnes radios, qui paralleli incidunt ad axin in vitrum convexum, postquam exierunt, conveni-

re ad distantiam semidiametri convexitatis in unum punctum. Ponamus ergo in f. 13. esse AB lentem vitream utrinque convexam. Sit DC distantia semidiametri lentis AB, ergo omnes radii, radio E paralleli, coibunt, & punctum C verus focus est, unde, si radii a sole veniunt, in puncto C focus erit in quo urunt. Conversa nunc est, si ex eo puncto C radii manarent, ubi posuimus eos colligi, tunc in lente vitrea refringerentur, parallelique ad axin visus fierent. Ergo radius CA refringeretur in lente, & ubi exiret ad E, tunc omnes alii radii, qui ex puncto C incidunt in vitrum AB, fient rursus paralleli ipsi & inter se. Sit ergo lens AB ad unius dimidii pedis ab oculo distantiam posita, sit punctum C focus, ubi paralleli ex E & nunc refracti radii colliguntur. Si in punctum C nunc punctum visibile posuero, radiabit id in infinitum per omnem sphaeram magni orbis, & omnes radios post refractionem faciet parallelos ad axin visus, & oculus videbit punctum C, quasi esset in ea distantia, quae est lentis AB ab oculo. Si nunc ante hujusmodi oculum ponitur vitrum convexum, tunc omnes radios objecti accipiet, & ipsi magnum videbitur, dummodo distet ad semidiametrum lentis, cujus diameter unus pollex est, hinc ad unum pollicem, lente adplicata, videbo objectum. Verum



rum si vitrum fecero non majus centesima parte pollicis, tunc videbo objectum cum eadem claritate, qua viderem si ad unam centesimam partem pollicis distaret. Quo minus vitrum erit, eo propius oportebit oculo, & objecto admoveri. Qui oculum bonum habet, sed objecta propinqua non clare videt, utatur vitro utrinque convexo, & observet praedicta monita, & utique objecta distincta videbit. Hinc, per observationem prius positam, quia objectum vere remotum nunc propius nobis adparet, & una ob copiam radiorum, quos convexa lens colligit, in vividiori luce, mens ex utraque causa fallitur, creditque objectum sibi majus fieri. Ut ergo proximum objectum distincte videat, debet habere vitrum utrinque convexum, tuncque videbit objecta quasi ad semidiametrum vitri remota essent. Ex dioptricis enim videmus, radios in sphaeram incidentes convergere post semidiametrum. Si vero vitrum ab una parte convexum, ab altera parte planum fuerit, tunc focus erit in duplo majori distantia, id est, totam diametrum distabit, & tunc radii erunt paralleli, ergo vitrum duplo remotius oculo debet admoveri. Si vitri diameter fuerit aequalis duodecimae parti pollicis, tunc focus erit in distantia duodecimae partis pollicis. Si nunc vitra centuplo minora adhuc fiunt, tanto

tanto propinquius objectum videbitur. Hinc ratio patet, cur in microscopiis minimis objecta tam propinqua esse debeant, nec non, cur lateralìa objecta videri nequeant, quia radii inde venientes continuo divergunt. Ergo ex dictis patet, nullum oculum esse sine vitio. Primum vitium est ab objecto, quod minus remotum sit vel propinquum, ut radii sufficientes non incidant. Alterum est ab oculo, quod non possit colligere objecti radios in focum in retina, quia non sunt paralleli, hinc illi radii per vitra mutari debent.

## CAP. VIII. DE MYOPIA.

CLXXXIII. Auctores, qui de hoc malo scripserunt, ut SENNERTUS & alii, ex ignorantia matheseos distinctum & verum conceptum de eo non habuerunt. Nos jam totam rem ex simplici deducemus fundamento. Myops dicitur, qui oculum sic habet factum, ut radios luminosos ex puncto, oculo proximo, in corneam manantes, sic colligat in retina, ut distincta ejus puncti in retina imago pingatur, ut adeo oculus distincte videre possit propinqua, omnia vero objecta paululum remotiora mox incipiant confusa adparere. Hujusmodi vitium seu phaenomenon adparens facit myopiam. Mensura

sura ejus exacta dari nequit, verum, si homo non distincte nisi citra pedis distantiam videt, & remotiora videre non potest, ille jam erit myops. Alii tamen intra dimidii pedis distantiam, alii intra unius aut dimidii pollicis distantiam tantum clare vident, ita ut objectum oculo plane admove-  
re debeant.

CLXXXV. Causa hujus mali ex sequentibus explicatur. Sit AB in f. 14. cornea myopis, sit linea indefinita CD axis visus, sit D punctum visus. Oculus bonus vocatur, quando ( ut ex praecedentibus ) omnes radii, qui paralleli sunt ad axin CD, possunt videri, id est distinctam imaginem faciunt. Myopicus nunc oculus est, quando radii paralleli omnes videri nequeant, sed eorum aliqui dissipantur. Oculus myops radios quidem incidentes ad angulos minores colligere potest, non vero eos, quibus angulus major est. Sit ergo E punctum, unde advenientes radii in retina myopis conveniunt, sive in punctum visionis distinctae, eo magis myopicus oculus erit, quo propius punctum E ab oculo distat. Myops vero esse poterit, vel quia plures radios ab uno puncto manantes accipit, vel quia radii majorem patiuntur refractionem. Quod primam causam adtinet, tot radii videri possunt ab oculo, quot in corneam possunt in-  
cide-



dere ab objecto, & quo propius objectum est oculo, eo magis, & quidem in quadrata ratione distantiarum, compactiores habebit radios oculus. Si ergo punctum visibile est in E, tunc cornea colligit omnes radios existentes in angulo AEB. Igitur duplex linea ducatur ex puncto E, & AEB angulus erit, qui radiorum collectionem significabit. Deinde tanto pauciores radii in idem spatium cadunt, quanto majus est quadratum distantiae, & si C quater remotius est, quam E, tunc C sedecies pauciores radiorum dabit oculo quam E. Hinc, si quis presbyops bene videre potest objectum remotum ad decem pedes, & myops objecta tantum ad decimam pedis remota ab oculo recte videt, tunc diversitas distantiarum punctorum visionis distinctae in utroque erit centupla, & myops decies millies plus radiorum accipiet quam presbyops. Conversa est, duo oculi ita sunt dispositi, ut in visione distincta alter alterius centuplum radiorum accipiat, dico, qui plures radios accipit, eum myopem esse, & si oculus ita factus est, ut plures radios accipiat, quam oculus optimus, is oculus erit myopicus.

CLXXXVI. Quod ad alteram causam, nempe diversitatem refractionis adtinet, huc varia pertinent.

*Primum theorema.* Quo punctum radians in corneam ipsi corneae propius est, eo angulus radii incidentis in corneam minor est. Sit ergo ultimus radius, a puncto E adveniens, EA. Sit AD inclinatio, qua refringitur linea EA versus AB, patet illum angulum, qui fit ex linea EA cum linea refractionis AD, minorem esse quam illum, qui fit ex linea CA cum eadem AD, & quo remotius est punctum C a cornea, eo obtusorem esse angulum CAD constat. Ergo oculus myopis eam habet naturam, ut punctum, quod distincte videt, mittat radios suos in oculum, ad angulum minorem, quam in bono oculo fit.

*Secundum theorema.* Hinc patet differentia inter bonum oculum & myopem, quod nempe in bonum oculum radii incidere debeant paralleli, in myope vero ad angulos minores, haecque mensura eousque procedit, ut maxime myopibus anguli EAD debeant esse minimi omnium.

*Tertium theorema.* Illi radii, qui ad angulos minores incidunt, semper colliguntur in focum a puncto incidentiae remotiori, quam si inciderent ad angulos majores. Sint iterum C, & E duo puncta, quibus indicantur distantiae visionis distinctae oculi boni & myopis. Radius, qui a C manat, si in nullum obstaculum offendisset, perexisset recta in

Q

P,

P, & radius ex E emanans, si non invenisset corneam, perrexisset in O. Quo nunc majorem ad angulum radius advenit, eo minus sursum vergit, & quo anguli minores sunt, eo magis sursum reflectitur. Quum porro radii infringantur ad proportionem angulorum, cum quibus incidunt, & illi radii, qui ad minores angulos incidunt, remotiori in puncto colligantur, ergo radius a C magis intra oculum verget, & radius ab E magis exteriora versus. Ex eadem enim causa, si radius CA convergit a viribus lentis coactus, in retinam in D, radius EA ab iisdem causis non poterit eo conslecti, sed cadet in lineam AD in aliquo puncto remotiori, non adeo in retinam. neque adeo poterit pingi in oculo. Ergo oculus, qui requirit radios incidentes ad minores angulos, cogit eos longe ad posteriora in fundo oculi.

CLXXXVII. Myops oculus nunc physice erit ille, qui requirit visum propinquum, ut distincta fiat imago. Hujusmodi oculus, si radios ab objecto remotiori acceperit pene parallellos, eos coire coget quidem in unum punctum, sed in punctum aliquod intermedium vitrei humoris, ut in K. Tunc vero fit, ut sese intersecent radii, hinc in retina in multis punctis v. g. M, N, pingantur; nam post punctum K iterum divergunt radii, ita  
ut



ut radius *CA* refringatur usque in *N*, & radii *CB* usque in *M*. Ergo in *M* & *N* pingetur imago, unde etiam inverse pingitur, hinc omnia confusa adparent, nam punctum *C* pingitur in integra linea retinae *MN*. Hujusmodi ergo homines, si paululum ab objecto visibili remoti fuerint, vident omnia objecta inversa \*\*, nec discernere possunt, cum praeterea simul pauciores radii ob quadratum distantiae supra dictum, in corneam incidunt.

CLXXXVIII. Causa physica in oculo hujus mali varia esse potest. Considerandum ergo jam est, quo modo oculus myopicus interne constitutus sit, ut radii, quemadmodum diximus, refringantur, & qualis oculi figura faciat, ut vel sola propinquiora, vel sola remota distincte videantur. Infinita sunt in oculo, nec unquam explicanda, quae hos effectus facere possunt, duas vero saltem saepissime observatas causas hic proponemus.

*Primo.* Nimia oculi longitudo facit myopiam. Si enim oculus duorum hominum, in omnibus convenit, verum in uno homine longior est, quam in altero, & humores in eadem proportionem differunt, tunc longior oculus erit myops. Omnia enim eadem sunt in utroque oculo, ergo radii emanantes ab iisdem punctis colliguntur ad

eamdem distantiam retro corneam in utroque, sed non in eodem puncto retinae, nam in oculo longiori, retina magis ad posteriora a cornea abest, ut in hoc punctum collectio radiorum non incidat, sed ante retinam, adeoque radii, qui in bono oculo pingunt objectum cum sua imagine in retina, in longiore oculo ad retinam non pertingunt, sed post collectionem iterum divergunt. Vide *figuram* 14. Hinc infantes omnes myopici sunt, quando tenelli hactenus habent caput oblongum. Ponamus ergo in bono oculo retinam esse in *D* *fig.* 14. & radios eo pervenire, tunc videbit oculus. Si vero in oculo myopis radii tantum perveniunt ad *d*, radii quidem ab iisdem causis colliguntur in *d*. Verum cum retina ibi non sit, non illic pingetur objectum, sed post collectionem radii ad retinam pertingent disiecti, variasque pingent imagines, unde visus confusio fit. Longior autem oculus fieri potest per inflammationes, compressiones, scirrhosos tumores & similia vitia, ab iis enim poterit comprimi ita, ut elongetur, praecipue ab ultimis. Ex his etiam patet, auctores, qui causam myopiae in crassitie corneae unice posuerunt, nullatenus nobis satisfecisse.

*Secunda causa* est corneae convexitas nimia. Si ponatur oculus perfectus, omnibus manen-

manentibus iisdem, & cornea unice fiat rotundior, vel abeat in segmentum minoris sphaerae, oculus ille erit myops. Omnes nimirum sphaerae aquae radios parallelos ex aëre incidentes colligunt in focum distantem per semidiametrum a puncto incidentiae. Ergo, quo minor est sphaera, eo focus propior erit incidentiae. Hinc, cum radiorum refractione dependeat ab incurvatura in corneam, & cornea nunc rotundior sit, tunc major, & adeo propius ad corneam fit refractione, & eodem modo, prout convexior erit cornea, eo homo magis erit myops. Si duo oculi in omnibus conveniant, sed in uno corneae sphaera sit triplo minor, in hoc oculo triplo propius colligentur radii, & si inciderint in corneam diametri unius pollicis, & in alterum oculum, cujus cornea est sphaera diametri quatuor linearum, tunc colligitur focus in priori oculo ad semipollicem a cornea, in altero ad sextam partem pollicis, hinc in posteriori oculo collectio foci non fit in retina, sed ante retinam, nisi objectum ita prope ad corneam admoveatur, ut radii retro retinam convergant, secundum demonstrationem f. 14. Ergo, si cornea ita adficatur, ut in sua diametro minor fiat, id est rotundior, tunc oculus erit myops. Sed praeterea omnes causae, quae faciunt oculum oblongiorem, eadem cor-

O 3

neam



neam rotundiores faciunt. Quum enim oculus, ut longior fiat, retrahatur, cornea a pressione in parte anteriore convexior fit. Confer huc ea, quae scripsit de hac re D. DE LA HIRE (in Collectione Scriptorum ACADEMIAE PARISIENSIS.)

CLXXXIX. Hoc malum ut plurimum immedicabile est, quando a nativitate oritur. Et ea, quae Cl. DE LA HIRE in suo operoso tractatu de myopia, & quae alii medici dicunt de humoris vitrei & lentis crystallinae vitiis, de iis nihil demonstrant. Causas illas omnes possum nescire ut medicus, dummodo sciam oculum esse myopem, qui radios nonnisi propinquos colligere potest, quaecunque demum causae sint ejus vitii, perinde novi harum causarum effectum esse, ut propinquiorum, non longinquiorum objectorum imagines in retina colligantur, hocque sufficit; eo enim noto, scio, quid facere debeam, id est, antepone oculo vitrum, quod faciat, ut radii ex objecto remoto manantes, eodem modo colligantur, quo colligerentur, si ex objecto propinquo advenirent. Confer HUGENIUM. Causae adeo myopiae referri possunt ad has duas, ut vidimus antea, longitudinem oculi, & rotunditatem corneae. Haec vero mala fient vel a causa externa premente oculum, vel corneam, vel ab utraque simul. Infinitae adhuc

adhuc causae fingi solent de soliditate majori & minori, de remotione vel majori vel minori lentis crystallinae, & similia, verum haec omnia mala vera esse nequeunt.\* Quae & si vera essent, a solo vitro curari non possent.

CLXXX. *Curatio.* Est problema jucundissimae solutionis in praxi. Queritur remedium, vel quid faciendum sit, ut oculus ex sua structura myops, fiat oculus bonus, qualem descripsimus, qui nempe remota & propinqua omnia distincte videat per radios parallelos incidentes in oculum, dummodo adsint copia sufficienti. Nempe myops videbat eos radios, qui ab objecto eos valide dispergente adveniunt: faciendum ergo, ut etiam a remotis objectis advenientes radii dispergantur, nam corneam & longitudinem oculi mutare non possumus. Totum ergo artificium consistit in eo, ut radii a quocunque objecto incidentes, sic mutem, ac si venirent ab ea distantia, ad quam oculus myops distincte videt, sive ut fiant tales, qui oculum per radios parallelos sufficienter feriant, ut videat distincte. Sicque beneficio hujus auxilii fit perfectissimus visus in oculo myopis. Non enim tantum objecta remota aequè videbit, ac bonus oculus videt, sed etiam objecta propinquiora, quae alius oculus bonus videre non potest, egregie

gie distinguet. Id ergo solum agendum est, ut primo sciam distantiam, in qua oculus myops objectum distinctissime videt. Deinde, si id punctum novi, requiritur a me, ut radii reliqui, a remotiori puncto, quam hoc idem est, quod nunc determinavi, advenientes, dum veniunt ad oculum, ita refringantur, ut videantur ab ea distantia oriri, in qua myops oculus optime videt. Ponamus ergo oculum myopem optime videre in quatuor pollicum distantia AB f. 15. remotiora autem non videre. Hanc distantiam ut inveniamus, oculus est figendus, quod fit, si laminam cupream, foramine pertusam, oculo immediate adplicemus, ita, ut centrum foraminis sit in eadem linea cum axi visus. Tunc objectum quoddam conspiciendum myopi ante foramen ponamus, & sensim longius removeamus, donec dicat se confuse videre, tuncque rursus adpropinquamus, donec aeger dicat, nunc distincte video. Hanc nunc distantiam circulo metimur, ut exactam ejus longitudinem habeamus. Hisce factis, fiat vitrum utrinque concavum, ita ut utraque concavitas sit segmentum sphaerae, cujus semidiameter sit illa ipsa distantia AB f. 15. Hoc est, sumo distantiam AB pro radio, formo ex ea sphaeram, ex lege artis. Si nunc in f. 15. AECD vitrum, quod ab utraque parte con-

cavum



cavum est, (concavitate ea, quae respondet convexitati sphaerae diametri duorum pollicum), si tale inquam vitrum ponitur ante oculum myopicum, ei repraesentat omnes radios, quasi advenirent ipsi a puncto visionis distinctae. Hoc enim vitrum radios omnes facit divergere, & myopes tantum vident per radios divergentes, hinc hujusmodi vitra iis conveniunt, quia, ut dictum, radios, qui a remotis objectis paralleli veniunt, divergere facit. Si vero vitrum maluerim ex una parte concavum, ab altera parte planum, curo, ut ab una parte excavetur praedicta sphaera, ut in f. 19. sed duplo cavior fieri debet, tuncque aequae bene videbunt myopes ac viderant, cum per vitrum utrinque cavum videbant. Nihil certe in rerum natura mirabilius est hac arte, nam ignota absolute causa physica, sed viso tantum phaenomeno, ingenium humanum eo pervenit, ut non tantum puncta inter C & E *fig. 14.* sed etiam remotissima aequae bene videat myops, ac si esset oculo optimo praeditus. Quod autem vitrum una parte concavum eundem effectum habeat, ac illud, quod ab utraque parte cavum est, fit, quia punctum dispersionis est ut focus, ille ut semidiameter, idem ergo erit an sumantur diametri duae circuli, vel una diameter circuli duplo major.

CLXXXI. Ratio jam examinanda est, cur haec fiant, quae nunc dicta sunt. Notum est, quando objectum uno pede remotum est, nos bonis oculis praeditos, unico momento, unicuique tantum videre punctum, ut supra diximus, & objectum ea distantia remotum tam paucos & dispersos radios emittit, ut pro parallelis haberi possint, & eundem focum habeant, ac si paralleli essent. Verum cum his radiis myops videre nequit, hinc requiritur in ipso, ut radii collecti iterum dispergantur, donec in oculi myopis retina colligantur. Novimus ex antecedentibus quid fiat, quando radii paralleli in vitrum utrinque convexum incidunt; si vero iidem paralleli inciderint in vitrum utrinque concavum, contrarii erunt effectus, nam per concavum vitrum incidentes dispergantur, per convexum colliguntur. Verum, quemadmodum punctum illius collectionis est ad semidiametrum illius distantiae, ita hic etiam ad eandem distantiam est punctum dispersionis. Sint ergo in f. 17. radii omnes paralleli Ee, KK, advenientes a punctis E, K, ii omnes convergent in bono oculo in puncto retinae e. g. O ad semidiametrum a cornea, ibique urerent, si cornea vitrum esset, quia id punctum O punctum collectionis est. Sed myops non videbit, quia, uti dictum est, hi radii cadunt ante punctum

etum retinae O, in aliquod punctum Q. Si ergo nunc vitrum praeponatur oculo cavum, tunc radii alio modo decurrunt, nam omnes radii, qui paralleli advenerant, post refractionem iterum disperguntur, quod requiritur ad visum myopi reducendum. Sit vitrum illud cavum ABCD, tunc radius Ee refringitur, & post refractionem passam dispergitur versus F. Sic etiam radius KK, post refractionem passam tendit in G. (Produc has lineas donec cadant in axin visus, in puncto P erit axis dispersionis, sive punctum, a quo radii oculo videbuntur prodire. Hoc punctum erit limes bonae visionis myopis, per conversam eorum, quae de sphaerae vi colligente dicta sunt. Facile enim intelligitur, uti sphaera colligens focum efficit ad semidiametrum post locum refractionis, ita sphaeram diffringentem, focum facere ad semidiametrum ante superficiem refractionis. Sed ex constructione vitri semidiameter hujus vitri est aequalis distantiae visionis distinctae, & idem erit myopibus, sive ad eam distantiam objectum admoverint, sive vitri cavi ope fecerint, ut radii ab objecto remoto in eadem directione adveniant oculo, ac si objectum radians in eo puncto poneretur.) Utergo objectum propinquum adpareat, myopes per concavum, boni oculi per convexum vitrum debent videre, illudque nobile inventum soli



HUGENIO debetur. Si vero utamur vitro in una tantum parte concavo, altera plano, simplex tantum erit effectus, hinc duplo magis excavari debent, ut idem sit effectus.

CLXXXII. Ex his sumuntur infinita problemata jucundissimae solutionis.

*Primo* quaeritur, cur, quo convexior est cornea, eo objecta debeant esse propinquiora, id est, cur homines tunc magis sint myopes, & per concavum tantum vitrum remota videre possint? Ratio demonstrata est in historia microscopiorum. Quo enim corneae diameter major vel minor est, eo focus erit remotior vel propior; sic manente eadem distantia puncti radiantis, si oculus sit magis convexus, focus semper erit incidentiae propior, focus enim semper est ad semidiametri distantiam. Si ergo oculus duplo convexior fieret, nempe ut segmentum circuli minoris, eo etiam diameter corneae minor, & duplo propior ab incidentia focus fieret, & oculus magis myops foret. Quia vero remedium a distantia objecti peti debet, hinc vitrum debet esse eo magis concavum, quo magis est myops, & in hoc quidem casu, duplo concavius.

*Secundo*: quare, quo oculus longior, eo oculus ille caeteris paribus magis myops est, & cur tunc vitra magis cava requirit, id est ex majori sphaerae ejusdem segmento confecta?

fecta? Ratio est, quando retina magis remota est a cornea, focus oculi cadet inter eam & lentem. Hic ut radii magis divergant requiritur, ut adpareat, ac si ex objecto propiori prodiissent. Prouti adeo longior est oculus, eo magis dispergens radios vitrum requirit, hoc est, magis concavum.

*Tertio* quaeritur, cur omnes pueri recenter nati sint myopes? Lactentes nimirum infantes, si ante oculum ipsis objectum quoddam remotum ponimus, nullum signum dant se quidquam videre, si vero propius oculo admoveamus, gaudium aliquod demonstrant & rident. Observavit hoc CARTESIUS. Ratio est, quod infantibus cornea rotundior sit. Hoc etiam pictores observant, qui lactentes infantes depingunt, a latere inspiciendos, rotundum enim & prominentem adpingunt oculum. Oculus autem planus a latere pictus, senem repraesentat. Et hoc etiam observamus, quod, dum sumus juniores, remota non ita bene videamus, ac quidem tunc fit, quando ad viginti vel triginta annos pervenimus.

*Quarto.* Cur omnis myops in senectute melius videt, quam in juventute videbat? Est itidem vulgata observatio, & ajunt in vulgus, qui myopem vident, ille visum non amittet, & vice versa. Ratio est, quando senium omnes fibras sicciiores facit magisque

que contractas, eadem mutatio in cornea fit, tunc adeo ex figura sua rotunda mutabitur in planam, contractis, hinc planescentibus incurvis ejus membranae fibris. Id nimirum in senibus videmus, in quibus cornea tunica vix eminet. Quare, si cornea in juvene antea ita disposita fuerit, ut focus ex visibili puncto coiret ante retinam, in eodem nunc lene, quando cornea planior facta est, focus a cornea remotior erit, hinc feriet retinam, & bona visio fiet. Hinc nullus visus datur, qui increseat & melior per aetatem fiat, praeter myopum visum.

*Quinto:* Quaeritur, cur myops in tenebris melius, quam illi, qui bono visui gaudent, objecta videat ita, ut circa vesperam minutas satis litteras legere queat? Ratio est, quia nihil facit vires videndi, posito oculo eodem, praeter vim luminis. Vis autem haec pendet, vel ab activitate magna paucorum radiorum, vel ab activitate parva multorum radiorum. Sit e. g. objectum, ex quo 100 recipio radios, deinde fiat, ut ab eo 50 recipiam, eos autem duplo fortiores, res perinde erit, & aequè videbo objectum. Cum vesper accedit, lux vires suas amittit, motore suo five sole recedente. Verum, dum boni oculi remotiora unice recte vident, v. g. ad pedis distantiam, & myops objecta sua ad pollicis distantiam adspicit, hinc,,



hinc,, ut est quadratum distantiae pollicis ad quadratum distantiae pedis, sic erit copia radiorum, quos homo ex pollicis distantia accipit, ad copiam radiorum, qui a pede adveniunt, nempe  $\therefore 144. 1.$  Copiam autem radiorum idem facere, ac vim radiorum, videmus in bonis oculis, qui circa vesperam visuri sunt objectum, ii nempe, ut bene videant, hoc objectum oculis adpropinquant, eo fine, ut plures radios ab eo accipiant, pro ratione quadratae distantiae inminutae. Nam adpropinquando luminis non augeri possunt vires, verum radiorum copia hoc modo augetur, & ab inde melius vident. Idem tamen homines presbyopes, si nimis adpropinquant objectum, rursus non vident, quia prae corneae vel oculi figura radios male colligunt, per priora. Myopes vero magis adpropinquare possunt objecta, & tamen distincte videre, hinc plus habent luminis, & melius vident. Si ergo aequalia relinquo omnia, & objectum aequae illuminatum est, quod myops ab unius pollicis distantia videt, ac alterum, quod presbyops videt a decem pollicum distantia, centuplo plus radiorum colliget ab eodem puncto myops, quam ille, qui a decem pollicum distantia videt. Et vicissim, qui ad pollicis distantiam videt, centuplo minore cum lumine, videbit adhuc, ubi alius visus jam periit.

*Sexto.*

*Sexto.* Quaeritur, cur myopes omnia videant majora. Hoc verum esse non posset ostendi, nisi remotum objectum ipsis myopibus propius admooveretur, tunc enim statim, ac si mirati essent, majus illud ipsis videtur. Ratio ergo sola propinquitas est, nam videmus objecta majora vel minora, juxta finem angulorum. Quo major est angulus i. e. quo magis objectum oculo admoventur, eo majus adparet objectum. Ponamus itaque in *fig.* 18. esse oculum in C, & ponamus ultimum litem visibilem AB. Ducantur lineae AC & BC, & omnia videbit oculus, quae continentur in triangulo CAB. Inter haec objecta magnitudinis diversitatem non distingueremus, nisi per vivacitatem colorum, vel per alia objecta interposita eam distinguamus. Ita, si in loco satis excelso positi essemus, & per parvam fenestram apertam coelum adspiceremus, adparebit nobis tantum illa pars, quam videmus, coeruleum spatium, fenestrae aequale. Et, si pictor curiosior chartam accurate & eodem colore pictam fenestrae magnitudini aequalem adplicaret, nos, si secundo in eandem cameram duceremur & versus illam fenestram respiceremus, satisque lucis in camera esset, crederemus iterum nos videre illam partem caeli coeruleam, cum non sit nisi exigua charta. Ergo chartam aequae magnam videmus, ac  
partem

partem caeli, quam videramus per fenestram eandem, & in universum omnes illae lineae AB, DE, FG, HI, KL, semper sunt aequales quoad magnitudinem sensibilem, quamvis in se ipsis differant; & ultima AB non videtur visui major, quam proxima HE. Hinc, si fenestra sit KL, illa pars caeli, quamvis sit enormiter major fenestra, uti linea AB major est, quam linea KL, tamen visuro non adparebit major. Myops autem, qui remota non videt, si v. g. distincte non videt ultra lineam HI, videbit eam totam, videbit tamen adhuc lineam FG, sed non integram, verum tantum illius lineae partem *op*, quae pars aequae magnitudinis est ac linea HI; ergo myops tantum partem lineae videt, quam bonus oculus totam repraesentat. Hinc objecta myopibus, nisi propinqua fuerint, minora videntur, quam bono oculo. Propinqua autem myopibus majora videntur, quam nobis, bono oculo utentibus, quia ea distinctius vident & judicant de magnitudine objecti ex magnitudine majori vel minori anguli, qui fit a duabus lineis ductis ab extremitatibus objecti versus oculum, iste autem angulus major est, quo objectum propius oculo admovetur. Ita si linea AB, quam volumus a myope videri, ponatur in locum *op*, majorem facit angulum, quam tunc, quando inter puncta A & B continebatur, anguli enim *oCM* & *pCM*



maiores sunt, quam anguli BCM & MCA. Hinc eadem linea *op*, quo majori sub angulo spectatur, eo major adparebit, quoniam, ut demonstratum jam est, minimum objectum, si propinquum fuerit, majorem habet angulum visivum, quam objectum majus non ita propinquum. Ergo myopes in sua distantia tanto majora vident objecta, quanto propinquiora sunt, hinc vident distinctius. Nullam enim positivam, sed comparativam unice magnitudinem videmus, proportionem sui corporis consideratam. Hinc, si v. g. oculum habeam, qui faciat picturam centies majorem, quam ante semihoram erat, crederem illam picturam centuplo majorem esse, nisi meminerim me eandem ante semihoram vidisse, unde concipimus falsitatem repraesentationis. Sic etiam myopibus contingit. (Si enim illis dederimus vitrum concavum, tunc demum vident, se objecta ante vitri concavi usum, majora vidisse quam in se ipsis sunt, & dum remota distincte vident, mirantur, se objecta quae majora sibi erant, nunc minora quam antea videre. H. \*) Sed cum nullum aliud habeant argumentum contrarium illis persuadens, credunt objecta illa esse majora, quae majorem faciunt angulum versus oculum, id est, propinqua. Ergo picturae in illorum oculis, caeteris

caeteris paribus, semper majores sunt. Ex dictis etiam patet, duos homines de aequali objecti magnitudine judicare non posse, nisi se ipsos considerent.

*Septimo* quaeritur, cur myopes omnes ament legere minores litteras, & conquerantur se majores litteras scribere non posse, atque etiam, si majores legant characteres, oculum ipsis deficere? Ratio est, quia tantum propinqua videre possunt; sed cum majores litterae majus occupent spatium, & myopes eas adeo propinquas oculo adinovere debeant, maximus ab iis cum oculo fit angulus, hinc sane totum vocabulum ex majoribus illis litteris factum, uno momento legere nequeunt, & tantum temporis insumunt pro unico tali vocabulo, quantum nos bonis oculis pro integra linea inspicienda. Hinc in myopibus oculus valide moveri debet, ut integra legatur linea, quod valde molestum est. Videat in *fig. 19.* myops in distantia AB vocem *Inperator*, eam in angulo BEA videre debet. Sed is angulus amplius est, nec simul omnes litterae ab oculo perfecte possunt repraesentari. Hinc myops, ut litteras sigillatim omnes videat, debet oculum successive de puncto in punctum totae lineae AB obvertere, atque adeo debet plurimum movere oculum, cum bonus visus, qui ad distantiam CD videt, oculum

lum tantum movere debeat per angulum CED, qui angulus multo minor est, ejus ergo oculus minus movetur. Myops autem cogitur vel librum vel oculos movere, ut omnia vocis legendae puncta videat, hinc fit confusio, id est, vertigo. Nam myopes & oculos, & caput, & librum debent invertere, ut successive omnes litteras videant; quoties autem aliquamdiu hic labor durat, fit debilitas visus & vertigo. Omnis autem labor & molestia tollitur vitro utrinque concavo, ut explicatum est.

*Octavo* quaeritur, quare plurimi myopes lufci sint & strabones? Contorquere oculos videmus myopes, dum objectum propinquum adspiciunt, hinc strabones apparent, quamvis non sint. Ratio haec est, quo objectum propius admovetur oculo, eo plus habet umbrae. Sed ut videamus objectum, lux debet cadere in objectum, & reflecti in oculum, quod non facile fit, quoties objectum oculo nimis propinquum est. Hinc, ut objectum distincte videant myopes, ponunt ad latus, & ita oblique illud movent, ut lux ad angulos satis magnos & aequales in objectum incidat. Hinc myopes, quando oculum objecto oblique admovent, vel objectum oculo, tandem lufci fiunt, quia a juventute prima huic motui laterali oculos adfuefecerunt. Strabones autem



tem ideo fiunt: cum unus oculus movetur, alter instinctu naturali simili modo movetur; hinc, dum objectum tam propinquum admovent, statim axis visus etiam alterius oculi invertitur, & axes amborum oculorum ad se accedunt, simili modo ut in homine, qui in objectum naso vicinum respicit.

*Nono* quaeritur, quare myops oculus minima objecta videat distinctissime, & distinctius quam bonus oculus? Si demus myopibus objecta quaedam minima anatomica, optime etiam minutissima explorant, & absque microscopio distinctissime. Ratio est, quia propter propinquitatem objectorum, caeteris paribus, in ratione quadrata distantiae inversa plures radios ab eodem objecti puncto recipiunt.

*Decimo* quaeritur: Cur senes myopes omnia confusissime videant? Nam multi myopes in senio confuse vident omnia, & vitio vix emendabili. Ratio est, quia in senio, simulac incipiunt habere fibras uvulae minus mobiles, adeoque pupillam minus mobilem, magis dilatatam, non contractilem, sed magis apertam, ita ut fibrae circulares a longitudinalibus superari incipiant, objectum jam propinquum plurimos diversos radios innittit in oculum, hinc plurimi diversi fiunt anguli, unde diversae radiorum refractiones, hinc in diversis retinae punctis

objecti pingitur imago, & sic visus fit confusus. Ponamus in *fig.* 20. A esse objectum propinquum radians in corneam CD, omnes radii tunc intra angulum CAD intercepti, incident in corneam. Ut oculus distincte videat, requiritur ut omnes radii colligantur in unum punctum v. g. in B, quia ex uno puncto veniunt. Verum, quando tot radii incident, propter propinquitatem omnino incident ad valde diversos angulos, & quasi infinitos: atqui omnis radius, qui incidit ad alium angulum, refringitur in alium locum: hinc unus radius in hoc puncto retinae, alter in alio pingetur; hinc non una fiet pictura, sed plures. Ut hoc incommodum tollatur, interponatur corpus opacum, quod divergentes radios a retina arceat, huiusmodi ergo corpus est pupilla a DEO adposita, quae si posset magis coarctari, radii magis colligerentur. Hinc, quoties pupilla contrahi nequit, ut in senibus fit, quibus aperta valde & immobilis est, tunc confusus fit visus, nisi interponatur vitrum, quod radios arceat. Sed difficulter huiusmodi vitrum propter propinquitatem invenitur. Myopes ergo senes objecta remota videre non possunt, ob oculi longitudinem, tum etiam propinqua confuse vident, ob radios sub diversis angulis incidentes.

*Undecimo* quaeritur, cur myopes nunquam homines, cum quibus loquuntur, adspiciant? Ratio est, quia distincte videre non possunt, hinc sensu visus non utuntur, unde melius ad sermones adstantium adtendunt, quam ad eorum personas.

*Duodecimo* quaeritur: Cur myopes nunquam egeant perspicillis majora reddentibus objecta, ne in senio quidem. Demonstratum est  $\alpha$ ) Myopes habere convexitatem corneae majorem,  $\beta$ ) longitudinem oculi,  $\gamma$ ) & haec vitia utrinque aliquando juncta, aliquando singularia. Verum senium jam nihil facit, nisi contractionem majorem fibrarum, ex qua ipsa cornea planior fit. Ergo per senium myopis oculus bonus fit; hinc carere potest convexo vitro eo tempore, quo ab alio perspicillum requiritur. Eadem ratio est, quando myopia a longitudine oculi pendet. Ad finem scleroticae oculus orbitae adfigitur, nec alibi; cum ergo in cornea elasticae fibrae contrahuntur, trahuntur reliquae oculi fibrae versus corneam, hinc distantia minor fit, & radii, qui propius ante retinam colligebantur, jam in ea coeunt, sic etiam ex hac ratione vitium oculorum emendatur, quod oculus brevior reddatur.

*Decimo tertio* quaeritur, cur myops a cataracta per operationem curatus non indi-



geat vitris convexis ut alii? *R.* Lente subpressa, focus in puncto a cornea remotiori figitur, ut in retinam ipsam incidat, qui antea ante retinam colligebatur.

## CAP. VIII.

## DE VISU SENILI SEU PRESBYOPIA.

CLXXXIII. Presbytae vocantur illi, qui objectum distincte videre non possunt, nisi sit remotius a retina, quam in bono oculo. Id in senibus plerumque obtinere videmus. *Πρεσβυς* autem senex dicitur Graecis, & a senibus hic morbus nomen accepit. Distantiae visionis distinctae terminus est varius: in nonnullis ad unum pedem, in aliis ad duos pedes, in valde presbytis ad tres pedes requiritur, qui summus videtur terminus. His senibus, quoniam ad tantam distantiam litteras vident, videtur vulgo, visus roborari. Sed propiora non vident objecta. Quomodo haec contingant, figura 21. docemus. Sit axis visus AB, cornea sit CD, sit distantia EB unius pedis, & distantia AB trium pedum. Ponamus nunc v, g. caput aciculae positum esse ad E, tunc senex hoc caput confuse videbit, quo magis vero removetur, eo distinctius videbit, donec veniat in A, ubi distinctissime videt.

CLXXXIII. Quaeritur, quid hoc phaenomenon ponat in oculo.

1) Quo punctum A remotius est ab oculo, eo radios magis parallelus ad oculum mittit, quo propius vero est; eo angulum majorem cum extremis corneae punctis facient, per superiora, sive angulus CED semper est major quam CAD. Vis ergo refringens, in oculo senum, quae sufficit, ut radii AC & AD conveniant in B, retinae puncto, non sufficiet, ut conveniant radii EC & ED, qui magis divergunt.

2) Oculus CD, qui remotiora tantum objecta videt, longe pauciores radios accipit, & quidem longe pauciores ab A quam ab E. Duplex ergo concurrit diversitatis causa a myopibus, a) quod oculus ita sit dispositus, ut radios non possit colligere, nisi parallelus, verum quo propinquius est objectum, eo magis radii divergunt, b) quo remotius objectum, eo pauciores & debiliores radios mittit ad oculum; bonus autem oculus est, qui ad semipedem distincte videt, & quo ulterius abest objectum, eo melius videt, dummodo satis luminis adsit. Distinctio ergo inter bonum oculum & presbytem in eo est, quod bonus oculus se accommodare possit, ut objectum videat intra minus spatium, presbyter non possit. Ille enim potest mutare suam figuram, ut objecta

propiora videre queat. Quamdiu in uvea & sclerotica haec motus facultas adest, optimus visus fit, haec autem facultas in oculo senili perit. Omnes homines, qui in juventute bonos oculos habent, in senectute fiunt quasi myopes, dum propinqua videre student, &, ut oculus prius bonus propinqua nunc videat objecta, magis protuberantem debet facere posse lentem, ut oculus fiat quasi myopicus. In senibus vero, quia mobilitas scleroticae prior non adest, quae in juventute adfuit, eaque membrana dura est, & minus flexilis, & figura mutari non potest, & muscoli oculi etiam suam agilitatem amittunt, fit ut oculus intra suos musculos quasi figatur & conprimatur: Hae musculorum fibrae, in senio retrahuntur, hinc talis oculus immutabilis est, nec potest radios recipere, nisi plane parallelolos, & dum figitur in objectum propinquum, nihil distinguit. Ergo in senio, cum adsit fibrarum contractio, immobilitas corneae & retina magis distet, hinc oculus objecta propinqua non potest videre, sed remota videt utique. Causa proxima presbyopiae est nimia retinae propinquitas ad corneam, orta ex contracta sclerotica ex senio.

CLXXXV. Quaeritur autem, cur senilis visus non pertingat ad remotissima objecta. Dici enim posset, cum tantum radios parallelolos,



lelos, non autem divergentes cogat in unum punctum, ergo, quo objectum remotius, eo magis radii paralleli erunt, ergo melius videbit presbyops. Experientia autem contrarium docet, quoties enim senibus paulo ultra tres pedes objectum removetur, non videbunt. Ratio est, quia omnes nervi in nobis diuturno usu exerciti, tandem insensiles fiunt; sic etiam fibrae nervosae in retina, utpote usu frequentiori fatigatae, rigidiores fiunt, tandemque fere insensiles. Verum, quo remotius objectum est, eo magis quidem paralleli radii fiunt, sed incidunt pauciores, ergo cum minor lux accedat, non sufficientem vivacitatem ad punctum retinae inprimit, hinc punctum idem retinae non satis movetur. Hinc in summa quidem luce objecta aliquantulum remota distincte vident senes, in crepusculo vero nihil vident, contra ac in myopibus, quia retina a paucioribus radiis non sufficienter adficitur.

CLXXXVI. Porro quaeritur quale remedium huic morbo conveniens habeatur? Oculus senilis ita se habet, ut remota optime videat, si modo satis lucis adsit. Ergo non requiritur, nisi ut primo lux moveatur ad oculum, uti fit aut a lumine solis aut a candela. Deinde oportet radios divergentes colligi, ut paralleli incidant, quod fit per vitrum utrinque convexum; Per tale enim vitrum trans-

transeuntes radii colliguntur in unum punctum, quod demonstrare oportet. Nunc per vitrum magnum convexum senes non vident, nisi confusissime, sed foco seu puncto convergentiae radiorum adponitur aliud vitrum concavum, tunc dicitur telescopium, tali enim vitro rursus paralleli fiunt radii, & sic videbit senex objectum remotum. Verum & alio modo fieri potest. Ponamus ergo corneam oculi presbytae in *fig. 22.* esse AB, & objectum videndum E. Ponatur vitrum C minus convexum ante oculum, si tunc objectum ponatur in ea distantia a convexo hoc vitro, in qua a remotis radiis fieret vitri focus, utique hoc unico vitro senex videbit. Ex conversa enim actionis vitri convexi, uti radii ex A & B paralleli advenientes, a vitro C coguntur in punctum E, ita radii ex hoc puncto E divergentes, vi vitri eadem, paralleli ex vitro exhibunt. Si autem poneretur objectum in majori distantia, quam CE, tunc objectum non videbit senex, nisi ponatur in loco collectionis, post vitrum convexum, aliud concavum, & fiat telescopium, ut dictum est. Hinc quoties admodum convexum est perspicillum, tunc etiam propius debet objecto admoveri, & sic radii incidentes erunt copiosiores, atque una tamen satis divergent.

Ergo

Ergo plus lucis adci-  
piet fenex & plus radio-  
rum: nam paralleli radii incidunt, & a vi  
vitri fit, ne divergant. Si nunc magis con-  
vexum vitrum fumatur, tunc majus esse de-  
bet, quam vitrum minus convexum; cum  
enim valde propinquum objecto ponatur,  
curandum est, ut nulli radii praeterlabantur.  
Nam si lens ejusdem magnitudinis, cujus est  
lens C, poneretur in loco K, radii quidem  
EA & EB, ad corneam advenirent, sed plu-  
rimi alii radii IE, HE, & GE, LE, praeter-  
laberentur, ut in figura patet, sicque lux  
multo debilior ab objecto E adveniret. Si  
vero vitrum majus est pro distantia majori,  
v. g. si fuerit ut D, non praeterlabuntur ra-  
dii, quia omnes vitrum offendunt: Nam  
iidem radii incidunt in vitrum D. Hinc om-  
ne perspicillum omni oculo potest accom-  
modari, dummodo mobile sit, quando e-  
nim magis & minus admo-  
vereri potest ob-  
jecto, idem est, ac si ob-  
jectum ipsum mo-  
veatur, & semper invenietur punctum aliquod,  
in quo omnes radii convergunt in focum.

CLXXXVII. Quaeritur hinc *ultimo*, cur  
presbytae a convexis perspicillis adjuventur?  
Falluntur hic plurimi mathematici, creden-  
tes id fieri ex eo, quia per ea objecta ma-  
jora repraesentantur. Sed hoc phaenomenon  
unice ideo fit, quia plures radii, qui alias di-  
vergerent, & oculo perirent, nunc colliguntur,



& secundo, quia radii omnes paralleli incidunt; ita ut in corneam paralleli advenientes facile in retina in unum tantum punctum coeant, hinc fit, ut objecta distinctiora videantur. Ea ergo commoda praestant haec vitra. Primo, quod objecta majora videantur, id est, magis distincta, secundo quod senes magis propinqua etiam videant. Ergo non juvant ideo, quod vere majora faciant objecta, sed quatenus distinctius reddunt objectum, nec faciunt, ut radii ad angulum majorem conveniant, ut plerique scriptores volunt, sed contra. Hinc illi senes, qui soliti erant ad tres pedes remota objecta unice videre, jam etiam propinqua distincte vident, ob eam vero distinctionem persuadetur menti, objecta ipsa esse adpropinquata. Diximus enim, nos distantiam metiri ex debilitate objectorum. Hinc, quae objecta cum fortiori luce & vividis coloribus videmus, ea propiora putamus. Et, si distantia fixa sit, atque determinata, tunc iidem vividi colores faciunt, ut objectum idem nobis videatur grandius, quando id nobis distinctius & cum validioribus coloribus adparet.

## F I N I S.

## ERRATA.

P. 207, linea 8 Supra ultimam pro *in* lege *Sit in E.*

P. 211. l. 1 pro *radii* lege *radius*,

P. 213. l. 15 pro *cornea* (*sphaera sit triplo minor* lege *cornea sit pars sphaerae triplo minoris.*)

P. 219, pro *axis* lege *focus.*











51



